

2.  
APPARATVS  
AD HISTORIAM  
NATURALEM  
SANGVINIS HVMANI,

AC  
SPIRITVS PRÆCIPVE EIVSDEM LIQVORIS.

*Auctore*

ROBERTO BOYLE

NOBILI ANGLO, SOCIETATIS REGIÆ SOCIO.


*Est enim haud pauca, edque ex præcipuis, supersint absolvenda, tamen consilium est  
universum opus potius promovere in multis, quàm perscere in paucis.*  
Verulam. in Præfat. ad Histor. Natural. & Experiment.



GENEVÆ,  
Apud SAMVELEM DE TOVRNES.

M. DC. LXXXVI.





# PRÆFATIO

AD VIRVM SVMMÆ INGENIOSVM SVMMÆQVE  
*Eruditum* DOCTOREM I. L.



UAMVIS, quodd non invitus fatebor, Medici non pauci fuisse doctique, atque eorum etiam nonnulli sanè perquam disertè Sanguinis quasi panegyrim egerint, dum quàm nobilis, excellensque liquor sit, exposuerunt; hic tamen, veniam ut spero dabunt, si dubium omnino pronunciam, an non feliciùs ipsius laudes celebrârint, quàm ejusdem nobis naturam detexerint. Licèt

enim laudanda sanè hujus in quo vivimus sæculi curiositas, varia ab Antiquis non accepta nos docuerit, quicquid hætenus humanum circa sanguinem generatim scitur, mancum adhuc ni fallor, mutilum quæ est, nititurque observationibus magis, quàm experimentis: generalem quippe hanc notitiam peperere potius Phænomena quæ ipsa Medicis natura sponte suppeditavit, quàm experimenta industriè facta ad inveniendum id quod ipsa, arte non provocata, nunquam detegit. Non eò progrediar temeritatis ut asseram solidas Corporis partes contemplari, fluidas verò, Sanguinem præsertim, propius non inspicere, quemadmodum Anatomici plurimi fecere, non minus absurdum fore in Medico, quàm si quis de eadi tantum fabrica sollicitus contentum intus vinum prorsus negligeret; at quanquam comparisonem adeo severam instituere nolim, cum tamen mecum ipse perpendo,

† 2 inter

## P R Æ F A T I O.

inter Corporis Humani partes Sanguinem præcipui esse momenti; quemadmodum enim quamdiu legitima est ejus constitutio, motusque ordinatus, alimentum, vigorem, motum, ipsamque adeo & sanitatem & vitam reliquis viventis machinæ partibus tribuit, ita pariter aut vitiatum sanguis, aut ( quod sæpissimè illius depravationis effectus est) inordinatè motus, causa est variorum, sedèsq; morborum, quorum proinde curatio ab ejusdem rectificatione, omnino pendet; cùm inquam hæc mecum ipse perpendo, tanti argumentum momenti aut hætenus neglectum suspicor, aut necdum ea, quæ par erat peritiâ industriæque tractatum: sed nequaquam seridè, ut spero, mecum tu agebas, dum me ad hunc defectum tollendum, atque ad afferendam aliquam huic malo medelam sollicitares: neque enim, nōsti, Medici mihi partes assumo: cùm itaque Medicus non sūm, multiplici me oportunitate carere necesse erit qua eorum qui medicam profitentur artem, potior longè sit conditio: Licet autem non negem pluribus jam abhinc annis proposuisse me ingeniosis quibusdam Medicis historiam fluidarum partium corporis, ut humorum aliorumque succorum, atque etiam spirituum, quin & speciatim variarum quæstionum construxisse catalogum, variâque fecisse experimenta ad Sanguinem pertinentia, cùm tamen ea jam scripta perierint, longoque tempore tractu, atque studiis alterius omnino generis quæ magis speciatim continebant, memoriâ exciderint, vix jam alicujus quidpiam momenti ad propositum à te scopum conferre possum. Quia autem facta tuo jussu scriptorum meorum investigatio hætenus extitit inutilis, & quoniam tum temporis ea mihi exciderunt, cùm & robustior mihi valetudo foret, plûsq; otii quàm nunc suppeteret, cùmque argumenta ad artem medicam spectantia frequentius meditarer, quæ jam de Sanguine ad te transmittam, non ea tantùm quæ dici debuere, sed ne ea quidem, ni fallor, quæ de eodem ipse dixi, exæquabunt. Quæ non eo à me consilio dicta sunt, ut mandata tua, imposuimve à te provinciam subterfugiam, sed ut tu imperitam adeo obedientiâ excusare ne graveris. Cùm enim in mediū adduci à me velis quicquid facta iterum perquisitione, eorum quæ perierant humanum circa Sanguinem mihi occurrit, hæc super re satis tibi fiet in tractatu proximè secuturo qui tribus maximè partibus constat: quarum prima seriem titulorum complexa

## P R Æ F A T I O.

complexa est[quos primi ordinis ob rationes in *admonitis* circa easdē dandas voco] titulorum inquam ad naturalem medicāmque Sanguinis Humani historiam spectantium, qui eos, quibus melior nullus ductor adest, dirigere ac docere queunt, quas proponant quæstiones, & ad quæ potissimum capita eas referre debeant, in quas vel observatione, vel experimento inciderunt. Sed quia hæc pars meros tantum complectitur titulos [cujus tamen Systema, utilissima fortè totius hujusce tractatus pars futura est] & quoniam orium mihi deerat, nec ea mihi suppetebant quibus vel omnes, vel plerosque titulos implem, convenientius facturum me existimavi gemino in argumento, fero scilicet Humani Sanguinis, quod naturalis, Spirituque qui factitia ejusdem pars est, quædam præbere specimina eorum quæ aliis in argumentis mihi proposueram, exemplaque nonnulla iis qui in conscribendis Historiis Naturalibus minus sunt versati, quàm mihi per generalem scopum, cursumque studiorum esse licuit. Quæ autem de utroque hoc argumento dicuntur, tertiam, & quartam hujus tractatus partem constituunt. Quod ad alios titulos Historiæ Sanguinis spectat, satis habui, quod festinarem, eos, prout fortuitò occurrebant proponere, interjectis identidem historicas inter notas experimentis quibusdam, quæ prius ut specimina tantum quædam designaveram, de quibus lux aliqua oriri possit, quicumque demum eventus foret. Hæc propriarum rapsodia observationum, unam quatuor partium, ordinèque secundam constituit eorum ad quæ tibi hoc tempore offerenda tua me mandata impulerunt; eritque cur læter plurimum, si tuis parendo imperiis, quibus summa semper animi voluptate parere soleo, quasi *fracta* ut aiunt, *glacie*, promovere queam Humani Sanguinis historiam, tam nobile, adeoque publicæ utilitatis opus. Qua super re, ne ipso porticus ædificio major evadat, duo tantum hæc præmonebo: Primò itaque, sequenti in tractatu non constitui agere de hoc argumento quatenus ut ita loquar, in *fieri* considerato, alioquin omnem Sanguinis mutationem, processumque omnem ab alimentis primùm in os immisissis ad plenam eorumdem elaborationem, exponere necesse fuisset; quod perinde foret ac si ipsam sanguificationis historiam æquè ac Sanguinis conscribendam suscepissem: de hoc igitur liquore agere

decrevi

‡ 2

## P R Æ F A T I O.

decevi ut plenè integrèque elaborato , non tamen ut in vasis viuentium contento , sed ut extravasato , lanceolàque è venis emissio : quem tantùm circa Sanguinem aliqua faciendorum experimentorum opportunitas mihi suppetebat. Primo huic monito hoc jam alterum subjungo : de Sanguine Humano , ut ipse satis titulus indicat , in sequenti tractatu ago , qui à sanis tantùm corporibus eductus sit ; tum quia , cùm artem medicam non profitear , nulla adeat opportunitas inspicendi propiùs eorum Sanguinem qui peculiaribus morbis affliguntur , ( quod non parum ad plenam Sanguinis historiam conducere potuisset ; ) tum quia notitia Sanguinis sanè rectèque constituti indicat quibus & quot gradibus à perfectò statu Sanguis in ægrotis declinet , juxta receptum illud ab omnibus axiomata , *Rectum est index sui , & obliqui*. Quapropter schema titulorum ad sanguinem sanum spectantium faciem præferre poterit ei , qui historiam morbidi aut depravati Sanguinis in particulari aliquo morbo , ut pleuritide , quartana , hydrope , scorbuto , &c. conscribere veller. Institutà enim comparatione qualitates inter , accidentiàque viciati , sanique sanguinis , in præmemorato titulorum systemate tradita , non erit ardui opus laboris , Medico præsertim , statim consilicere ad quæ potissimùm capita referri oporteat ea quæ à sani sanguinis dotibus inultum recedere animadverterit ; hi autem recessionis , aut depravationis gradus , facta particularium quorundam , si quæ occurrant , additione , constabunt Historiam Sanguinis prout in eo particulari morbo vitiari solet : generatim enim Lectorem admonuisse semel satis & supervacaneum quoque fortè fuerit in omnibus aliis Sanguinem hoc morbo laborantium non absumilem esse sanguini sanorum , ac rectè valentium.

T R A D V-



## TRADUCTORIS PRÆFATIO AD LECTOREM.



*A est hujus in quo vivimus sæculi sagacitas, ut omnes veræ scientiæ cultores non Peripateticorum tantum more de proposito quovis argumento subtiliter, in utranque partem, ac probabiliter disputare, sed factis etiam quantovis labore, sumptibusque experimentis res propius insinueri velint. Hos verò inter qui totam jam per Europam nec pauci sunt, nec infima nota, præcipuum Boyleus, atque, ut quid sentiam ingenuè dicam, principem etiam obinet locum; cum Experientiæ ubique duce sacem hic præferat, quam erroris securi sequantur Philosophi omnes, necnon Chymici, atque adeo etiam Medici, ceterique, nuda veritatis amatores; neque enim privato, sed humanæ Reipublicæ bono sua consecravit studia, suosque, qui quotidiani sunt, devovet labores, iis sanè sumptibus, quibus pauci ferendis pares forent, eoque, qui hactenus, meo quidem iudicio, nemini adhuc contigit, successu: quod quàm minimè à veritate alienum sit testatur nomen ejus non jam per omnes modò Europæ partes clarissimum, sed ad externas etiam diffusæque Nationes famâ delatum; testatur communis patria, licet vix in patria. Propheta quis sit, atque popularis sine invidia applausus; testantur etiam, vel me tacente, tot doctissima ingeniosissimæque publicos conscriptæ in usus lucubrationes, pluribus jam linguis vulgatæ, quarum etiam quadam, haud ita pridem veste, ut audio, Turcicâ donatæ sunt; testabitur denique hoc ipsum quod edimus ejusdem Auctoris Opusculum. Chymicis, atque etiam Medicis, cum de Sanguine Humano agat, ac Philosophis quoque omnibus perutile futurum, atque etiam forè necessarium: ut enim prænobis Auctor noster in sua ad Lectorem Præfatione ait, Ipsi etiam Medici, quorum res præcipuè erat, Sanguinis laudes celebrârunt plerique felicius, quàm naturam ejusdem detexerunt. Cui hoc in Tractatu obviam irum est incommodo. Certus enim hic ubique experimentis, ad ea, ex quibus constat, principia Sanguinis reducitur, ut genuinam ipsius, ac naturam indolem ignorare quàm molis, nemo possit. Quamvis autem bene valentium tantum Sanguinem Auctor describendum suscepisset, non est quod quisquam sibi persuadeat historiam banc minus propriè et*

## PRÆFATIO AD LECTOREM.

propterea Medicis fore utilem: eum enim ut vulgatum feri adagium rectum sit regula sui, & obliqui, ex cognitū sani sanguinis dotibus, ac naturā, facili quis compendio, nulloque pene negotio, quod opposita juxta posita magis eluceant, atque eadem sit contrariorum scientia, sanguinis vitiatī affectiones didiceris: quos autem, & quān utilium, & quān abstrusarum rerum mysteria hic Chymicis tractatū aperiat, in paulo est: Philosophis quoque omnibus, deditisque speculationi ingenijs, secundam ingenium voluminum segetem hoc opus ministrat: quod proinde vel hoc nomine maximi ab omnibus fieri debet: quos enim & quān varia suggeruntur in eo capita, quibus ad pleniorē adhuc Humani Sanguinis Historiam facilis sternitur via: quān verō nova & quān scitu digna, de nobilissima sanguinis parte, Spiritū inquam, quarta hujus tractatū pars Lectoris oculis subiicit?

Quod autem ad ipsa, quæ habes hic, experimenta spectas, sicut dixisse superque fuerit, esse Boyliana ut de indubitata eorum certitudine omnibus omnino constet, qui celebre Boylii nomen audiverunt; quia enim nihil publici cum juris facere quod severè apud experientia trutinā non fuerit examinatum, omnibus jam ubique per Europam innotuit, Boyliana non pauci experimenta, tacito, non levi ingrati animi notā, auctoris nomine in lucubrationes suas transcripserunt, eo haud dubiè confitio, ut nomen sibi, famamque conciliarent, dum plurima quæ ob tanti Viri testimonium veritati summè esse conformia probè norunt, ut laboris ingenique sui partem in medium adducunt. Imitari profectò potius ejusmodi alienorum operum fures deceret aequissimum omnibus Boylium, qui ne verbum quidem ex quoquam, tacito auctoris nomine, atque nisi factū etiam honorifica ejusdem mentione, mutuatur unquam. Sed ut sciolos hosce pluribus perstringere superseam, de ipso translationis modometbodoque pauca dicam & paucis.

Cum prima virtus orationis perspicuitas sit, eam peculiari ubique studio sectatus sum, ac nisi fallor, etiam affectuius, verba auctoris sensumque, quod utrumque sinceri Traductoris munus est quantum latina orationis contextus patereatur, expressi: temperatum ubique dicendi genus, ut proposito apertissimum argumento recinui: vocabulūque adhibui licet non ubique Tulliana, neque enim solus omnia Tullius habet, artis tamen propria, & quibus si viveret adhuc, simili in argumento Tullius ipse haud dubiè uteretur. Ut enim nova plurima atque hæc, si quæ unquam alia, sanè sagacissima, adinvenit, ita quoque novis rebus novis exprimentis cudi voces necesse fuit: Sed ne diuturniorem tibi fore festinantī iniiciam moram, Vale, nostrūque in promovendo hoc publico bono, qualemcumque conatum equi bonique consule,

D. A. M. D.





# APPARATUS

AD

## HISTORIAM NATURALEM SANGVINIS HUMANI,

AC

SPIRITUS PRÆCIPUE EIUDEM LIQUORIS.

### PARS PRIMA

*Historiae humani Sanguinis titulorum. ad eandem catalogum, cui  
observationes quadam pramittuntur, complexa.*



T verus sequentis schematis titulorum, aliorumque multorum quæ variis super argumentis construxi schematum, scopus, melius, distinctiusque intelligatur, mutuari me oportebit locos quosdam ex tractatu nondum in lucem edito, aut epistolâ potius ad Dominum Oldenburgh Regiæ Societati à secretis de methodo naturalis historię conscribendæ: Tria itaque, eo in tractatulo proposui capita, ad quæ obvia particularia, proprięque spectantia ad historiam rei de qua agendum, sive illa *corpus*, sive *qualitas*, sive *processus* fuerit, hoc est, progressiva mutatio, aptè convenienterque referri possint. Distinctos hosi quæstionum quasi Catalogos, ordines voco, seu classes: quia autem experientia

A . . . . . rientia

rientia patuit res naturæ nonnihil discrepantis ad quamlibet illarum classum fuisse referendas, quales sunt quæstiones magis propriè ita dictæ, propositiones sive affirmativæ, sive negativæ, aliæque naturalis historiæ capita, minùs apta ut ad duo priora genera reducantur, quàm ut tanquam argumenta per se tractanda considerentur. Ob hanc inquam rationem, variâque alias ob causas omnia hæc particularium topicorum genera, seu articulos inquisitionis, ut illustris Verulamii nostri utar phrasi, generali latèque patente titulorum nomine comprehendendos putavi.

Primam hanc titulorum classem ex obviis constare velim, facilitèque, ac statim contemplanti primùm generatim argumentum tractandum occurrentibus. Vix enim expectari potest ut quis primo statim conatu tam lynceus sit, vel tam fortunatus ut incidat in methodos indagationis, aut disponendi, digerendi, tradendique quod detectum est, æquè directas, expeditas, ac compendiosas, atque ubi semel diligens laboriosâque perquisitiò pleniorè argumenti tractandi noticiam subministravit.

Quare vice prima sat superque fuerit si mens objectum contemplandum quasi circumbeat, atque quaquaversum speculetur, observatis hinc inde variis ejus aspectibus, variòque quasi vultu. [ Ut quando Pictor, aut Anatomicus contemplatur hominis corpus, conversa nunc ad se, nunc aversa facie ] observetque limites, ac terminos ejusdem, ac præcipuarum partium, maximèque essentialium, aliarumque rerum eò spectantium : quare in prima titulorum classe non est quod quis nimium sollicitus sit de enumerandis, ordinandisque particularibus ad eam reducendis, sed titulos quis, varios satque latè patentes quærat potiùs, quàm nimium accuratè methodicos, multoque minùs peculiari cuiuspiam hypothesei adaptatos.

Et quia primo etiam aspectu, nonnulli, licet forte perpauci, eorum titulorum fecundi satis videntur ut ad eorum quolibet duo, aut etiam plura topica magis particularia referri possint, methodi tamen causa, capitales titulos, hoc est titulos primæ classis, *primarios*, & subordinatos, *secundarios* vocandos putavi : cujus distinctionis exemplum insigne occurrit in iis quæ deinceps circa spiritum humani Sanguinis traditari solemus. Sedecim enim tituli unâ cum appendice in epistolari isto discursu contentâ, secundarii tituli sunt, ad *primarium* eum referendi qui decimus octavus est in prima classe historiæ humani Sanguinis.

Cum lectione, collatione, &, [ quod hic præcipuè considerandum venit, ] Experimentis in topicis primæ classis propositis quàm maximam potuit Argumenti tractandi noticiam physicis acquisivir, aliam jam titulorum classem construere poterir, quæ Secunda, si nulla alia mediet, diceret, aut postrema eorum classis, quæ, si diligens fuerit, nec omnino caruerit successu, copiosior futura est, ordinatiórque primâ. Jam enim probabiliter multa ad argumentum historiæ pertinere judicabuntur, quæ quis prius non animadverterat, inò forsan ne cogitaverat quidem ad illud pertinere :

pertinere: ulterior autem rei tractandæ notitia historicum dirigere poterit ad topica, seu titulos suos juxta methodum magis naturalem coordinandos, quam prius primæ titulos coordinarat. Quodque majoris longè momenti adhuc est, multi ac fortè etiam plerique particularium titulorum latius longè patere comperientur quàm primùm credebantur: ita ut Titulus quipiam particularis varios in articulos subordinatos, quos superius titulos *secundarios* diximus, subdividi possit; quorum aliqui tot fortè comprehendunt experimenta, observationesque, quæ primo statim aspectu primario titulo contineri credebantur: atque ex rebus ordine collectis sub hac ultima serie, classèque titulorum, factis nonnullis quoad methodum, connexionemque, aliæque quædam addititia, ut transitiones, &c. mutationibus, ope inquam ejusmodi alterationum, & additionum, particularia, ex quibus, classis postrema constat, digeri formarique poterunt in inchoatam argumenti ad quod spectant historiam: inchoatam dixi, ut insinuarem his etiam omnibus observatis futurum probabiliter, ut historia hæc videatur incepta potiùs, quàm perfecta: hæ enim est rerum natura, hominùmque peritorum fertilis adeò industria, ut argumenti ad historiam spectantis notitia in dies illustranda sit: quare augeri ipsa, & emendari historia poterit, quæ tamen, vercor, si fortè, unquam, non nisi multa post sæcula omnibus absoluta numeris futura sit.

Hic autem loci addam, cum argumentum tractandum latissimè patet, aut est valde arduum, qualis est generatio viventium, magnetismus, fermentatio, gravitas, &c. Perquàm utile fore, imo ferè necessarium, ut titulos inter ultimæ, primæque classis, ordinem titulorum statuas, qui secundus, mediùsve ordo dici poterit: ad quem construendum seriò seduloque naturam argumenti historicæ contempletur, comparètque inter se diligenter ea omnia, quorum noticiam propriâ consecutus est industriâ, ut competentem particularium numerum variis primæ classis titulis subministraret: accuratior enim hæc comparatio, multa verosimiliter nova ipsi suggereret topica, quæ prioribus addita novam meritò classem constituent, articulis copiosioribus ac magis discrepantibus, quàm fuerint articuli classis primæ, constantem aptisque ut alium juxta ordinem disponantur. Dicta fortè, & mox adhuc circa varias titulorum classes dicenda, illustrabunt quæ mox additurus sum.

Cùm igitur argumentum naturale proponitur historicè tractandum, quidpiam occurrere potest, hæud absimile ei quod Israelitis ad terram Canaan accedentibus contigit. Primo enim in eam ingressu, Iosua, aliæque speculatores obiter tantum, cursimque regionem speculati sunt, quam neque nisi imperfectè admodum describere potuerunt, allatò tantum præcipuorum fructuum manipulo: ac altera suscepta expeditione, novisque instructi mandatis speculatores, ut scilicet inquirendi laborem particularibus inquisitionis articulis quibus responderent, sublevarent, in tabulis metho-

dicis, ac Schematibus copiosorem longe, magisque distinctam fertilissimæ terræ Canaan Chorographiam exhibuerunt : fieri vix potest ut primâ statim vice tituli, sive primarii, sive secundarii naturalis historię, fiant adeo latè patentes ; eaque contrahantur industria ut nec augeri egeant, nec emendari ab eo qui ulteriorem in practica argumenti tractandi Scientia progressum fecerit ; necessarium itaque aut saltem perquam utile judicavi editioni primæ titulorum, cujusslibet historiarum naturalium à me descriptarum appendicem subiungere duplici particularium genere constantem, *Parasipomenis* scilicet, aliisque *Addendis* : quorum priora continerent ea quæ reduci propriè possunt ad unum aliquem aut plures titulorum, sive primariorum, sive secundariorum in Schemate Historię distinctè enumeratorum, sed quæ vel ob præcipitantiam, vel inadvertentiam iisdem non inserta fuere. Posteriora novis constant particularibus, historiâ jam Descriptâ detectis, sive hæc particularia ad præcedentium Titulorum aliquem directè pertinerent, aut generatim tantum ad argumenti illustrationem nonnihil conferre possent.

## TITVLI PRIMI ORDINIS,

Ad

*Naturalem humani Sanguinis in hominibus sanis historiam.*

1. **D**E coloribus Sanguinis humani Arterialis, & Venalis.
2. De odoribus Sanguinis humani, ejusdemque sapore.
3. De calore Sanguinis humani è vena recentis.
4. De inflammabilitate, aliisque qualitatibus sanguinis humani.
5. De æreis particulis naturaliter humano sanguini commixtis, atque etiam in distinctis ejusdem partibus repertis.
6. De specifica integri humani sanguinis gravitate.
7. De specifica gravitate duarum obviarum partium humani sanguinis, rubræ & (fibrosæ) serosæque.
8. De consistentia humani sanguinis integri.
9. De dispositione humani sanguinis ad concretionem, deque concretionis tempore.
10. De liquoribus, & salibus humanum sanguinem coagulantibus.
11. De liquoribus & salibus sanguinis humani dissolutionem prohibentibus, eundemque coagulatum dissolventibus.
12. De liquoribus, &c. humanum sanguinem conservantibus.
13. De mixturis humani sanguinis ab alimentis.
14. De spontanea aut naturali humani sanguinis in partes serosas fibrosasque

fasque resolutione.

15. De diversâ quantitate serosæ fibrosæque partis sanguinis humani.
16. De differentiis serosas inter portiones partis rubræ sanguinis humani.
17. De artificiali, chymicâque sanguinis humani analysi, ac primò spîrituum.
18. De sale volatili sanguinis humani ejûsque configuratione.
19. De phlegmate sanguinis humani distillati.
20. De geminis sanguinis humani oleis.
21. De sale fixo sanguinis humani.
22. De terra damnata sanguinis humani.
23. De proportionè discrepantium substantiarum à sanguine humano chymicè extractarum.
24. De fermentatione, aut putrefactione sanguinis humani, ejûsque phænomenis.
25. De mechanicis humani sanguinis usibus, ut in agricultura, &c.
26. De medicis humani sanguinis usibus.
27. De chymicis humani sanguinis usibus.
28. De differentiis humani sanguinis in subjeâis temperamenti discrepantibus, diversisque in circumstantiis, ut viris, mulieribus, quando menstruæ & quando non, pueris, Mauris, Negrois, &c.
29. De affinitate differentiâque hominum inter, variorûmque aliorum animalium sanguinem, ut quadrupedum, avium, piscium insectorûmque sanguineorum.

---

## APPENDIX,

### *Complectens.*

1. **P**Aralipomena ad historiam humani sanguinis spectantia.

2. Miscellaneas observationes, experimenta, & quæstiones circa humanum sanguinem, ejusdem historiz superaddenda.

Cùm jam præmonuerim in sequenti tractatu agere me de sanguine tantùm extravasato quod alius nullus, quem experirer ad manum foret, non erit ut opinor cur quisquam miretur si in superiore schemate titulos hujuscemodî non reperiat, nihilque dixerim,

De processu sanguificationis seriêque mutationum quibus obnoxium est alimentum ab eo tempore quo in os immittitur donec vertatur in sanguinem.

De motu, circulationeque maximè sanguinis.

De Chylo, lymphâ, aliisque liquoribus sanguini, ut vulgò creditur commixtis,

A 3 De

De humoribus, plegmatæ, felle, inelancholiâ : utrum scilicet reipsa constituentes sanguinis partes sint, atque utrum aliæ quædam substantiæ pari jure ejusdem partes dici nequeant.

Hi, ut dicebam, aliquæ fortè nonnulli adhuc tituli addendi erant, nisi de sanguine humano à corpore tantum separato agere decrevissem, opor-  
que ex animo uttu, cujus humeri huic aptiores provinciæ sunt, hos im-  
plere titulos velis, quorum quidam erunt, præliminaria, alii appendices  
ad inceptam à me sanguinis historiam.

Neque fortè abs re hic fuerit subungere, designasse me quondam natu-  
ralem aliorum corporis humani liquorum æquæ ac sanguinis historiam,  
ut fellis in lymphæ, succi pancreatici, urinæ, salivæ, lactis, &c. Sed statim  
animadverti id muneris medicorum esse proprium, iisque proinde per-  
mittendum : hic tantum exigui speciminis instar subjungam classem titu-  
lorum ad Historiam urinæ, quæ licet ob suam cum sanguine affinitatem  
titulos plures cum eodem communes habitura sit : quidam tamen rei con-  
formiter naturæ diversi futuri sunt. Quem idcirco liquorem seligo, quia  
asserere audeo, quod præmeditatus loquor, diuturniorque tempore  
examinandæ urinæ, quam sanguini ipsi insumpto, in ea me esse mente,  
urinam, quantumvis ab aliis despectam, seridè seduloque à Medicis, Natu-  
ralistis, variâsque ob causas à Chymicis ponderandam, ac considerandam  
esse, qui perito dexteroque hujus liquoris usu, ad majoris fortè mo-  
menti quædam indaganda, tum in arte medica, tum in alchymia anima-  
buntur, cum præsertim *Phosphorum* cujus tot talibi, tam novæ adeoque  
quædam stupenda, retuli phænomena, ex urina tantum distillata, meam  
saltem juxta methodum confectum esse animadvertierint.

## TITULI PRIMÆ CLASSIS,

### A D

*Naturalem humana urinæ à sanis hominibus emissæ historiam.*

1. **D**E coloribus humanæ urinæ.
2. De sapore humanæ urinæ.
3. De odoribus humanæ urinæ recentis ac putrescentis.
4. De specifica humanæ urinæ gravitate.
5. De calore & frigore humanæ urinæ.
6. De consistentiâ humanæ urinæ quoad densitatem, viscositatem, &c.
7. De aëreis particulis in humana urina contentis.
8. Vtrum humana urina sit liquor idoneus ad fermentationem pro-  
priæ diætæ,

9. De

9. De differentiis recentem inter, veteremque urinam.
10. De fermentatione, aut putrefactione humanæ urinæ, temporæque ad utramque requisito.
11. De spontanea partium in urina humana separatione.
12. De vulgari urinæ humanæ per distillationem analysi.
13. De quibusdam aliis humanæ urinæ distillandæ modis.
14. De proportionem principiorum, aut ingredientium humanæ urine.
15. De spiritibus humanæ urinæ.
16. De phlegmate humanæ urinæ.
17. De sale volatili humanæ urinæ.
18. De sale fixo humanæ urinæ.
19. De sale composito humanæ urinæ.
20. De lucidis substantiis ab humana urina extractis.
21. De sale in urina humana prædominante.
22. De oleo Empyreumatico, aut oleis urinæ.
23. De mellagine, aut Rob humanæ urinæ.
24. De terra damnata humanæ urinæ.
25. De accidentali quadam differentia humanæ urinæ ut emissæ mane, aut certis à sumpto cibo intervallis, aut post quorundam alimentorum usum, ut & medicamentorum, puta, asparagi, terebinthinæ, &c. Aut certis anni tempestatibus, ut hyeme, æstate, &c.
26. De affinitate humanæ urinæ cum variis aliis corporibus, maximè Vegetabilibus, & Mineralibus.
27. De hostilitate humanæ urinæ cum acidis.
28. De affinitate, differentiæque urinæ, sanguinis, fellis, lactis, &c. variisque aliis liquoribus, succisque animalium propriis, ac præsertim de urina humana cum urina brutorum comparata.
29. De mechanicis urinæ humanæ usibus.
30. De Chymicis urinæ humanæ usibus, ejusque partibus, præcipuè ut menstruis.
31. De medico humanæ urinæ usu externo internoque.

Promiscuæ observationes, experimenta, ac quæstiones ad humanam urinam spectantes.

Non omnino vero abfimile existimo futurum ut nonnulli designatæ à nobis sanguinis historici tituli, pluræque longè particularia quæ in eadem offensus, videantur tibi primò statim aspectu frivola: quæ tamen temporis fortè tractu perquam utilia comperientur. Laboris enim est ut operosioris, ita utilioris quoque multò quàm primo statim intuitu homines dignoscant, invenire, atque ad pauca quædam capita contrahere magnum particularium numerum ad idem argumentum spectantium, atque mentis quasi ob oculos simul ac semel objicere. Quin etiam varia sunt experimenta particularia, observationesque quæ primùm fortè atque iterum etiam legenti vide-

buntur leviusculæ, aut superius, quas postea non leves in usus ii adhibebunt qui ad non marcam, mutilamque sed solidam, intimamque rei à se investigatæ notitiam omni conatu aspirant: ejusmodi autem indagatores particularia non pauca, quæ primùm neglexerant, quòd directus eorum usus, obviæque applicatio non manifestè pateret, comperient non inutilia adinveniendis novis hypothæsis, theoriis que, aut certè illustrandis, examinandisque aliorum sententiis, aut si vero conformes, confirmandis, si secus, refellendis. Vt enim verbo dicam, notitia rerum experientiâ parta, nequit non esse perutilis naturalis non uno tantùm, sed probabiliter multiplici modo, naturalistæ inquam sagaci, rectique practicæ hujus scientiæ usus gnaro.

## PARS SECUNDA.

### *Miscellaneas observationes & experimenta circa humanum Sanguinem complexa.*

**S**I omnia ea experimenta, scripta, & notæ jam mihi ad manum forent, quas aliàs humanum circa sanguinem aut feci, aut scripsi, aut eorum jam defectum supplendi mihi occasio suppeteret, quæ fortè Deo favente mihi aliquando continget, hæc secunda operis nostri pars minus manca, minusque imperfecta in lucem prodiret: adeo autem mihi constat de hujus rapsodix, notas incoherentes diversis temporibus, nec unâ omnes occasione scriptas complexæ, incompletionē, ut plus vice simplice eam omnino prætermittere statuerim: quod ne facerem non leve argumenti momentum prohibuit circa quod qualiacumque etiam experimenta usui esse poterunt quod præmonendum te judicavi ut promiscua tantùm experimenta, eaque ad aliquos tantùm historiæ humani sanguinis titulos, referenda, (alia enim varia prætermissa fuere) hac in secunda parte operis nostri expectes.

### *Ad Titulum IV. primarium Historia Humani Sanguinis.*

#### EXPERIMENTVM I.

**C**VM quibusdam de causis, quas hîc commemorare necesse non est, inductus forem ut inquirerem ex pluribus sanguinem apertâ venâ extrahere solitis, utrum necne observarent manifestam & notabilem percipi à nonnullis mutationem caloris in sanguine, prout primùm, aut postremùm effluebat: ita omnino rem se habere responderunt, affirmaruntque plures omni febrili æstu liberos, dixisse, sanguinem, ubi aliquanto tempore effluisset,



xisset, calidiorem se quàm initio effluxus sensisse : quorum etiam non nulli conquesti sunt effluxisse sanguinem ea caloris vehementiâ quæ molesta foret, quæque amburendi quodammodo viderentur.

---

*Ad eundem Titulum Historia Humani Sanguinis.*

EXPERIMENTVM II.

**H**ortatu meo Chirurgus sigillatum Thermoscopium ad statam mensuram, *Standard* Collegii *Greshamii* adaptatum imposuit Scutellæ in quam sanguinem junioris cujusdam mulieris emissurus erat, eo consilio ut dum sanguis ex aperta vena flueret, in Globum instrumenti impingeret, in quo liquor sursum ad sat magnum spatium calore coactus est vix tamen propius ( si tamen omnino ita prope ) uno circiter pollice superiori Thermoscopii Globo minori.

---

*Ad eundem Titulum,*

EXPERIMENTVM III.

**S**ed cum intra brevius quàm horæ spatium ante hoc tempus ab eodem Chirurgo in eadem officina vegeto satis, viro mediceque atatis vena aperta foret, ut sanguis in idem Thermoscopium superefflueret, tinctus urinæ spiritus ascendit supra omnes notas ad collum Thermoscopii spectantes, atque ab apice colli ad sat magnam quantitatem expandit sese in parvo superiore globo cobi [asseruit enim mihi Chirurgus attigisse eum quartam partem altitudinis Globi,] quare licet determinare non possemus quouique ascensus fuisset, si collum instrumenti sat longum extitisset, videbatur tamen manifestè ascendere calore notabiliter majore quàm soleat esse calor dierum canicularium : hæc enim mensurata, *gag'd*, Thermoscopia cum in modum sunt configurata ut liquorem toto anni tempore servant in Collo, qui neque per hyemem omnino in majorem globum subsidat, neque per ætatem ascendat in minorem.

Adhibuimus pariter, cum juniore cuidam muliere vena aperiretur, sigillatum Thermometrum non mensuratum, sed altero longe brevius, in quo tinctus spiritus evectus fere ad apicem est, quod non inhumum caloris gradum indicabat.

*Ad eundem Titulum,*

## EXPERIMENTVM IV.

**A**Tque operæ pretium fortè fuerit hic indicare scutellâ in quam è vena sanguis sani cujusdam hominis emissus fuerat, à Chirurgo donno ad pædes meas allatâ, licèt jam coagulatus videretur sanguis, cum tamen, cum supramemoratum mensuratum thermoscopium eidem imposuissèm, latis retinuisse caloris ut spiritus vini, quantum quidem conjiciebam ad trium, quatuorve digitorum latitudinem priorem supra stationem cogeretur.

*Ad quintum Titulum Historia Humani Sanguinis.*

**C**UM Sanguis Humanus distillatione suppeditet notabilem olei quantitatem, non immeritò quis cum combustibilium corporum catalogo ascripserit: non quivis tamen tam inflammabilem fortè existimarit, quam factò hunc in scopum experimento comperi. Portio enim humani sanguinis ad pulverem pæne exsiccata flammæque candelæ exposita concipiebat flammam non absimilem flammæ quæ ipsam incendebat, ardebatque cum strepitu crepitûque marini salis instar in ignem conjecti, hinc, interim, atque inde colliquescens: luculentius tamen multò inflammabilitas siccati hujusmodi sanguinis elucebat cum quatuor aut quinque intimè succensis carbonibus simul congestis particulam siccati sanguinis molem exiguæ nucleus moschatae aut circiter æquantem superimposuimus: copiosam enim hæc flavamque valde flammam emittebat, & si tempestivè, cauteque identidem sufflaretur, ut effluvia degenerabant in funium, frequentibus hisce re-accensionibus pergebat exhibere claras, flavasque flammæ sat magnas, habita ratione corporis à quo emanabant, longioresque multò quàm quis expectaret: præcipuòque hujus deflagrationis tempore, sanguis fixari super carbonem videbatur, magnæque ex parte colliquari nigram in substantiam pici non absimilem, stridor quoque crepitûque producebantur non absimiles stridori à Chymicis observato in communi sale præcipitato.

Hæc experimenta quoad substantiam iterata sunt; sed aliud exemplum inflammabilitatis sanguinis adhuc mirabilis ostendi: sanguine enim humano [portio erat ejus quo superiore in experimento usi eramus] eo nesci quæ exsiccato donec ad tenuissimum pulverem reduci facillè posset: aliquam hujus pulveris partem tenuissimo linteo tractam projecti per flammam Candelæ: granula autem in celeri suo per eam transitu ignem conceperunt, pulvisque micuit non sine strepitu resuræ adinstar: hoc experimentum pa-

ri cum successu reiteratum fuit.

*Ad septimum Titulum Historie.*

**S**pecifica humani sanguinis gravitas, difficilior quàm quis sibi fingeret, determinatur: gravitas enim sanguinis diversa notabiliter in diversis esse potest juxta diversitatem sexus, ætatis, constitutionis, &c. atque in eodem homine variari potest & diverso anni, & diei, tempore vel quòd majore, minoreve à sumpto cibo intervallo extractus fuerit, variisque aliis circumstantiis; sed præter hæc omnia est mechanica quædam, ut ita loquar, in perniciendo hoc, de quo nunc opere difficultas; sanguis enim incipit coagulari adeò citò ubi semel emissus est ut vix hydrostaticè ponderari possit, live immergendo in eo solidum corpus ipsumet gravius live ponderando totum sanguinem in aqua: priori enim ponderandi methodo resistant fibrosæ sanguinis partes, posteriori verò serum: atque eadem de causa est aliqua, licet non tanta difficultas comparandi paulò accuratius pondus sanguinis cum pondere aquæ in vitro, ut alias etiam ob causas, quas qui rem curiosius explorare atque experiri voluerit, facili citòque adinventit: cum tamen usus non exigui esse possit aliqua, sin minus accurata, notitia differentie, quoad gravitatem, aquam inter & humanum sanguinem, à quo tam variz partes corporis tum consistentis tum fluidi variis texturæ mutationibus & constituuntur & nutriuntur, subjungam experimentum quam accuratissimè fieri potuit factum, ob rationem mox datam. Sani itaque hominis sanguinem uno totum eodèmq; tempore emissum selegimus, totamque ipsius massam, ac tum serosam, tum fibrosas partes intulimus in phialam oblongam quam convenientissimè molis, figuræque: cumque jam sanguis stagnaret quietus, pulsæque evanuiscent, adamante sollicitè signavimus arcionem nam phialæ partem, quam superior sanguinis superficies attingebat, eum phialam & sanguinem in bilance legitima ponderavimus: cumque effudissemus sanguinem alios in usus, & phialam lavissemus, impleta illa est aqua communis ad notas superius commemoratas: tumque ponderavimus iterum in eadem bilance: aqua postmodum effusa, solitarius vitrum ponderatum est in usdem bilancibus, ejusque pondere deducto ab utroque præmemorato pondere comperitum est aquam ponderare uncias novem, drachmas sex, grana quinquaginta, & sanguinè æqualem ipsi in mole uncias decem, drachmas duas, grana quatuor: cum itaque differentia fuerint tres drachmæ, & grana quatuor supra decem, sanguis pondere suo superabat tantundem aquæ vigesima circiter quinta parte. omitta enim fractionem, sui ponderis: sed hoc experimentum ob rationes supra memoratas plus vice simplici repeti oportebit.

*Ad undecimum Historia Titulum.*

**L**icet rectificatus vini spiritus sit mensurum constans partibus valde subtilibus, eamque ob causam optimum variarum vegetabilium substantiarum dissolvens, atque ut experienciâ edoctus sum, metallinarum etiam quarundam, quæ solidiores fibrosa humani sanguinis parte videntur, cum tamen Corpus hoc discrepantis admodum ab iis texturæ esse constet, futurum existimavi ut vini spiritus diverso longè modo in illud ageret. Quapropter cum serum à grumo sanguinis separassem, qui quidem coagulatus erat, sed sat mollis, ut fibrosa pars priusquam siccetur, esse solet, per varias eum horas asservavi in vinoso spiritu bene dephlegmato, ex quo postea Grumum extraxi non minùs durum quàm si ad ignem deficcatus fuisset.

*Ad decimum nonum Titulum Historia.*

## EXPERIMENTVM I.

**S**al volatile humani sanguinis quantumvis fugitivum, adeo tamen subsibile est, ut si dextrè tractetur, una ipsius pars colliquari possit, atque etiam ut expertus sum, ebullire, dum altera avolat: idem cum aliis salibus volatilibus expertus sum: quod quidem futurum ut contingat in ple-risque, ac forte etiam in omnibus reor.

*Ad eundem Titulum.*

## EXPERIMENTVM II.

**L**icet sal volatile humani sanguinis, cum sublimatione candescit & purgatur, videatur substantiæ omnino homogeneæ, ac juxta Chymicorum principia ejuscemodi esse debeat, est tamen cur suspicer aut ipsius substantiam non esse omnino similem, aut corpuscula illud constituentia, esse quoad molem, ac fortè etiam quoad figuram sat discrepantia: cum enim grana quædam resublimati salis humani sanguinis, qui purissimus videbatur, ponderassem, fortis adeò odor erat, ac diffusivus, ut quis facili sibi persuasurus fuisset, saltem totum, (sex utpote tantum grana) paucas intra horas evaporandum, expositum presertim aëri in meridionali fenestra super planam vitri particulam: nihilominus plures post dies, sep-

tcm

tem nisi fallor, aut octo, comperi salem adeo parum, quoad molem sensibilem, diminutum, neque enim ponderandum putavi, ut non nisi perexiguum ejus depernisse videretur. Quod autem erat residuum vix ullum retinebat odorem quem quidem ipse, cui acuta satis odoratus organa sunt, percipere possem: retinuit nihilominus candidum hoc corpus saporem salinum, ac modicum illius experimenti gratia in solutionem communis sublimati in aqua limpida, injectum, eam statim albam reddidit, ac proinde penetrans ac diffusivus odor volatilis salis sanguinis videbatur emanare a particulis quibusdam subtilioribus magisque fugitivis quam sint aliæ partes eum constituentes. Sed hocce experimentum cum diversis solis quantitatibus reiterandum est. Quo fiet ut sollicitus observator detegere queat, utrum comparativa salis nixitas post odoratarum particularum, saltem plerarumque avolationem residua, non oriatur ab earundem coalitione cum acidis corporibus, quæ hæc illæ per aërem oberrantia adhærere solent corporibus, ad recipiendam ab ipsis impressionem dispositis.

---

*Ad eundem Titulum,*

## EXPERIMENTVM III.

**D**Rachma salis volatilis humani sanguinis sublimata in lampadis fornace, in eam communis aquæ quantitatem injecta est, quæ in arcto vitro Cylindrico satis foret Cooperiando integro Globo statæ nostræ mensuræ, aut mensurati Thermoscopii; quando autem, postquam hoc aliquamdiu stetisset in aqua, ut suam ad temperiem reduceretur, injecimus salem supra memoratum, tinctus vini spiritus subsedit manifestè ad duas ciaciter pollicis decimas, inferiusque haud dubiè subsedisset si plus aquæ in vase fuisset ad tempestivam salis solutionem faciendam cujus pars notabilis irresoluta in fundo jacuit.

---

*Ad Eundem Titulum,*

## EXPERIMENTVM IV.

**V**Bi Liquorem non ampliùs subsidere animadvertimus, ei paulatim fortem nitri spiritum addidimus, donec cum sale dissoluto non ampliùs manifestè conspiceret. Cujus experimenti eventus hic erat: liquor in Thermoscopio illico ascendere coepit, continuato dum consiliatus duraret ascensu, quo finito mensurantes comperimus tribus ampliùs pollicibus & dimidio liquorem ascendisse supra stationem ad quam crepta

B 3

ebullit.

ebullitione quiescebat.

*Ad Eundem Titulum.*

EXPERIMENTVM V.

**F**iguratio salis volatilis humani sanguinis considerari potest, vel compa-  
ra è ad singula leorfin grana, vel ad illud eorum aggregatum, quod,  
quando ad apicem vitri ascendere coguntur, ipsius *sublimatus* dici po-  
test. Horum posicemum melius observari poterit, quando iainz exhalationes  
primùm ascendunt, interiorique lateri cæci capitis, alteriusve vi-  
tri ad ipsas recipiendas appositi adherent. Licet enim sub finem opera-  
tionis corpustula densa adeò, confusaque jaceant, ut nullas distinctas  
relinquant figuras, observare tamen primùm quis poterit parvas salinas  
concretiones ordinatim, aut varios secundum ordines jacentes, interdum  
satis rectos, magis interdum, minùsve curvos, variis cum coherentis &  
quare licet interdum hi concretionum ordines, cooperante maxime spe-  
ctantium imaginatione, exhibeant aut arbores, & earum ramos, aut cervi  
cornua, &c. Hæ tamen figuræ ac imagines nequaquam videntur esse  
constantes, atque à peculiari sanguinis humani natura pendentes, sed ca-  
suales tantùm figurationes, à causis variis & circumstantiis accidentariis  
ortæ, quales ferè sunt gradus ignis ad saleni sublimandum adhibiti, copia  
aut paucitas materiz ascendentis, capacitas & figura vasis illam recipien-  
tis, præter varias alias causas, quas hic commemorare necesse non est:  
nec tantùm inter elevatas concretiones salis volatilis humani sanguinis  
observavi à superius nominatis circumstantiis diversitatem producti con-  
figurationis. Sed quod ad singula grana volatilis salis sanguinis spectat,  
eorum plurima insigniter figurata animadverti, utrùm autem casu necne  
ulterius experimentum docebit: non potui, quantum memini, pulchrior-  
es illas figuras observare in concretionibus ublimatum componentibus,  
quod obtinebatur rectificando aut elevando iterum saleni primum supe-  
rfluentem, sed tantùm in granis quæ prima in distillatione superioribus  
recipientis lateribus adharebant: eorum enim non pauca insignis erant  
molis & soliditatis, licet non ejusdem omnia figuræ: cum quedam non  
abfinitia cubis forent, quedam parallelopipedis, alia octo. dris. granorum  
ferè aluminis instar, eorum tamen pleraque pulchrè erant figurata utpo-  
te planis lævigatis, concinnè figuratis, apteque in solidos angulos desinen-  
tibus comprehensa, quasi scilicet forent concretiones politæque à  
Gemmario.

*Ad*

*Ad Eundem Titulum,*

## EXPERIMENTVM. VI.

**A**Lia adhuc usum sum methodo in observandis salis sanguinis figuris rectificavi enim spiritum sanguinis, ita ut sale satiari plenè posset dum liquor in recipiente perseveraret adhuc nonnihil calidus: tum enim seponendo liquorem hunc nimis gravidatum, cum omnino refrigeratus est (quod lentè admodum fieri debet) inventus est in fundo phialæ magnus numerus salinarum concretionum quoad molem discrepantium, quarum plures, quantum quidem per reliquas animadvertere potui, expansæ erant Crystallinas in laminas valde lævigatas, pulchræque, figuratas, quarum quantum memini, latior & parallela superficies regularis satis erat, hexagona utpote, aut octogona.

*Ad eundem Titulum,*

## EXPERIMENTVM VII.

**C**onfermiter hypothesi variorum eruditorum Naturalistarum ac Medicorum, non inutile fore existimavi explorare quid oriturum esset ex conjugio volatilis salis humani sanguinis cum spiritu nitri; cuius salis partibus magis volatilibus aërem concipiunt refertum, earumque aliquas esse vitaliter gravidatas. In gratiam quorundam eorum è numero philosophorum drachmam sicci salis volatilis sanguinis selegimus (quem potius quam spiritum adhibuimus, scire enim gestiebamus quam acidi salis quantitatem retineret) cumque drachmam hanc in aqua distillata dissolvissimus, optimum in eam nitri spiritum stillavimus, donec ambo liquores, licet coagitati, manifestè in se invicem ampliùs non agerent: finito conflictu superfluum humiditatem lentè evaporavimus, quæ ferè omnino exhalavit priusquam salina pars coagulo coiret: exsiccata tandem est, mediâque pars imitabatur figuram tenuium crystallorum non abutimilium crystallis salis petrae. Sed residuum, quod longè major concretionis pars erat, confusa tantum indigestaque massa absque distincta ulla figura videbatur: massa hæc duodecim tantum ponderabat grana supra drachmam: quare quantum quidem simplici hoc experimento doceri potuimus, sal volatile sanguinis satiari poterit ea salinorum corpusculorum spirituum nitri quantitate, quæ quintæ sui ponderis parti respondeat, compositum hoc sal aëri in fenestra expositum, videbatur aëris humiditate facillè resolubile, aut ut

Phrasi

Phrasi Chymica ut it, facile *per deliquium* deficere. Modicum ejusdem salis carboni bene succenso impositum, cito colliquefactum est, atque ebullire videbatur, excitatōque suo finem strepitu, flammam comuni nitro perquam similem dedit, præterquam quod paulo magis flavesceret. Fortis in hac deslagatione odor, erat simillimus odori spirituum nitrī proprio.

*Ad titulum vigesimum primum Historia.*

EXPERIMENTVM -I.

1. **H**umanus sanguis, ut pleraque alia *regni animati* argumenta, quorum Examinandorum opportunitas mihi suppetebat, suppeditavit distillatione in retorta, Empyreumaticum, valdeque fetidum oleum, cujus color niger ferme erat, qui tamen non aliunde oriri mihi videbatur quam ab intensa, & opaca liquoris rubedine, cum portiones ejus aliquæ consulto luminī expositz, quando tenues admodum super vitrum expandebantur, apparerent profundè flavi, aut rubicundi coloris, prout spissiores, densioresve jacebant super vitrum.

EXPERIMENTVM II.

2. **Q**uando sanguis benè desiccatus erat, priusquam distillationi committeretur, suppeditavit majorem quantitatem olei, comparatè ad pondus siccī corporis, quàm expectabatur, una vice ex libra non multum exsiccati sanguinis extraximus propè olei sesquiunciam, atque ab alia portione majorem longè proportionem respectivè ad quantitarem sanguinis quæ ipsam suppeditavit.

EXPERIMENTVM III.

3. **P**luribus abhinc annis, cum sanguinem conveniente admodum digestionē præparassem, & sollicitè distillatos liquores supereffluentes flammā lampadis rectificassem, inter alia, duo obtinui olea diversi omnino coloris, quorum alterum flavedinem, aut pallorem succini; alterum verbò intensissimam rubedinem imitabatur: illud autem ingeniosis etiam linceis-que spectatoribus miraculi instar erat, quod licet ambo hæc olea ab eodem sanguine emanassent, forentque pura satis & limpida, non tantum distinctis in massis sibi invicem superinnatarent, sed si agitatione commiscerentur, paulatim sese mutuò iterum extricarent, ut commune oleum atque aqua separare atque extricare sese solent: utrum autem duo hæc inter olea quoad specificam.



specificam gravitatem discrimen tueri eadem posset à constante, ac permanente mixtione, quando mixta erant, ut eorundem distinctas servant massas priusquam coagitarentur, aut utrùm apparens hæc antipathia oriatur à peculiari aliqua texturarum incongruitate disputare hic supersedebó.

## EXPERIMENTVM IV.

4. **N**ec inutile fuerit iis præsertim qui in re medica humano sanguine uti voluerint, scire, cum suspicatus essem oleum sanguinis continere in se varias salinas particulas, ab eodem separabiles, sumptam à nobis esse portionem olei irrectificati, & cum eidem convenientem quantitatem aquæ distillatæ [cujus vicem, reor, pluvialis aqua, non tamen aqua communis suppleret æquæ] addidissemus, diligenter à nobis esse frequenti agitatione confusos liquores ut aqua oleum corpusculis suis salinis separabilibus spoliaret. Cujus experimenti hic eventus erat. Quietis jam omnino liquoribus, aqua [cujus non nimiam consultò quantitatem adhibuimus] comperita est salinis imbuta corpusculis, quæ habuerat dissolutione ab oleo orta, vi cujus sapore mediocriter acuto prædita erat, celeritèrque syrupo violarum conciliabat viriditatem, atque ex solutione communis sublimati candidum pulverem præcipitabat, ut alia omittam quibus debilem sanguinis humani spiritum referebat: quam eò libentiùs operationem commemoro, ut alliciaris ad explorandum quid ejusmodi methodus effectura sit in aliis oleis empyreumatica, ut cornu cervi, urinæ, &c. Extracta è corporibus ad regnum animale spectantibus.

## EXPERIMENTVM V.

5. **A**d conjecturam quamdam, cujus fundamenta apponere hic per otium non vacat, examinandam partem aliquam olei irrectificati humani sanguinis in concavam vitri portionem immisimus; cumque tum tantum in illud olei vitrioli stillassemus, quantum fortè quartæ, aut tertie sætidi olei parti æquipolleret, tenui solidi vitri particula simul massam totam circummagitavimus: quo fiebat ut mixtura emiseric magnam albicantium fumorum copiam. insignitèrque, ut expectabatur, calida evaserit: adeo siquidem incaluerat ut licet eam cochleare unicum capere posset, agrè tamen absque dolore, digitum supponere potuerim ei vitri parti quæ incalcescentes liquores sustinebat.

## C EXPERIMENTVM

## EXPERIMENTVM VI.

6. **O**peræ pretium fuerit admonuisse, quòd, alibi à me observatum est circa alia quædam olea empyreumatica, eodem ea se modo humano in sanguine habere: cùm enim liquoris hujusce irreëctificati partem aliquam selegissem, licet eo in statu crassus, cænosusque videretur, faciliè tamen etiam in frigido dissolvebatur, in vinosis spiritibus, aut miscebatur cùm eisdem summè reëctificatis, quibus conciliabat colorem rubicundum satis intensum, conformiter omninò eis quæ aliàs de colore hujus olei adnotavi.

*Ad vigesimum Secundum titulum Historia.*

**A**puđ nullum, quantum quidem memini, autorem incidi in descriptionem qualitatum huius salis sanguinis humani, atque nescio equidem utrùm quis cum curiosior præpararit: quod non admodùm miror, cùm ad obtinendam vel unicam ejus unciam, notabilis requiratur quantitas, ac fortè etiam aliquot humani sanguinis pondo: adde quod constantem adeo ignem calcinatio ipsa exigit, ut facili quis operationis tædio antequam periciatur affici possit, vel exigua calcinationis spe, à capite mortuo per tres aut quatuor horas in igne servato, induci poterit ut credat omnem sanguinis salem valido in igne esse volatilem, ac nullum proinde salem fixum inde esse sperandum, cùm tamen constante calcinatione tres aut quatuor drachmas hujus salis obtinuissem, non comperi hunc esse alcali, aut salem lixiviatum, sed potiùs, ut expectabam, communis instar, aut marini salis, quodam tamen cum discrimine, quod accuratioribus quibusdam experimentis detectum est; quod autem ad rem nostram propiùs spectat, sal nostrum vix à sale marino distinguebatur, illius enim saporem proximè imitabatur, valida ejus solutio non conciliabat celeriter, [ neque enim rei eventum diutiùs expectare vacabat ] syrupo violarum viriditatem, neque etiam colorem lateritium, aut fusco-flavum præcipitabat, neque candidum quemdam pulverem ex solutione sublimati: experimento quoque didici spiritui illud salis ut alcali non dissolvi, præter illos autem examinandi modos tribus aliis usus sum methodis, nunquam quoad sciam hunc in scopum usurpatis, quæque omnes expectatum fortitè sunt eventum, modicum enim olei vitrioli exiguæ siccæ salis nostri quantitati affusum cum statim, quem sæpe ejus effectum communem in salem observàram, vi magna corripit, ingentiq; spuma, ac fumo: modicum quoque salis nostri fixi dissoluti in aqua distillata stillavimus in solutionem purissimi argenti in aqua  
forti

forti factam, factâque fiatim est præcipitatio copiosi pulveris albi. Denique, ulterioris experimenti gratiâ cum autum foliatum in aquam fortem injectissem, quæ, ut non ægè quis sibi persuaserit, in illud minimè ageret. dum isthic ne discoloratum quidem innataret, in liquorem, pulverati nostri salis modicum projecit, qui jam in aquam quamdam regiam mutatus illud momento temporis absque caloris ope totum dissolvit.

---

*Ad Titulum vigesimum tertium Historia.*

**M**Ajor longè quàm quis expectaret, requiritur calcinatio ad obtinendum *caput mortuum* humani sanguinis, qui permodicum ejusdem subministrat: ab uncii enim viginti quatuor siccæ sanguinis [ quæ erant fortè tertia tantum, aut quarta pars totius sanguinis caput mortuum suppeditantis, ] post bidui calcinationem obtinere solummodo potuimus drachmas duas & grana novem terræ: quæ quantâvis confecta fuerit curâ, terræ tamen damnatæ appellationem probabiliter mereri poterit, potiores sanè jure quàm substantiarum pleræque, quibus hoc Chymici nomen tribuere solent: non immeritò tamen suspicari quis possit hanc ipsam terram non merè elementarem, cum vitrioli rubedinem propius imitaretur, ac referret.

---

*Ad Titulum vigesimum quartum Historia.*

**Q**uantitates principiorum, aut potius variarum discrepantium substantiarum distillatione ab humano sanguine obtentorum, faciliè quidem in speciem, sed tamen perquam difficulter, si omnino, determinari possunt, non tantum ob magnam sæpe quæ occurrit disparitatem quoad proportionem fibrosæ aut concretæ partis ad serum, in sanguine diversorum hominum, atque in eodem etiam homine diversas secundum circumstantiâs, sed etiam quia laboris magis operosi est, quàm qui rem non sunt experti sibi fingunt, siccam etiam & pulverabilem sanguinis partem distillare absque additione, ac paucos suspicor accuratius rem examinasse, neminem enim offendi qui animadvertat quanti momenti sit mutare retortam ad obtinendum volatilis substantiæ quantum obtineri potest, ac quàm minimum *in capite mortuo* relinquendum, cum enim notabilem satis quantitatem siccæ sanguinis distillavimus, licèt operatio à perito artifice cautè admodum peracta foret, idem tamen calor quo inferior pars sanguinis ascenderat exhalationum instar in recipiens, materiam adeo tumefecit, ut

C 2 attolleret

attolleret ad superiorem vasis partem insignem nigræ materiæ quantitatem quam vulgaris distillator instat *capitis mortui* neglectam seposuisset, sed quam oculatior quispiam facile iudicasset ejusdem omnino naturæ cujus erat antequam injecta foret, licet multum à fumis accendentibus denigratam extractam itaque mixtamque residuis substantiis minis à natra veri capitis mortui remotis, alia iterum in retortâ distillationi commisitimus, unde plus olei, &c. obtinuimus: animadvertens etiam hoc apparens *caput mortuum* continere in suprema parte sat multum materiæ, non satis, ut ita loquar, exanimatæ, extrahi curavi, distillarique nova in retorta in qua sat magnam volatilis materiæ quantitatem suppeditavit.

Cum itaque hunc in modum te disposuerim ad non expectandam summam accuratorem in determinatione quantitatum discrepantium substantiarum ex humano sanguine etiam siccato extrahibilem; ut viam tibi aperiam ad conjecturas quasdam quæ ad rei veritatem aliquatenus accedere videantur, scias velim cum hunc in modum tribus in retortis viginti quatuor uncias siccati sanguinis humani distillassemus, obtinuisse nos volatilium substantiarum, spiritus intelligo cum modico phlegmate, candidi salis, oleique intensius colorati uncias tredecim, & drachmam unam, præter varias spissi olei portiones, quæ retortis & recipienti adhæserunt: quas septem ferè ampliùs drachmas censebamus; quare tota quantitas partis volatilis uncias quatuor supra decem constituebat, quarum comperimus oleum continere tres circiter uncias, drachmas sex, limpidum autem liquorem, qui licet probabiliter non omni absque phlegmate, spiritus appellationem promeretur, quia salinis & spirituosis partibus plenè satiatus erat, uncias sex, & drachmas tres & dimidiam, præter sal volatile, quod abstracto jam spiritu candidum videbatur, sed madidum: quam ob causam vix accuratè definire poteramus, nec quantum adhuc liquoris retineret, neque quantum ipsum ponderaret: rei tamen veritatem propiùs attigeris, ubi scieris, cum salem sollicitè sublimassem in phiala duas remansisse drachmas ac quinque circiter grana phlegmatici liquoris, qui sale omni carere non credebatur, licet ea operatione separari nequiret, salis autem volatilis siccæ unciam unam, drachmas duas & dimidiam obtinuimus: *caput mortuum* octo & dimidiæ unciarum erat, \* quod per duos continuè dies calcinatum non candidos sed fusco-rubros cineres suppeditavit ex quibus obtinuimus drachmas septem & quartam drachmæ partem candidi & fixi salis, sed non verè lixiviatum, atque ut superius observabatur alium in scopum sub titulo proximè precedente, drachmas duas, & grana terræ novem. In hoc permolesto experimento plurimæ necessariæ operationes occurrere: vix autem in earum ulla vitare poteramus jacturam identidem non exiguam, materiæ quæ præ manibus nostris erat, portionis: his itaque experimentis si interfuisset, fortè iudicasses nihil in eo esse miri quod scripserim, ut paulò superius

\* De quo sale vide notas ad titulum 22. spectantes.

perius scripsi, praxis esse perardua ac laboriosa, accuratius definire discrepantium substantiarum proportionēs, quæ notis vulgo operationibus à proposita humani sanguinis portione haberi possunt, cum præsertim non sat gravibus rationum momentis inniti Chymicos putem, dum in confesso apud omnes esse volunt, in distillationibus accuratè factis, materiam in *re-*  
*cipiens* transeuntem, aut saltem simul cum residuo, aut capite mortuo ascendentem, corporis integri & nondum distillati pondus exactè adæquare: cui paradoxo summam covor conciliare verisimilitudinem sin minus certitudinem alio in scripto huc non spectante.

---

*Appendix ad Titulum Decimum tertium.*

CUM experimenti gratiâ phialam capacem, ut conjiciebam, unius ferè pondi humani sanguinis, mixturâ illius liquoris ac spiritu quopiam vini rectificato ferè implesem, cujus modò non niemini proportionem, sed quartam suspicor fuisse, aut octavam partem: sub trium annorum finem eandem phialam subere tantum obstruam inspicientes, liquores comperimus coagulatos, aut, ut circumspectius loquamur, formæ consistentis. Vase autem deobstructo, nullum putrefactionis in sanguine signum apparebat: neque ullum propius subodorati fetorem percipere poteramus, tam balsamica spiritui vini dephlegmato ad conservandum humanum sanguinem virtus inest.

---

**PARS TERTIA**

*Promiscua circa serum humani sanguinis sani experimenta, atque observationes complexa, quarum prima referri potest ad decimum sextum, aliæque pleraque ad decimum septimum prima Classis titulum.*

CUM natura ipsa humanum sanguinem è venis emissum refrigeratum jam, & quiescentem, in fluidam partem aliam, seu serosam, inque aliam consistentem, stabilem seu fibrosam dividat, cùmque persæpe contingat, ut harum partium prior vel æquet posteriorem quantitate, vel exsuperet, futurum non improbabiler existimavi ut ad naturam sanguinis melius detegendam multum conduceret si quædam circa serum ipsum experimenta facerem: cujus aliquam paucis notitiam non erit supervacaneum communicare in promiscuis quæ sequuntur observationibus, factis tantum circa serum sanguinis eorum qui firmis erant viribus, prosperæque utebatur valetudine.

## EXPERIMENTVM I.

1. **C**Um serum, partemque portiunculae humani sanguinis consistentem simpliciter phlebotomia obtenta separatim poterassemus posteriori cōperimus quatuor pedere uncias, drachmas sex & dimidia, prius verò uncias sex & drachmas tres: sumpto autē simili experimento de alia portiuncula sanguinis ab alio homine detracti, pars fibrosa uncias quatuor drachmas quinque pendebat, serum verò uncias quatuor: licet autem utroque hoc in experimento pondus feri in eadem massa minus foret pondere fibrosae partis, non tamen idcirco tutò inde concludi posset, fibrosam partem absolute loquendo alterutrius portiunculae sanguinis, aliam excedere, cum serum tantum in distincta massa repertum ponderaverimus: neque enim immerito quis existimarit serosarum particularum multitudinem inter partes consistentis massae, seu portionis sanguinis contineri: quandoquidem, praterquam quòd probabiliter ob interpositam serositatem, mollis admodum est, copiosum liquorem aequum suppeditat.

## EXPERIMENTVM II.

2. **H**Oc satis superque elucescet è proponendo mox experimento, consultò in examen hujus conjecturae facto.

Selegimus scutellam sanguinis, in qua separatim erat serum à fibrosa portione, quae in consistentem massam coagulata erat: cumque omnem fluidam partem sollicitè effudissemus, residuam massam quae uncias quatuor, drachmas quinque, grana triginta quatuor pendebat, exiguum in cumulum redactam in furno digestivo distillavimus; donec materia in fundo cucurbitae relicta sicca omnino evaderet, exsiccata autem diu ante in speciem videbatur quam reipsa erat: extractis tum separatim rubrae hujus massae partibus, siccata portio composita est unciam tantum unam, drachmas tres, grana triginta quatuor pendere: cum serosus liquor qui in *recipiens* transierat, aqueus, & limpidus absque ullo salis oleivae indicio, tres uncias granisque tria & quinquaginta aequaret.

Ut plenius hac super re nobis satisfaceret hoc experimentum circa fibrosam partem alterius portionis humani sanguinis repetivimus, comperimusque siccam massam in cucurbita ponderare tantum unciam unam, drachmas sex, grana quinquaginta, cum humor phlegmaticus ab eodem distillatus uncias septem adaequaret, hoc est, pondus majus triplo & dimidio pondere siccae partis.

## EXPERIMENTVM

## EXPERIMENTVM III.

3. **C**um hydrostaticè humani sanguinis serum examinassetus comperimus illud aqua communi levius. Particula enim rubræ ceræ sigillatiz hlo equino legitima in balance suspensa comperta est pendere in aere drachmam unam, grana quinquaginta sex, & in aqua grana triginta quinque, in sero verò grana tantum triginta & tria.

Hoc experimentum accuratori quodam confirmatum fuit instrumenti cujusdam ope factò, quod consultò ad exactam liquorum ponderationem confici curaveram, in quo cum aqua communis grana tria supra ducenta quinquaginta ponderaret, æqualis sericopia duo supra trecenta pendeat : & quia facilè mihi persuadebam serum omnis sanguinis humani non fore ejusdem in quolibet gravitatis specificæ, eodem instrumento pondus seri sanguinis alterius hominis exploravi, comperique illud, duobus diminutum granis, hoc est trecenta tantum grana ponderare.

## EXPERIMENTVM IV.

4. **A**dhibuimus aliquando serum, quod effundi nequirit aut certè reipsa, effusum non est adeo limpidum, ut subrubrum non apparuerit ; & licet illud charta Emporetica filtraverimus, magnus tamen numerus, tingentium corpusculorum intimè ad eundem erat commixtus ut liquor flavus omninò filtrum permearet.

## EXPERIMENTVM V.

5. **V**t explorarem num acida serum nostrum coagulant, quemadmodum compereram quorundam aliorum animalium liquores ab iisdem coagulari, nonnullos salis spiritus in illud stillavi qui mox cum eodem albas quidam concretiones produxerunt quæ statim ad fundum subsederunt, ibique, aliquanto post tempore, leves admodum, teneræque coaguli adinstar casei videbantur.

Eodem modo operabatur sed longè potentiùs oleum vitrioli in aliam feri nostri portionem.

## EXPERIMENTVM VI.

6. **I**n aliquam liquoris nostri portionem spiritum salis armoniaci infudimus, qui eundem magis fluidum reddere potiùs, quàm coagulare videbatur, ut acidi liquores coagulant.

## EXPERIMENTVM

## EXPERIMENTVM VII.

7. **V**T exploraremus utrùm hæ præcipitationes non magis orientur à coalitione & textura acidorum salium & feri, quàm merè à peculiari illorum salium, ut acidorum, actione. in aliam feri nostri portionem, validum alcalisatum salerni stillavimus, oleum scilicet tartari per deliquium, quod statim album coagulum produxit, quemadmodum spiritus salis produxerat, sed nequaquam, ut nobis videbatur, adeo copiosum.

## EXPERIMENTVM VIII.

8. **A**licui pariter sero spiritum vini summè rectificatum affudimus, qui ut expectabamus, aliquam illius portionem candidum in coagulum cœgit, quod sat erat copiosum, leviùs tamen multò, quàm alterutrum priorum, cum eorum iustar non subsederit, sed superficie liquoris innata sit.

## EXPERIMENTVM IX.

9. **E**xploraturi pariter quis salis ex metallo compositi in serum nostrum effectus foret, eidem affudimus validam sublimati solutionem, quæ cum eo albam statim, coagulatamque substantiam produxit.

Aliquam feri nostri portionem limaturis Martis affudimus, sed ob ipsius liquoris colorem nobis de eventu constare non poterat. Et licet postea aliam feri portionem ejusdem metalli limaturis affuderimus, neque ita tamen factum est nobis satis: experimentum enim sepositum fuerat, nec nisi multos post dies inspectum, quo tempore spissus adeo, cœnosusque evaserat liquor, ut de colore aliud nihil pronunciare possemus quàm subobscurum esse, non tamen, penitus nigrum, aut etiam subnigrum: factò tamen uno alteròve experimento cum hujus liquoris modico, videbatur facta ab eodem alicujus, chalybis, particulæ solutio: cum enim recenti cuidam gallarum infusioni in aqua factæ affusus foret, copiosum statim præcipitatum suppeditavit, quod tantum aberat ut atramentitium fuerit, ut ne obscuri quidem coloris extiterit, sed subalbi potiùs: quod ne multum mirarer, analoga quædam experimenta (alio in tractatu commemorata) à me facta fecerunt. Addam tamen hic loci, cum cuipiam gravidati nostri feri portioni convenientem quantitatem infusioni Gallarum in spiritu urinoso summè rectificato factæ admiscuisssem, geminos hos liquores non tantum coagulum, aut præcipitatum quoddam suppeditasse, sed simul per horas aliquot relictos, in solidum corpus, in quo nullum oculus distinctum liquorem perciperet, coaluisse.

## EXPERIMENTVM



## EXPERIMENTVM X.

10. **C**UM autem feliciorem adhuc successum expectaremus affusa aliqua liquoris nostri portione limaturis cupri, quæ quoties agunt in corpora urinosorum quidpiam salium in se continentia, conspicuam præbere tincturam solent, à metallo comperimus paucissimarum horarum spatio discoloratum esse menstruum: postmodum autem vase, ut aëri pateret aditus ad liquorem, aperto relicto, cæpit paulatim magis ac magis cæruleum fieri, atque unum intra diem colorem profunde cæruleum contraxit.

## EXPERIMENTVM XI.

11. **V**T autem de eo quod suspicabamur, certiores essemus hanc scilicet tincturam à quibusdam volatilis salis particulis in liquore latentibus oriri, nonnullam ejus portionem convenienti quantitati Syrupi violarum commiscuimus, qua commixtione obtinuimus, quod quærebamus, colorem præcipuè qui ob illarum particularum in syrupum actionem viridis omnino videbatur.

## EXPERIMENTVM XII.

12. **C**Æruleam tincturam, aut solutionem cupri numero decimo commemoratam servandam putavi per aliquod tempus ut experirer an metallinæ particulæ, serum cui permixtæ forent, quali pollincerent, aut condirent, ipsumque adeo liquorem incorruptum servarent; ac reipsa, licet ampulla per multas septimanas inobstructa, in fenestra, nostro in cubiculo perstaret, nullum nihilominus ipse, cui sagax tamen admodum odoratus, organumque odorandi perquam tenerum, licet liquorem sæpius naribus admoverim, percepi factorem.

## EXPERIMENTVM XIII.

13. **D**UÆ circiter uncie feri humani sanguinis in phiala inobstructa cujus dimidium & amplius implebant, per dies viginti aut tres septimanas relicte fuerant; licet autem phiala in meridionali plerumque fenestra mensæque Julio steterit, nihil putridi tamen quod maximè mirabamur, odoris emittebat, sed notabilem subalbi sedimenti quantitatem demiserat; at tres inter, quatuorve dies postea foetidum noxiumque odorem emittit, quare exploravimus utrum hanc plusquam inchoatam putrefactionem aciditas quædam non comitaretur: nullam tamen dignoscere poteramus, cum ne cæruleum quidem colorem infusionis ligni nephritici, aut nostri ad illud succedanei auferre posset. Fatidum hunc liquorem in hu-

D

mitem

milem cucurbitam distillantium lento igne, iniecimus, exploraturi an ab eo ut ab urina putrefacta solet, spiritus primum ascenderet; liquorem autem qui prius superfluxit adeo parum spirituosum, aut salinum comperimus, ut ne horæ quidem spatio syrupo violarum virorem conciliaret, non omnino tamen volatili destitutum alcali judicavimus, cum enim aliquam ejus portionem in sat copiosam sublimati solutionem demississemus, album statim præcipitatum fecit.

#### EXPERIMENTVM XIV.

14. **N**onnullas feri humani sanguinis uncias charta emporctica filtratas ut concretâ omni substantiâ expediretur, distillandas commitimus exiguæ retortæ in furno arenæ collocatæ, obtrinuimusque aliquot tantum crassiores guttas olei rubri sed subobscuri, cujus pars aliqua ad fundum alterius liquoris subsedit, major tamen eidem superinnatavit: in prima hac distillatione nullum saltem volatilem in forma sicca habuimus, sed post sat magnam phlegmatis insipidi copiam subtractam, superfluxit notabilis spirituosus liquoris portio, qui spiritus sanguinis instar redolebat, continebatque aliquam volatilis alcali quantitatem ita ut syrupum violarum citò efficeret viridem, atque solutione sublimati album præcipitatum, magnamque unâ cum salis spiritu ebullitionem: Spiritu hoc in exigua mole relicticato, major quam expectabatur relicta est in fundo quantitas substantiæ pistæ instar mellis quæ maxima ex parte erat coloris rubri subobscuri, videbaturque plus olei continere quam prima statim distillatione apparebat. Qui liquor ex Galeâ superfluxit, purior primo spiritu, non multò fortior videbatur: cum tamen eum in ovum vitreum angustioris colli immisissimus, vasculumque convenienti situ calida in arena disposuissimus, volatile obtinuimus alcali quod in collum candidi salis instar, sublimatum est. Si hoc experimentum pari successu reiteratum fuerit, videbatur innuere serosam, aut fluidam sanguinis partem, eadem suppeditare principia elementaria, aut substantias similes, & quoad numerum & quoad speciem, quas fibrosa, seu consistens ejusdem pars subministrat, licet non quoad quantitatem cum olei succique salis quantitas minor sit in determinata feri portione, quam in pari quantitate aut pondere partis sanguinis concretæ.

Cum jampridem observassem [ licet spirituosæ urinx humanæ partes exigant liquoris digestionem, aut putrefactionem per sex circiter septimanas ut à particulis torpidioribus dissolvantur, ac, prius, quam phlegma, ascendant, si tamen recens urina debitæ calcis vivæ quantitati affusa fuerit ] magnam spirituum copiam illico dissolvendam, aptamque fore in distillatione ad ascensum: operæ pretium fore existimavi experiri, quid humani sanguinis serum suppeditaret, si calcis vivæ necdum distillarum affunderetur: in futurum itaque rei eventum intenti, duo hæc corpora commiscui-

mus:

mus: quorum mixtionem conlequebatur, non statim tamen, sensibilis quidem, sed transiens, calor. Compositum hoc corpus distillationi commissum suppeditavit primum igne moderato quoddam phlegmatis genus, tum igne violentiori modicam liquoris quantitatem, qui caldis odorem præ se ferre manifestè credebatur, saporis tamen adeo acuti non erat. Liquorem hunc comitabatur aliquanto plus olei profundius colorati, foetidique quàm expectabatur: altero liquore lentè rectificato, qui primum superrefluxit spiritus, fortioris erat odoris ac penetrantioris, sed minùs rancidi, quàm erat odor humani sanguinis modo communi extracti: sapor quoque ipsius non tantùm erat acutus, sed aliquatenus igneus; syrupo violarum, cui affundebatur, conciliabat illico viriditatem: cum validà solutione sublimati in aquâ, aliâque argenti vivi in aquâ forti, duo statim fecit præcipitata alba: mixtusque genuino aquæ marinæ salis spiritui emittebat hac sui cum aqua marina confusione spissum, sed albicantem fumum, nullus tamen qui conspici posset factus est conflictus, aut productæ sunt bullulæ: sed color spiritus salis visus est hac operatione multùm exaltari. Sed hic, licet non debito in loco indicare me oportet, cum memoratam superius spiritus feri, & salis mixturam evaporationi exposuissimus exploraturi utrum suppeditatura foret salis armoniaci adinstar figuratum, compertum à nobis esse saleni ejusmodi nullum ab eâ produci, sed colorem productum in mixtura adhuc fluida, adeo exaltatum esse in ea de qua loquimur concretione, ut coloris sanguineo-rubri appareret. Quoad figuram autem, confusa adeo ea erat, ut ad nullum notum salis genus reduci posset, ex quibus omnibus phænomenis patet spiritum hunc ferossæ sanguinis partis videri valde cognatum spiritui concretæ partis sanguinis alibi à nobis descriptæ.

## EXPERIMENTVM XV.

15. **D** Vas ferè aut tres feri humani sanguinis uncias phiala inclusimus quæ, opinione nostra quadruplum ejusdem liquoris continere poterat, obsignatâque hermericè phialam seposuimus, tum ut observaremus utrùm manifestæ ullæ mutationes intra unam, alterâve septimanam in ea apparerent (nullæ interim nobis occurrerunt) tum alias ob causas, quas ex eventu mox exponendo suspicari quis poterit.

1. Postquam liquorem anno integro obsignatum servassimus, is nullo modo visus est coagulari, nec manifestum demississe sedimentum, sed non minùs esse fluidus, quàm cum primùm in phialam fuisset infusus.

2. Lendiculum ne minimum quidem aut vermem generasse visus est: quod idcirco lubens observavi quòd mirum in modum iis congruat quæ alibi in eorum sententiam disserui qui fluidas omnes mollesque humani corporis partes, naturaliter atque ex seipsis neque tempore admodum longo, lendiculos, vermes aliâque id genus insecta producere putant quæ

quidem ipse ipso in sanguine generata nunquam vidi, diu licet servato ac putrefacto, modò integer fuerit, incorruptusque, dum phiala includatur accuratè obstructus undique, nec à mulsis afflatus, nec fœturalibus, quas occultè aër ad eum convehere potest, particulis gravidatus.

3. Neque ulla oculo apparuit *mater*, ut loquuntur, substantiæ recrementitiæ, quæ liquorum vel conitatur, vel prænotat putrefactionem.

4. Cum præter alios hoc in experimento propositos mihi scopos de erevitiem experiri utrùm serum mutua partium in se invicem actione, aut catholici cujusdam permeantis fluidi, tantum aëris suppeditaret quantum aut vitro findendo aut violentiùs frangendo par foret; ampullæ sigillum clave cautè sublatum est: statimque sat copiosus aër magno cum strepitu erupit: neque ullatenus dubitavi quin generatus hic aër, aut saltem extricatus, multum comprimeretur dum inclusus foret. Cum liquorem inspicere, exploraturus quæ ex hac eruptione in eo mutatio existeret, in superiore ejusdem superficie bullulas observavi plurimas quales videri solent in cerevisia lagenis aliquamdiu inclusâ, ubi primùm aperiuntur inque diversis aliis liquoribus, quibuscum aër captivus tenebatur, cum phialæ primum deobstruuntur: id autem eo minus miratus sum, quod minor forem quid aliquando contingerit ubi sanguinem vervecinum phiala inclusum obfignassem, moderatèque calidum per dies plures servassem: licet enim phiala, qua continebatur, longè capacior foret ea quæ serum nostrum continebat, aliquo tamen post tempore, dum nulla ei vis inferretur, ac nemo propè esset qui moveret, subito mirando cum strepitu diffusa est ab aëriis scilicet, aut elasticis corpusculis, quæ vel producta erant putrefactione quam præcessisse observavimus, vel extricata ac libertate quasi donata.

5. Fortis quidem feri nostri odor erat, sed non cadaverosus, inuitabatur enim tincturam sulphuris factam cum sale tartari & spiritu vini, aliæ id genus præparatione sulphurea.

6. Mihi præcipuè propositum erat, dum serum nostrum tamdiu obfignatum servarem, ut explorarem an digestionem, aut per aliquot menses putrefactionem, serum sanguinis, urinæ instar (quæ vel ex eo fieri, vel eidem cognata valde creditur) salinum suppeditaret (spiritum), aut alcali sat volatile ut ante phlegma ascenderet. Hujus itaque rei veritatem exploraturi serum nostrum exiguo vitreo corpore distillandum commisimus, inque furno digestivo, sollicitè autem primum spiritus qui transit in recipiens cochleare desumpsimus: comperimus tamen, licet liquor primùm fortis sat odoris foret, [primum dico, quia languidior brevi post odor evasit] saporem nihilominus nequaquam esse spirituosum qualis urinæ putrefactæ distillatæ esse solet. Neque liquor noster in syrupum violarum stillatus manifestam ei mox conciliavit viriditatem: quia autem comperi non esse insipidum, accuratius paulo examinandum putavi, stillavique convenientem illius quantitatem

quantitatem in limpidam ac saturatam sublimati in communi aqua solutionem hinc producta est albedo non adeo quidem intensa, sed similis ei, quam spiritus urinæ, aut sal volatile produxisset. Quo quidem movebar ut aliquam illius portionem modico syrupi violarum super candidam papyrum commiscerem, ac eodem distillato liquore exiguas quasdam cupri limaturas alteri papyro superasperas madefacerem, totaque nocte sub dio relinquerem ut liquor quasi per otium in syrupum & metallum agere posset: inde autem priorem mane comperimus viridem factum, posterius autem eo usque dissolutum ut amplam cæruleam maculam papyro impresserit: hæc eo lubentius commemoro, quod juxta eruditorum quorundam opinionem, degener serum acidæ, non alcalisatæ naturæ esse debeat.

7. Cognatio secundum doctos quosdam Medicos lac inter & ferosam sanguinis partem movit me ut experirer, an (juxta experimentum circa lac recens factum celeberrimo Sylvio, ut audio, ascriptum) serum humani sanguinis ruborem contraheret, si continuè agitetur moderato interim adhibito calore, injectaque competenti salis tartari quantitate: sed geminis in experimentis nullam produci rubedinem animadvertimus, licet eorum alterum in vase ex purissimo argento cum octava parte salis comparatè ad serum, factum esset, quæ à nobis proportio usurpata fuit cum experimentum in lacte feliciter successit.

8. Abs re fortè fuerit commonere, serum humani sanguinis brevi temporis spatio calore in quandam quasi Gelatinam coagulandum, aut potius, quantum quidem observare potui in substantiam arctolagano non absinilem quoad consistentiam, licet non quoad colorem: quare nunc addam, ubi comperissem acidus spiritus serum quoque coagulare, experiri volui an alcali prohiberent, aut retardarent ipsius coagulationem: cujus experimenti eventum ita paucis habeo: cum spiritum humani sanguinis sufficienti seri quantitati commiscuissem, continuamque utriusque agitationem ad ignem moderatum imperassem, licet coagulationem, volatile alcali non impediret, eandem tamen videbatur lentorem reddere & laxiorem, seu molliorem, qui effectus notabilior adhuc erat quando hoc experimentum cum alia feri portione, saleque tartari, vice spiritus sanguinis repetivimus.

#### EXPERIMENTVM XVI.

**Q**uia calx viva quod caustica sit & corrodens suspecta solet esse Medicis, experiri statui utrum sal fixum cinerum ollæ (qui sunt æquæ atque calx, sal lixiviatum) ipsi substitutum in distillatione eodem in serum humani sanguinis operaretur modo; quatuor itaque liquoris partibus unam salis addidimus, mixturaque hac in vitreo capite & corpore lentè distillata magram consecuti sumus liquoris copiam quem non adeo fortem judicavimus atque erat liquor aliàs commemoratus, ac à calce viva abstractus:

D     cum

cùm autem debilem hunc liquorem a sero nostro suppeditatum leniori igni rectificandum commisissenus, comperimus duo ipsa liquoris cochlearia quæ primum ascenderunt non spirituosa, sed maximè esse phlegmatica: neque liquor hic facilè syrupo violarum virotem conciliabat, licèt leuioris præcipitati modicum, dum solutioni sublimati affunderetur, suppeditaret.

Hoc aliquanto notabilius videri poterit, si hic loci experimentum addidero, quod in praxi Medicis præsertim usui esse poterit ac præbere lucem iis, qui naturam ac præparationes humanæ urinæ, tantæ rei utilitatis, scire cupiunt.

### EXPERIMENTVM XVII.

**T**Res urinæ recentis, nec multas post horas emissæ, partes selegimus cumque iis partem unam salis ollæ cinerum, quia hoc erat in promptu, (perinde enim, ni fallor, fuisset sal tartari, aut etiam cinerum communium ligneorum) atque ubi lentè mixturam in *capite*, & *corpore* distillassemus, spirituosus primùm satis ascendit liquor: quo seposito distillationem, mixtura prius in retortam effusâ, continuavimus, donec residua apparerent sicca: dignum autem notatu est hac nos operatione ne unicam quidem olei guttam obtinuisse: attamen, eam fortasse ob causam, spiritus hic urinæ longè aberat ab eo fœtore quem communi methodo factus emittere assolet: liquor autem qui sub distillationis finem superfluxit, adeo dissimilis erat ei quem serum sanguinis nobis suppeditavit, ut non tantùm insigniter fortis, & apertè eo qui primum ascendit fortior fuerit, sed & saporis extiterit igniti ac penetrantis, qui durabile sui in lingua vestigium imprimebat cumque optimo salis spiritu insignem efficiebat ebullitionem: quod nunquam aliàs, quantum memini, factis licèt hunc in scopum experimentis, urinæ spiritus à calce viva extractus præstitit, cum autem compererim nunquam quantum recorder unâ cum liquore hoc recens commemorato, sal volatile in forma sicca ascendisse: in operatione facta ope salis ollæ cinerum varia absque rectificatione salis volatilil grana ascenderunt, quorum unum erat Crystallinum, atque insignis latitudinis, ita ut non absque voluptate quadam illud observaremus instar laminæ pulchrè figuratæ, quia autem minora quædam salis granula unam adhuc ejus partem contegebant, dilucidè satis distinguere utrum hexagonum, an octogonum foret nequibam. Hic autem omittendum non erat, cum hoc experimentum ut de re tota certius mihi constaret, repetissem, non adeo fœliciter operationem successisse, qui enim superfluxit liquor longè magis phlegmaticus videbatur quàm is quem prius nobis experimentum suppeditavit: licèt utroque tempore salis ollæ cinerum ex eodem vase desumptorum, & ejusdem hominis urinam adhibuerimus; quæ itaque discriminis ratio

ratio foret nondum mihi occurrit: quam ulteriora fortassis experimenta ministrabant: hic tamen liquor, qui ad primum sui supereffluxum debilis adeo videbatur, rectificatus *per se*, plusquam expectabatur vegeti salini spiritus suppeditavit, à quo sat magnam, comparatè ad liquorem, quantitatem salis volatilis *in forma secca* caudidique admodum coloris obtinui-  
mus.

## PARS QUARTA.

*Historiam spiritus Sanguinis humani complexa in epistolari ad Virum summè eruditum J. L. discursu incepta.*

**Q**uod otium mihi & opportunitas deforent, coactus sum historiam humani sanguinis tam imperfectè desultoriq̃ue conscribere, ut titulum non pauci intacti omnino relictū fuerint, atque obiter tantum parcè-  
que de aliis actum: quapropter non abs re fore iudicavi si plenius de uno aliquo primariorum titulorum agerem, eumque in varios subordinatos & secundarios titulos distribuerem; hunc itaque in scopum spiritum humani sanguinis selegi hoc nobili super argumento daturus specimen eorum quæ ad illustrandos alios primarios titulos ni quædam requisita defuissent, potuissent afferri: quia autem spiritus humani sanguinis est è nobilissimis urinosorum ac volatiliū alcalium, ita ut quæcunque ferè de eo dicenda sunt, paululum immutata applicari possint spiritui urinæ, cornu cervi, salis armoniaci, fuliginis &c. adducendum putavi in medium Schema subordinatorum titulorum, quorum capita [ quæ dimidium primariorum numerum ad integram sanguinis humani historiam spectantium superant,] adeo numerosa sunt latèq̃ue patentia; ut pars hæc non tantum exempli instar esse possit, sed & compendium quoddam historię volatiliū salium in genere videatur, ac proinde tractatus à me quondam eo super argumento incepti p̃cturam refarcire queat.

Jamque ad designatam à me historiam ulteriore absque præfatione progrediendum mihi foret, ni quædam prius monita præmittenda iudicaret. Primò itaque

Quem adhibui spiritum faciendis sequentibus experimentis atque observationibus, is ab humano sanguine extractus erat abique ulla arena, luto, aliòve additamento nisi forte quod inno-<sup>io</sup> errore exigua portio-  
vinosus, ut aliquamdiu conservaretur, affusus sit spiritus, primæque distil-  
lationes quas sic voco ut à rectificationibus distinguam, efficerentur in re-  
tortis in arena positis, non igni nudo superimpositis: sollicitè porro  
provisum est ne vasa nimium impleantur, quia sanguis nisi bene exsic-  
catus faciliè intumescit, transitque in collum retortæ, sin minus, in recipiens.

2. Præmoni-

2. Præmonitum te velum sanguinem à nobis adhibitum ab iis extractum esse qui sanguinem morborum præoccupandorum gratiâ emittere non solebant, quæ præcipuè de causa sufficientem, aut certè quantam voluissim sanguinis mihi copiam comparare non poteram; sanorum enim hominum sanguis, ac magna præcipuè illius quantitas, in eo, in quo degebam loco, difficulter haberi poterat, ægrorum autem sanguis scopo meo non competebat.

3. Neque abs re fueris, ut dubiis quibusdam occurratur, præmonuisse, cum tanta sit cognatio spiritum inter & sal volatile humani sanguinis, ut, quemadmodum inferius patebit, probabile sit, posterius, esse ipsum in forma siccâ spiritum, priorem verò esse sal unitum tantæ phlegmatis quantitati quanta ad liquidam ei formam communicandam requiritur; non abs re, inquam, fuerit præmonuisse, considerari posse à nobis sal volatile sanguinis tanquam siccum ipsius spiritum.

4. Ut tribus præmissis monitis quartum hoc superaddam, licet, comparatè ad particularia in secunda, tertiæque hujus tractatus parte exposita, pars quarta certam juxta methodum constructa sit, vix tamen aliquam hac in methodo acurationem expectes: quia experimenta, observationesque ex quibus quarta hæc pars constat, Schedis dissolutis continebantur, variisque temporibus, nec una omnes occasione conscriptæ fuere: hac itaque de causa, atque ob festinationem meam, experimenta hæc absque ulla inter se dependentia comperientur eos ad titulos relata, seu reducta, quibus eo, quo fortuitò mihi occurrebant, ordine subjacebant.

## CATALOGUS

### *Titulorum secundariorum ad Spiritum humani Sanguinis spectantium.*

1. **V**trum sanguis humanus ita fermentatione, aut putrefactione ordinari possit, ut in distillatione spiritus aut vinosus, aut urinosus ante phlegma ascendere queat.
2. Utrum spiritus sanguinis humani sit reipsa aliud quidpiam quàm sal volatile & phlegma bene commixta.
3. De specie salinorum corporum ad quam spiritus humani sanguinis referendus est.
4. Utrum spiritus humani sanguinis discrepet à spiritu urinæ aliisque spiritibus qui alcalia volatilia dicuntur.
5. De quantitate spiritus in humano sanguine contenta, sive cum concoquitur serum, sive siccus fuerit.
6. De specifica spiritus humani sanguinis gravitate.
7. De odore, sapore, colore, diaphaneitate atque consistentia spiritus humani sanguinis.



8. De potestate dissolutiva spiritus humani sanguinis.
9. De tincturis quæ extrahi possunt humani sanguinis spiritu.
10. De coagulativa spiritus humani sanguinis facultate.
11. De præcipitativa spiritus sanguinis humani virtute.
12. De affinitate spiritum humani sanguinis, atque olea quædam Chymica, spiritusque vinosos inter intercedente.
13. De cognatione spiritum humani sanguinis inter, atque ærem intercedente.
14. De inimicitia humani sanguinis spiritus in acida, sive in forma liquorum sive vaporum.
15. De medicis virtutibus spiritus sanguinis humani exterius applicati.
16. De medicis virtutibus spiritus sanguinis humani interius usurpati in pleuritide, cephalæa, tussi, febribus, scorbuto, cachexia, hydropse, paroxyfmis uteri, & hysteriis, &c.

PARALIPOMENA

&

Appendix, promiscua experimenta & observationes ad spiritum humani sanguinis spectantes, complexa.

Primus (Secundarius) Titulus.

*Vtrum humanus sanguis ita fermentatione, aut putrefactione ordinari possit ut in distillatione spiritus aut urinosus, aut vinosus ante phlegma ascendat?*

**N**ON omnino abfimile vero est, futurum ut existimes propositam hoc in titulo quæstionem curiosam magis quàm utilem, aut necessariam: neque multum hac super re contra contendero, si fortè ita senseris: quam tamen ne nullo sussultam fundamento putes, duo à te perpetui velim, ac primò quidem quàm commune jam sit, præsertim ex quo eruditi Willis scripta nomen Authori conciliarunt, contemplari fibres tanquam inordinatas sanguinis fermentationes; ac secundò, licet humana urina quam inter & humanum sanguinem magna intercedit cognatio, dum adhuc recens, distillatione non suppeditet spiritum, aut sal volatile donec prius phlegma abstractum fuerit, tumque validum ignem ut ascendat, exigat, si tamen competenti tempore, hoc est, per sex ferè septimanas fervetur in fermentatione, ut Chymici vulgò vocant, quam hoc in casu putrefactionem potius dicerem, futurum ut spiritus, salque volatile ascendant igne leni fortè prius omni phlegmate.

Duo hæc, ut mox insinuabam, id efficiunt, ne quis propositam superius

E quæstionem

quæstionem superfluum, aut nullo uti fundamento posset: licet autem ad negativam potius, quam ad affirmativam partem propendeam, talem quoad primam partem, aut articulum quæstionis, rem tamen totam experimento, si fieri possit determinandam putavi: quia autem sufficiens sanguinis quantitas mihi deerat, ac fortunatus in faciendo cum eo qui ad manum aderat experimentis celsus, pronunciare superiedo dum ulterius me experientia de re tota certior præter: sed quantum ex hæcenus factis experimentis conjicio, vix quidquam subest cause cur ab humano sanguine vinosum, aut ardentem spiritum expectem, licet communis hic sit fermentationis in liquoribus effectus; atque eo minor mihi hujus rei spes affulget, quod minime mihi constet utrum necne vera aliqua sit ac propriè dicta humano in sanguine fermentatio sive intra, sive extra corpus, quod nondum quidquam in sanguine aut urina compererim, quo ex ullo illorum liquorum spiritum ardentem, exiturum persuasum habeream: memini me humanum sanguinem per annum integrum servasse, in vase sollicitè, atque etiam ni fallor hermeticè obstructo, eo omnino consilio ut experirer utrum spiritus aliqui priùs ascensuri forent. Cùm autem aëri exponeretur, tetrum adeo, gravemque factorem exhalabat, ut, quod primariè quædam foemina quæ in domo debebant, cum præ graveolentia ferre non possent, projicere illico cogeremur: alia vice cùm sanguinem ovinum digerendum stat diu curassem in phiala hermeticè sigillatâ; ubi diutius paulo in furno digestivo remansisset: derepente tangente nemine ingenti cum strepitu dissiluit longiusque phialæ collum disjicit: duo triæ similia terè infortunia in aliis humanum circa sanguinem experimentis contigerunt: quo eò magis commovebar, quod vero non absimile existimarem, exturam sanguinis putrefactione urinæ instar, dissolvi posse, atque aliter sic alterari ut sal volatile, aut spiritus in distillatione lentiore ascendere queat ante phlegma: sed ut superius dicebam, non nisi ulterioribus experimentis his super quæstionibus mihi fiet satis.

Addam tamen hoc loco successum meum minus fortunatum in extrahendo ab integris sanguinis portionibus spiritu, nulla ab eo separata parte, aut ipsi extraneo addito corpore non me terruide, sed moville potius ut experirer num affine aliquod supramemoratis experimentum facere possem ex cuius successu conjicerem, quis eorum experimentorum si succedissent, futurus fuisset eventus: cùm itaque serum sanguinis contemplerer, ut, sanè perquam verosimiliter aptiorem illius partem, atque ut æquè aut certè magis aptam quam integer sanguis foret, ad fermentationem concipendam, fermentationem inquam propriè dictam, uncis quibusdam hujus seri quartam partem passularum solis bene confusam addidimus, atque in phiala cuius sat magna pars relicta est vacua, servavimus inque loco calido vas obstructum per varios dies. Cujus experimenti eventus hic erat: paucos intra dies paulatim emergere coeperunt, ac fluctuare non cessarunt,

monstrant

et

producta

producta autem est, aut extricata notabilis quantitas permanentis aeris ut invento quodam, alio in tractatu descripto, manifeste apparuit. Quæ ambobus phaenomena videbantur aperte innuere quendam fermentationis gradum in mixtura fuisse productum. Cum tamen alteratum hoc serum distilli aremus, licet factorum nullum, quale in putrefactum emisset, emitteret, qui prius ascendit liquor lento etiam calore, nec odore, nec sapore vino-sum spiritum referebat, quanquam à vero phlegmate discreparet: si major feri quantitas ad manum fuisset repetitum experimentum majorem forte voluptatem attulisset: quod cum facerem, seduloè observavi utrum forte producta fermentatio orictu non tam ab integro sero quàm tali, quàm ab aqueis particulis, ut distinguantur ab aëre, quæ cum ipsis illud constituiebant.

Quod ad secundam quæstionem in hoc primo titulo propositam attinet, utrum prædicti sanguis digestionis, aut putrefactionis ita separandus sit, ut cum distillatur, spiritus ante phlegma sit ascensus: id quoque explorare conatus sum cum scrota sanguinis parte a scrota aut coarctatâ stula, hoc scilicet in separationis statu æquioris et experientiam nolum, quàm integer sanguis foret ratus: cum autem sat magnam hujus feri quantitatem diutius quater tere servassem quàm esset, quemadmodum ob curiam, requiritam ut una in distillatione spiritum ante phlegma emitteret. Hoc diu jam servatum liquorem lento admodum igne distillavimus, ut, paucæ, aut præter fugiivas partes nullæ primum ascenderent: competivus autem cum qui supereffluxit liquorem exiguarum esse virum, tum quod odorem, tum quoad saporem, qui neque facile syrupo violarum viriditatem conciliabat. Facie inquam, quia aliquot post horas, syrupum etiam hunc viridem efficiebat ratamen volatilis aëali instar validum: communis sublimati in aqua limpida solutionem in candidum opacum ac laetum fere liquorem vertebat.

## Titulus Secundus (*Secundarius.*)

*Utrum spiritus humani sanguinis re ipsa aliud quidpiam sint quàm sel volatile & phlegma bene commixta.*

CUM quæstio hoc in titulo proposita alios etiam alcalifatos spiritus, ut Curmæ, cornu cervi, fuliginis &c. spectet, eo majoris momenti est, atque tum hanc ob causam, tum quia cum hæc certis argumentis definire difficultatum est, superaddendum mihi ubique nimium occisioni est, dum plenioris rei notitiam ulterius mihi experientia impeditur: hanc autem circa difficultatem illud tantum nunc pronuncio huius quæ hætenus mihi occurrerunt, moveri me ut credam spiritum humani sanguinis, esse omni-

nino ex sale volatili & phlegmate compositum, si phlegmatis nomine comprehendere velimus non simplicem, aut elementarem aquam, sed liquorem, qui licet inter Chymicos phlegma habeatur, illamque appellationem poriore jure quam liquor ullus ab humano sanguine separabilis mereatur, strictius tamen sumpto phlegmatis nomine phlegma non est, cum enim spiritus, sal volatile, oleumque ab eo sublimatione & distillatione separantur, quantum separari solent in Chymicis volatilium alcalium preparationibus, residuus liquor qui phlegma vulgò reputatur, particulis quibusdam olei gravidabitur, atque nonnullis fortè etiam salis volatilis quæ exiliores sunt quam ut nudo oculo distinguantur. Utrum autem frequentes rectificationes partes eas heterogeneas tam accuratè separare possint, ut iis aqueas omnino liberent, atque adeo phlegma ad simplicem, aut elementarem aquam reducant, donec sufficiens distillati sanguinis ad experimenta requisita faciendâ quantitas adsit, in medio tanquam problema relinquo: eoque libentius, quia mihi non constat num frequentibus distillationibus particulæ quædam ignis non possint identidem associari particulis liquoris, neque etiam utrum in prima ipsa distillatione humani sanguinis ignis non aut separaverit, aut produxerit liquorem, qui licet nullarum ferè virium, neque rectè ad ullum receptorum principiorum aut ingredientium reducibilis, ad oleum scilicet, sal & terram, nec dum est phlegma propriè dictum, sed liquor quidem adhuc innominatus. Ut alibi docui ligna, aliæque varia corpora distillatione suppeditare liquorem, neque oleum, neque acidum, nec alcalisatum, neque tamen verum phlegma, sed, ut ibi vocare placuit, *spiritum adiaphorum*.

Præcipui ad rem hanc momenti fortè fuerit, si hic loci addidero conformiter opinioni, aut conjecturæ potius ad quam nuper propendere me insinuavi, cum animadvertissem notitiâ eorum quæ corpus constituunt, tam aptè interdum investigari posse ipsius generatione; aut productione, quam analysi & resolutione ejusdem, sequens à me factum esse experimentum: in aqua distillata tantum salis volatilis humani sanguinis dissolvimus quantum liquor deglutire potuit: quam mixturam cum accuratè in vase aptè figurato, determinatoque caloris gradu distillassemus, desideratum liquorem hoc nobis experimentum suppeditavit, atque præcipuè unum, qui odore, sapore, aliisque variis operationibus vegetum humani sanguinis spiritum referebat: hoc præcipui momenti experimentum alia vice pari successu repetitum est.

**Titulus**

Titulus III. (Secundarius.)

*De specie salinorum corporum ad quam spiritus humani sanguinis referendus est.*

**N**ON est quod multum temporis infumam ut doceam quod jam ab aliquot annis tam notum est plurimis Medicis Chymicisque hujus aliarumque quarundam vicinarum gentium, spirituum salinorum distillatione natorum duo observata esse genera: Sed quia plurimi sunt atque etiam è numero eruditorum, maxime in remotioribus Europæ partibus, cui hæc distinctio non sat familiaris est; ne fortè nonnullis hujus tractatus copiam facias qui hoc è numero sint, non abs re fuerit paucis insinuasle salinorum spirituum in distillatione ascendentium quosdam saporis acidi, ut sunt spiritus nitri, & vitrioli, &c. quosdam saporis esse maxime ab hoc discrepantis, ac sal commune aut lixiviatum referentis: discrimen autem operationum majus adhuc est quàm saporum: salinorum enim horum spirituum conjunctionem mutuus in se invicem consequitur illico consuetus, atque ut plurimum, (neque enim rem semper ita se habere comperi) quæ alter spiritus dissolvebat corpora, alter præcipitabat: necesse porro est ut addam sales inter, alcali vocatos quosdam in sat intensis ignis gradibus esse fixos, alios nequaquam; quam ob causam varii recentiores ipagryci ac medici qui acidum & alcali volunt esse vera mixtorum corporum principia, alterum vocant fixum, alterum alcali volatile. Quam doctrinam licet alibi oppugnarim, rationesque attulerim ob quas & ipsam, & appellationes mox memoratas rejiciam, sæpiùsque vocem sales combustionem factos, alcalia simplicia, aut lixiviatos sales, eosque qui ascendunt, interdum urinosos, interdum volatiles, sales & spiritus, cùm tamen fixorum ac volatilium alcalium appellationes tantopere jam in usu sint, obsequar consuetudini ac sæpius, non semper, recepto eas ab usurpatoribus sensu & ego quoque adhibebo.

His itaque præmissis hanc summi momenti quæstionem nunc proponere non abs re fuerit ad quam scilicet salinorum corporum speciem spiritus humani sanguinis referendus sit? Corporum, inquam salinorum, licet enim spiritus sanguinis liquor sit, potentiores tamen ipsius operationes videntur ferè, ac fortè omnino, ad fugitivum quo abundat sal referendæ. Duplex propositæ quæstionis fundamentum esse potest; alterum erit illud quod alibi adversus communem hypothesein probavi, quosdam scilicet sales volatiles etiam in forma siccâ ascendentes, posse non esse alcalisatæ, sed acidæ naturæ; alterum erit, quod non tantùm Helmontius unâ cum affectis suis, sed recentiorum Chymicorum ac medicorum plerique, digestionem acido

E ; fermento

fermento aut menstruo in Stomacho atcribant : unde suspicari merito quis poterit magnam acidorum corpusculorum copiam in massam sanguinis insinuare sese, illamque quasi gravidare, quod ut alibi ostendo, diuturnitatem etiam naturarum particulæ ipso sensuum iudicio præstant. Verumtamen, ut propositæ questioni faciam satis, asserere aulam, quantum hactenus observare potui, spiritum humani sanguinis esse omnino rediscendum, ad eam quam volatilium multi alcalium classim vocant, atque sapius ego urinosorum spirituum classim appello : comperio enim spiritum humani sanguinis eorum efficiendorum esse capacem, quæ ex quo puberæ ea iussu feci, existimata sunt lapidis lydii instar ad diuturniora alcalia volatilia : eaque ab aliis salinorum corporum generibus distinguat spiritus cum humani sanguinis, multum contigit cum variis acidis spiritibus, ut spiritu salis, aquæ fortis, &c. atque ibi coram tyrrum volatilem efficit splendide viridem, præcipitabat solutionem sublimati in aqua communi in pulverem candidum, atque ut paucis ab olivæ, ea comperi cum prætare quæ a volatilibus alcalibus quæ talibus expectari possunt, quoties experiendi aderat opportunitas nunc circa hoc, non circa aliud corpus. Si mihi constaret, ut ob rationes alibi expostas non constat, alimenti digestionem, acidi ope fermenti, aut succi fieri, quocumque eo stomachus abundat, facile adduceret ut crederem acidas quasdam particulas sanguinis forte commisceri : quo tamen non prohiberet ne spiritum humani sanguinis ad talia volatilia referrent : tam paucæ enim acidæ particule aut ab alcali aîs destruerentur, quæ hoc in spiritu adeo abundant, aut ex adeo prædominarentur ut ab iis mixturæ ipsi imponi denominatio merito posset : ut si paucæ guttulæ spiritus aceti nonnullis veteris urinæ piutis, aut libris commiscerentur, aut suâ privarentur aciditate à corpusculis contrariæ naturæ quibus in liquore occurrerent, aut à fugitivis quibus abundat salibus adeo obscurarentur ut acetosa corpuscula imp. dimento esse nequirent : ne spirituosus liquor è mixtura per distillationem secretus ad classim salium urinosorum volatiliam merito referretur.

#### Titulus IV. (Secundarius.)

*Utrum spiritus humani Sanguinis differat à spiritu urinæ, aliisque quæ alcalia volatilia vulgo dicuntur, spiritibus.*

**A**Rdui mihi, atque operosi laboris videtur definire num quodpiam necne discrimen intercedat spiritum humani sanguinis inter, aliisque alcalia volatilia, ut spiritum urinæ, cornu cervi, &c. quia duo corpora variis in qualitatibus, atque etiam in omnibus magis obviis convenire poterunt quæ tamen in tertium aliquod corpus, aut quibusdam in casibus distinctas prodent

prodent facultates, distinctasque ac peculiares operationes. neque adhuc video qua certa methodo affirmativa quæstionis pars, licet vera foret, demonstrari dilucidè possit: præcisa itaque quæstionis hujusce decisione iis qui eam decidere se posse putant, permittà, satis habuero nunc donec saltem plenius rem edoctus sim duo ad propositam quæstionem spectantia observasse.

Ac primò quidem in ea mente sum magnum posse esse discrimen volatilia salia, spiritusque inter ut vulgò medicos in usus præparantur, atque ut reiteratis rectificationibus aliisque depurationis methodis adduci possunt ad eam simplicitatem ac puritatem, ad quam à dextro Chymico adduci queunt: quem in modum mentem idcirco eloquor, quia, quod ad exquisitam, aut elementarem simplicitatem spectat, ad quam licet peritissimi quidem artifices aspirent, atque attingere se posse putent, dubium tamen mihi est an eousque Chymici pertingere possint. Maximè si perpendamus quod alibi ostendo de inobservatis, quæ interdum saltem contingunt, mixturis corporasculorum ignis cum corpusculis corporum in quæ ignis agit.

Observandum secundò venit, utrū, si spiritus humani sanguinis aliorumque liquorum abundantium pariter alcalibus volatilibus ad quam maximam arte possunt puritatem redacti forent, utrum inquam similes omnino quoad naturam & qualitates forent. Si tamen eos ut fieri assolet contemplerur eo in statu in quo sat puri medicos in usus creduntur, adhibentur, que proinde à Medicis Chymicisque, verisimillimum puto quoddam discrimen spiritum humani sanguinis inter, aliæque alcalia volatilia intercedere, ac ea præcipuè quæ suppeditant urina, ac cornu cervi. Licet enim tetræ omnium illorum liquorum odores videantur omnino similes, fœminæ tamen primariæ plurimæ, eæque diversæ omnes ætatis, manifestum eos inter odores animadvertunt discrimen, abhorrent à spiritus sanguinis odore, tanquam à fœtore, licet non absque voluptate quadam nares sat diu admovent spiritui cornu cervi, atque etiam salis armoniaci vulgaris, aut Europæi, qui reipsa urinæ viri spiritus est: quo se plurimum recreari refectique aiunt. Quando autem unâ cum spiritu urinæ aut salis armoniaci debita cum proportionem spiritui salis juncto, conficebam ut jamdudum alibi alio in scripto docui (\*) sal sæpe exporrigens sese in figuram salis armoniaci, quæ figura diversa admodum est a figura salis marini: nitri &c. rarissimi ac vix unquam obtinui magnam saltem quantitatem salis eum in modum figurati commixtione spiritus humani sanguinis cum spiritu salis. Licet enim salina eorum corpuscula, superflua humiditate evaporata simul coagularentur, concretio tamen confusa videbatur; totaque aut maxima ipsius pars carebat nitida ea, distinctaque figura quam sæpius observaram in concretionibus factis mixtura spiritus salis marini, cum urinoso spiritu: quod autem ad medicas spiritus sanguinis virtutes spectat, quamvis non mihi

(\*) *Utilitas experimentalis Philosophia.*

mihi adfuerit opportunitas rem experientia comprobandi, ac propterea pronunciare hic ipse nolim; si quam tamen celeberrimo Helmontio habemus fidem, insigne prorsus est discrimen spiritum humani sanguinis, atque humanæ urinæ inter, cum alicubi disertis verbis dicat (quo in loco, non jam occurrit, neque enim libri modò copiam habeo) spiritum humani sanguinis epilepsiam curare, quod non item spiritus urinæ præstat.

### Titulus V. (*Secundarius.*)

*De quantitate feri in humano sanguine contenta sive eum comitetur serum sive succus fuerit.*

**O**perosi sanè laboris est accuratam, certamque liquoris illius definire proportionem, quem distillatione ab humano sanguine educum, spiritum ipsius, comparatè ad alia principia ex quibus sanguis constat, Chymici vocant. In quibusdam enim minus, in quibusdam magis phlegmaticus ac serosus sanguis esse potest, qui & magis minùsve spirituosus erit juxta temperamentum, ætatem, sexum hominis sanguinem emittentis. Ut autem mensuram aliquam statuamus quæ probabiliter non multum ab ea quæ vulgò reperiri potest, recedet, scias velim uncias duodecim humani sanguinis sani, mediàmque phlegmatis unciam ac proinde quatuor circiter uncias & dimidiam fæci sanguinis septem nobis uncias suppeditasse: addo insuper, cum in retorta in furno arenæ uncias septem bene siccati, at non adusti humani sanguinis distillationi commisissim, septem me circiter drachmas obtinuisse, hoc est, octavam circiter partem spiritus, qui licet non admodum rectificatus, hoc nomen merebatur, adeo enim spirituosus & salinis partibus abundabat ut in *recipiente*, phia'que in qua eam servabam, magnam salis volatilis indissoluti copiam reliquerit, qualem liquor phlegmaticus non reliquisset. Si autem verum esse admittamus quod supra proponebatur tanquam verosimillimum, spiritum sanguinis sal tantum esse ac phlegma unita, faciliè admitterimus humanum sanguinem hac longè majorem spiritus suppeditare portionem: cum à septem uncias fæci sanguinis postremò commemoratis obtinuerimus drachmas circiter quinque salis volatilis; quod, si distillationibus convenienti phlegmatis quantitati uniissemus, probabiliter suppeditasset duas fere adhuc uncias liquoris spiritus appellationem promerentis.

Titu-



Titulus VI. *Secundarius.*)

*De consistētia & specifica gravitate spiritus humani sanguinis.*

**A**D consistētiā spiritus humani sanguinis, latius sumpto consistētiæ nomine, specificam ipsius gravitatem referre possumus, ( ut hæc vulgò corporum densitati respondet ) majorem ac minorem fluiditatem ad liquorem tanquam ad massam spectantem, ac majorem minoremque minutarum partium ex quibus constat, aut quibus abundat, subtilitatem.

Quod autē spectat ad primum trium attributorum quæ observavimus ad consistētiā spiritus nostri esse reducibilia. Gravitās qualitas est, ita ut sic loquar, in visibilibus fluidorum aut liquorum radicata, adeoque constanter eos comitatur, ut non potuerim non examinare gravitatem specificam, hoc est gravitatem moli comparatam, spiritus humani sanguinis; licet ob exiguam quæ aderat ipsius quantitatem, eadem adhibere instrumenta nequirem, quæ hydrostaticis in experimentis adhibere solebam, ubi non adeo in liquore examinando coercerbar: experimentum tamen qualicumque demum modo hujuscemodi feci, quo comperi corpus compactum quinquaginta & octo grana in aëre ponderans, atque in aqua grana sex, & tres quartas partes, in rectificato humani sanguinis spiritu quinque grana tantum & quartam partem pendere. Data autem hac occasione dicam quidpiam vestram præter opinionem, scilicet nihil impediēte spiritus sanguinis volatilitate, comperisse me sat magnam succini portionem in ipsum projectam, non ad fundum liquoris, ut plerique expectarent, subsedisse, sed in superiore ipsius superficie fluctuasse, atque si quando mergeretur, emerfisse.

Altera qualitas ad consistētiā spiritus sanguinis relata, est gradus, ipsius fluiditatis, aut si mavis, major, aut minor ipsius à tenacitate, aut viscositate, immunitas, quam recentiores quidam philosophi, quorum opinionem necesse non est hic examinare, ad liquores omnes quæ tales spectare putant tam manifestum tenacitatis gradum in humani sanguinis spiritu idcirco fortè quis expectarit, quod à plurimis recentioribus Chymicis *alkali* habebatur: neque nos latet varios alios alcalifatos liquores quorum è numero sunt oleum tartari per deliquium, nitrum fixum eodē modo resolutum, solutione cinerū ollæ, &c. sensibiliter esse unctuosos, sed læguidè tantū fluidos: non tamē observavi rectificatum humani sanguinis spiritū, quē inter digitos medium tractavi, communi esse aqua unctuosorem. Cū autem ii, qui spiritum vini vendunt, illum agitare soleant donec spumam aliquam excitet, hujusque in superficie morā, de liquoris tenuitate, ac tenacitate pronunciare, cum rati unctuosorem cui diutius insident bullulæ, eumque è quo citius refugiant, præstantiorem; eadem prorsus methodo spiritum humani sanguinis

E exami-

examinandum putavi, spumamque comperi brevissimo tempore in superficie hærere, non minore ferè celeritate disruptis, aut evanescentibus bullis, quàm si liquor probatus vini spiritus fuisset. Observatum pariter à me est, eam partem aliquam bene rectificati spiritus sanguinis cautius in aliud quoddam corpus labi sincerem, singulæ mihi guttulæ videbantur manifestè ferè minores guttis aquæ, variorumque aliorum liquorum: quod multum confirmabunt eorum quædam quæ tertiam circa qualitatem, ad consistentiam ejus de quo agimus spiritus, referendam, sum in medium adducturus.

Quia alicujus fortè fuerit momenti non merè curiositatis, scire quanta subtilitate activæ partes spiritus humani sanguinis præditæ sint, quamque mirè factæ sint, aptæque ut se per alios convenientium texturarum liquores dispergant, diffundantque: ut hoc oculis quasi subjicerem, methodum adinveni quam aliàs alios in fines excogitatam, non ineptè huic, in quem nunc collimamus, scopo applicari posse putavi; cum enim animadvertirem non leve hoc in plerisque desideria peccatum qui sat habent generationem asserere hoc vel illud corpus, partibus subtilibus, aut valde subtilibus consistere, parum interea solliciti de indaganda quapiam methodo, qua ad pronuntiandum de hæc subtilitate certius, definitiusque regerentur, ad methodum inveniendam, atque ad praxim reducendam alliciebar, quæ hujus defectus sæpe supplementum quoddam foret. Quam cum alio in tractatu tradiderim prolixam tædiæ plenam ipsius descriptionem hic asserere superfedebø. Cum hoc in loco sat superque fuerit si paucis dixero, quod fortè mirabere, secundùm methodum mox memoratam communem nos aquam infusionibus in eà absque calore factis ita præparasse, ut injecta vel unica gutta rectificati spiritus humani sanguinis in uncias quatuor & grana totidem, (quæ granorum duo millia conficiunt) aquæ præparatæ, phialæque leviter agitata, manifestum toto liquore diffusum esse colorem, cujus, nullus in ea gradus prius apparebat, quod sanè stupendam prorsus partium subtilitatem in spiritu à nobis adhibito demonstrat, cum vel unica illius guttula ita dispergere corpuscula sua possit, ac commiscere aquæ bis millies majori, adeo tamen interea activitatis suæ tenacia, ut præsentiam suam non sensibilem modò sed & conspicuam facerent manifesta colorismutatione quam induxerant. Hæc fateor enumeratio hæc nititur hypothefi, quod aquæ gutta ponderet ferè granum, guttaque spiritus sanguinis aquæ guttæ æquiponderaret.

Prior hypothefis communis est, licèt non usquequaque veram compere-  
rim, sed guttæ aquæ aliquanto amplius grano ponderare: hoc tamen discrimen sat superque compensatur discrimine à nobis, pondus inter guttæ aquæ, ac guttæ spiritus humani sanguinis, reperto. Cum enim in legitimam, accuratèque libratam bilancem guttas decem aquæ communis, totidemque rectificati spiritus humani sanguinis, demississemus, quod de tota re  
pronunciare

pronunciare nos tutius certiusque posse judicaremus, si plures potius, quam unicam, utriusque liquoris guttas inter se conferremus, comperimus, ut expectabamus guttam liquoris postremò nominati ut manifestè minorerat, ita multo fuisse leviorè aquæ gutta, adeo ut omnes decem guttæ quatuor vix penderent grana. Quare tutò pronunciare possumus guttam spiritus manifestè sese diffudisse, atque egisse in aquam quater millies ponderosiorè, ac fortè etiam quoad maiorem quater millies maiorem: cùm proportio ferè se haberet ut 1 ad 4000, adeoque dici possit ut 1 ad numerum medium inter 4000, & 5000 quod licèt fidem omnem superare videatur, iis maxime qui non propius inspexerunt magnam artis & naturæ subtilitatem in corporibus comminendis; repetito tamen experimento, citiùs quarta horæ parte hæsitantem, dubiumque, huiusce veritatis convincere possum: hæc autem partium sanguinis subtilitas major adhuc apparebit, & dicetur si advertamus quod demonstrare me posse puto, non contemnendam singularis guttæ à me adhibitæ partem fuisse phlegma produciæ mutationi inutile, cùm operatio ad salinorum spirituum parvulæ guttæ energiam referenda sit.

## Titulus VII. (*Secundarius*)

### *De odore, sapore, colore, diaphaneitate spiritus humani Sanguinis.*

**E**Arum qualitatatum, quæ communiter quidem, sed ut mea fert opinio sanè immeritò, primæ dicuntur, ad spiritum humani sanguinis nulla spectat, ita ut de iis quidquam comparatè ad ipsum differere teneat. Sat igitur habuero obiter hic earum fecisse mentionem, nequis oblivione eas à me esse prætermittas putet: quiddam tamen est, quod non ineptè ad calorem, aut frigiditatem spiritus humani sanguinis, referri possit, quod medici æquè ac philosophi qualitates has in actuales ac potentiales distinguant: Spiritus enim sanguinis humani, comparatè ad quosdam liquores, videtur potentialiter frigidus, cùm eos refrigeret, atque comparatè ad quosdam alios potentia calidus, quandoquidem his permixtus mixturam efficit actu calidam cuius rei sequens proponam exemplum.

Tenui cylindrico vasi indidimus inferiorem Thermoscopii hermeticè sigillatam partem, quod hic & alibi regulatum, aut mensuratum, *pag. 4*, vocare soleo quod conforme sit regulæ, mensuræque, seu normæ ejusmodi instrumentorum in Collegio Greshamienfi servatæ. In vitrum hoc Cylindricum tantum spiritus humani sanguinis mediocriter fortis effudimus, quantum cooperiendo Thermometri Globo satis foret, tum hunc in liquorem spiritum salis optimum stillavimus; facta hac mixtione, ortus illico est magno cum strepitu, bullulisque confectus, eoque etiam calore quò sat celeriter spiritus vini duos ultra pollices & dimidium ascendit: quod experimen-

F  tum

tum eo majore consideratione dignum est, quia plurima sunt alcalia volatilia quæ acidis spiritibus commixta, licet veram producere effervescentiam videantur, ipsa tamen insignem frigiditatis intentionem gignunt. Quod autem præcipue mihi considerandum hic occurrebat illud erat, quod, cum plus vice simplice, imò sæpe experientia compererim spiritum æuginis, quem nonnulli spiritum Veneris vocant, unâ cum volatili salis armoniaci, aut urinæ sale, apparentem quidem effervescentiam, sed veram frigiditatem producturum, idem hic æuginis spiritus in tenui Cylindrico vitro præmemorato spiritui sanguinis mediocriter tantum fortè commixtus, non stridorem modò, & magnam bullarum copiam produceret, sed & actualem calorem, quo spiritus vini in Thermoscopio celeriter cogebarur fursum pollicem supra & medium, licet adhiberi liquores cochlearia duo conjunctim non implerent.

### Titulus VIII. (*Secundarius.*)

#### *De dissolutiva spiritus humani sanguinis potestate.*

**N**on tantum utile erit manifestandæ subtilitati, ac penetrativæ spiritus humani sanguinis virtuti, sed cuipiam etiam medicis usui erit, si experimentis comprobatum fuerit hunc spiritum non tantum seipso optimum esse varios adversus morbos medicamentum, sed adhiberi etiam posse tanquam menstruum ad varia corpora dissolvenda atque etiam metallica quædam: quia autem verosimillimum est hæc posterius commemorata non facile dissolvenda esse à substantia ad regnum animale ut Chymici loquuntur, pertinente: duo subjungam experimenta eo à me facta consilio ut dissolutivam spiritus sanguinis virtutem ostenderem.

Cum itaque primum crudi cupri limaturis quæ quo exliores, eo scopo nostro aptiores sunt, spiritum humani sanguinis summè rectificatum affundissemus, simul coagitavimus, ac spatio circiter horæ quadrantis, aut infra, animadvertimus menstruum factum esse nonnihil cæruleum, quod operationem jam inceptam indicabat: vivacior autem hic color in momenta erat, donec aliquot post horas sat cupri menstruum dissolvisset, ut profundè cæruleum appareret; alia quædam ac nonnihil discrepantia experimenta hoc in metallum suo loco occurrent.

Interim hic indicabo quibusdam in casibus spiritum sanguinis miranda in cuprum celeritate egisse, cum enim integram hujus metalli portionem, mundam splendidamque fecissem, nequa pinguedo immunditiæve liquoris operationi impedimento foret, unanive aut alteram spiritus nostri guttati in eam stillassem, intra circiter dimidium horæ minutum, ab horologio rotatili minuta secunda indicante observatum, virga humefactæ partis superficiali cærulea visa est, atque statim ferè post reliquum madefactæ partis pulcherrimum

pulcherrimum contraxit caeruleum colorem.

Limaturas quoque zineti, *zinc*, aut, ut in officinis vocant *speltra*, *spelter*, selegimus, cumque his spiritum sanguinis optime rectificatum affudissemus, celerem ipsius, licet non validam operationem, etiam in frigido observavimus inanisfisse. Modico tamen caloris beneficio zincum celeriter productis magno numero bullis, atque operatione nonnihil decolor factus dissolvebat: quod experimentum quempiam alibi in usum adhibetur, quem proinde tradi hic necesse non est.

Addam hic loci selectam esse à me curiositatis gratiâ portionem sanguinis coagulatam, sed non siccata, gaudiores pisco aliquanto majorem, quam ab inferiore massa sanguinea parte detraxeram, ut nigra foret, superior enim fibrosi sanguinis pars aëri proximè adjacens rubra ut plurimum est.

Hunc sanguinis grumulum tenui phialâ crystalli purissimâ, ut color melius distingueretur inclusimus, in cumque tum modicum spiritus rectificati sanguinis effudimus. Utrumque aliquantulum agitavimus, moxque in ictu oculi color partis saltem aëri contiguæ, manifestè mutatus est, evanescenti nigredini florido quasi coccineo substituto colore. Liquor quoque tinctus erat, non tamen colore rubro adeo, sanguineove, quem ex bullulis identidem ex grumo in ipsum impingentibus menstrui more operari judicasses, cum tamen paulò post hunc sanguinis grumulum rursus inspicirem, à pristino colore, ad obscuriorem longè degenerasse comperi.

Alium quoque sanguinis grumulum priori non abfimilem selegimus, præterquam quod ea illius pars quæ aëri proxima fuisset nigra non esset, cumque in cum, in phiala priori persimili spiritum sanguinis, eodem è vase ex quo priorem portionem acceperam, extractum effudissemus, rubicundus color statim intensior videbatur, splendidiorque, atque adeo coccinei coloris adinstar. Nigredo, seu color niger nihil ferè intentionis suæ amiserat, obscuri utpote adhuc, luteique coloris tenax: quare secundum hoc experimentum ulteriorem requirit experientiam, ubi explorandæ hujusce rei aderit iterum opportunitas: nec sanè immerito, quod enim hæcenus de spiritus in geminis sanguinis grumulos actione dixi, deditis contemplationi ingenuis non vulgariū animadversionum materiam subministrare poterit. Nec abs re hic loci fuerit indicasse, cum subobscurè dubicque meminissem, diu ante seposuisse me sanguinis humani spiritum, unâ cum certa volatilis salis ut in fluore servaretur, quantitate, immemorem interea quodnam alcali volatile adhibuerim, alia inter vitra quæ seposita fuerant, reperisse me longioris colli unum, cui appensa erat appendicula quæ tempus indicabat quo duodecim humani sanguinis drachmas cum duobus spiritus humani sanguinis hoc vitro concluseramus: unde sanguinem hunc ipsos duodecim & amplius menses conservatum fuisse constabat, qui tamen vitro floridus adhuc translucebat, atque fluidus ferè totus videbatur.

Cum itaque aperta phiala est, quæ subere ceraque sigillatitia sollicite obstricta fuerat, necrum nullum odorem, aliudve putrefactionis signum in mixtura comperimus, atque per insigniam sanguinis portionem leviter in fundo concretam in grumulos, residuum enim linteolo facile transmeabat: unde insignis plane virtus balsamica spiritui sanguinis inesse videtur: cum potuerit tamdiu & tam bene non minus sanguinis humani quam decuplum sui pondus conservare quem tamen ad concretioneem, putrefactionemque mirè esse dispositum nemo nescit: quin etiam diutius longè verisimiliter sanguinem præservasset spiritus mox memoratus, nisi experimentum profecti visum nobis fuisset. Nescio utrum operæ pretium fuerit subungere huic experimenti nostri descriptioni, cum sanguinem abstraxissemus, ut leni igne superius memoratam mixturam distillaremus, primum qui ascendit liquorem, non fuisse spiritum, sed quoddam phlegmatis genus, licet postea præter spirituosum liquorem sal volatile in forma sicca ascenderit.

Hic insuper subjungam experimentum sequens jampridem factum cum spiritu quem existimaram eo debiliorem, cujus ope experimenta superius memorata facta sunt.

Quendam in scopum quem hic commemorare necesse non est limaturas Maris consultò faciendas curavi, ut statim adhibitæ nullam contraherent rubiginem, quâ dubia liquoris nostri operatio reddita fuisset. In has, spiritus nostri portionem aliquam effudimus, cum autem mixturam in digestionem aliquamdiu servassemus, comperimus, ut expectabamus, liquorem egisse in metallum magnamque levium substantiarum copiam, crocum colore referentium, sed aliquanto pallidiorum produxisse, plus quoque quam expectabamus reperimus: magna enim copia tenuium laminarum instar terre cujusdam *foliata*, ut Chymici loquuntur, in liquore apparuit: quæ levem post agitationem solis radiis objecta colores iridis adeo vividos exhibuit, ut non minori spectantibus voluptati quam admirationi fuerit: liquoris tamen saporem, insigniter esse *martialem* non animadverti.

### Titulus IX. (Secundarius.)

#### *De tincturis quæ spiritu humani sanguinis extrahi possunt.*

Cum pleræque extractionum illarum, quas Chymici tincturas vocant, sint, ut alibi ostendi partiales, corporum à quibus obtinentur solutiones, facile ut opinor quis concefferit, cum spiritus sanguinis, ut in præcedente titulo patuit, dissolvere possit cuprum, & zinetum, *zinc*, quæ solida sunt ac metallina corpora, posse quoque eundem à variis aliis tincturas extrahere, sed ut hæc hujusce menstrui virtus, probetur potius quam supponatur, non abs re fuerit paucis eam exemplis demonstrare.

Spiritus sanguinis anglico croco affusus sat pulchrè citò flavescere cœpit.

Spiritus

Spiritus sanguinis pulveratæ *curcuma*, *Turmeric* vulgò affusus ab ea in frigido tincturam perpulchram instar solutionis auri extraxit quæ probabiliter, ut hoc obiter dicam, medicamentum de-obstruens futurum est præstantissimum, præcipuè adversus Icterus, quo in morbo, *Curcuma*, quæ croci indici genus quoddam est, experientia ipsa comprobatur, atque hac nostra in tinctura spiritui humani sanguinis conjungitur. Quem inter & spiritum urinae cognatio proxima intercedit, cui virtute & efficacia nihil inferior est: quo cum liquore benè rectificato non vulgaris mihi successus adversus icterum obigit.

Ut extractivam spiritus humani sanguinis facultatem in substantiis ad animalia pertinentibus experirer, è re medica fore putavi explorare, quoniam vis ipsius foret in solidas humani sanguinis partes, sanguinis inquam ficcata, non tamen adusti, sed tantum aliquo cum labore in pulverem reducibilis.

Huic itaque benè cribrato pulveri spiritum ex eadem materia mediocriter fortem affudimus, qui statim etiam in frigido colorem contrahere cepit: atque intra idem temporis spatium non minus postea ruber, quam vulgare vinum rubellum Gallicum apparuit: hæc me extractio movit ut suspicaret phlegma quod à spiritu à me adhibito accuratè separatam non erat, accelerasse menstrui colorationem.

Quam ob causam alii ejusdem pulveris portioni rectificatum sanguinis spiritum affudi, adeo benè dephlegmatum, ut ne granum quidem volatilis salis sanguinis dissolveret; comperique, ut suspicabar, hoc menstruum alio longè tardius extrahere tincturam: quem enim plures post horas obtinuit colorem, fuscus tantum erat, aliquanto tamen plures post horas color apparuit in ruborem exaltatus, manifestè tamen inferiorem rubedini spiritus aliquantulum phlegmatici de quo supra, quam tamen diuturniorem post moram æquavit ferè. Hoc itaque modo non obtegere tantum spiritum humani sanguinis, sed & cum præstantioribus corporis solidi irresoluti particulis quasi gravidare possumus: quo fortassis spiritus remedium fiet accommodatius, quibusdam & morbis, & temperamentis: quod medicamentum, integram interdum voco humani sanguinis tincturam, ex solo enim humano sanguine constat.

Ut tandem ostenderem spiritum humani sanguinis extrahere posse tincturas ex durissimis etiam corporibus sequens feci experimentum.

Selectas quasdam chalybis limaturas selegimus, hæ enim ab acuum fabricatoribus conservantur, iisque exiguo ovo impositis rectificatum summè spiritum sanguinis affudimus, totaque nocte servavimus in digestionem moderato calore; postero die summo mane menstruum comperimus coloris fusco-rubri sat intensi. Ac limaturarum quædam quæ fortè lateribus vitri adherabant, sed altiores erant quam ut eousque liquor pertingeret, aut ortis à menstruo extractionibus, aut fortè obvio ipsius contactu ut infunderetur

tur, in quemdam flavum Martis crocum versæ videbantur: neque hic præmittendum est eum menstruum ac limaturas simul in ovo præmemorato per aliquot adhuc dies servasse, colorem menstrui evasisse opacum, ac cum in insigni aliqua mole conspiciebatur, visum esse nigrum: quibus ultimis verbis consulto utor, quia aliam præ se speciem ferebat cum candidam supra papyrus rarins aliquanto spargebatur.

Non omnino fortè inutile fuerit medicis, apud quos chalybeata medicamenta magno sunt in pretio, si addidero ob rationes quas hic referre necesse non est, cum suspicatus essem spiritum nostrum in chalybem acturum, alio omnino modo quam acida solventia à Chymicis & Medicis adhiberi soleant, effudisse nos tincturam nostram à limaturis Chalybis extractam in tincturam Gallarum recens extractam (in aqua communi infusarum,) neque comperisse liquorem hunc cum infusione atramentitiam ullam conflasse mixturam, neque præcipitatum statim productum, fuisse nigri, multo minus veri atramentitii coloris, licet modos excogitarim in icu oculi mixturam nigram producendi cum aliis martialibus solutionibus, ac tincturis, quas curiositatis gratia, interdum virides feci, rubras interdum, interdum flavas, atque etiam aliquando ni fallor, alterius ab iis omnibus coloris.

Particularia hæc eo accuratiùs tradidi, quod ea sperem conducere posse nonnihil ad corrigendas variorum ingeniosorum quorundam recentium medicorum ideas, ac cultorum Chymiz præsertim qui huic hypothefi multa superastruunt, quæ speciosa quidem, fateor est, dubito tamen num solida sit, timeoque ne damno esse queat: ex experimentis enim superiùs recitatis, minimè tutum est aut supponere, si chalybeata in corpore dissolvantur, dissolvi oportere ab aliquo succo acido, aut concludere si chalybs liquoribus corporis dissolvatur, oportere esse eum ex prædominio, ut loquuntur alcalisatum; cum eum liquor acidis inimicus dissolvit. paritate rationis probabiliter quis inferre poterit contrarium ejus quod supponunt, quod chalybs in nostro experimento partialiter saltem ab eo quod ipsi alcali vocant dissolutus sit, ac proinde ex prædominio acidæ debeat esse naturæ. Sed de hac hypothefi consulto alibi disseruimus, quare de ea nihil hic superaddemus, tux tantum meditationi relinquo, num alius, quam in quem hæcenus medici inciderunt, non querendus sit modus explicandæ operationis chalybeatorum in humano corpore medicamentorum, atque utrum non aliquis martialium remedium non acidis, sed volatilibus salibus præparatum in re medica usûs esse possit.

Spiritum humani sanguinis affudi pulverato succino optimè cribrato tenuissimo cribro, atque in digestionem per aliquot dies servavi, adhibito sat intenso calore; nullam tamen ferè tincturam inde consecuti sumus, sive nondum spiritus satis fuerit rectificatus, sive succinum, quod genus quoddam albi succini præstans erat, non adeo faciliè tincturam solum emitteret, quam

emitt,



emittere soleat minus pretiosum succinum, ut experientia saepe edocuit sum, sed profundius coloratum. Ad notum hunc titulum is qui sequitur eventus referri potest. Spiritum humani sanguinis aspidimus isti *gummilacca* generi quæ ex Indiis orientabilibus, formâ grai v'orum hinc delectur, eamque ob causam *seed-lac* vulgò dicitur; assulus enim huic spiritus, licet resinofum gummi sit, nec facile solubile, tinctus illico est; quod omnino expectaram, quod conjicerem ruborem in variis similibus lenini granis apparere solum, superficie tantum esse tenuis, atque oriri ab adhærente aliquo sanguine alatorum insectorum, quæ morsibus suis huic gummi ortum dedere, in viminibus arborum in quibus *lac* reperitur: quibus viminibus magnam inhærentem granorum istorum gummosorum copiam non semel vidi; quare non videtur tinctura ab ipso *lac* proficisci, sed à sanguine potius istorum animalculorum, quæ spiritus humani sanguinis qui a siccato hominis sanguine tincturam trahit, dissolvit. Hæc autem tinctura utile futurum est medicamentum cum insecta in re medica adhibita, ut *millipedes*, *pediculi*, *apes*, *formica*, &c. in nostro etiam frigidiore climata, subtilium valde ac penetrantium partium magræque virtutis medicamenta supeditant.

## Titulus X. (Secundarius)

### *De coagulativa spiritus humani sanguinis facultate.*

**L**icet spiritus humani sanguinis tantam habeat dissolvendi virtutem, quantum diximus, comparare ad quadam corpora, in quadam tamen alia contrariam videtur sortitus esse operationem; dico *videtur*, quia in dubium revocari potest, neque hæc de re jam disceptare fert animus, utrum effectus de quo niox, sit propriè dicta coagulatio, quæ unum corpus sibi aliud coagulat, an potius coalitio particularum, ad mutvam cohesionem, cum sibi fortè invicem convenienti modo occurrunt, dispositarum: quodcumque autem nomen rei de qua dicturus sum imponendum sit, experimento consulto factò didici, summè reificato spiritu humani sanguinis, agitatione optimè commixto, convenienti, æquali scilicet ad minimum vinosorum spirituum quantitati, qui ardendo penitus evanescunt (si enim liquores sint phlegmatici, aut experimentum non omnino succedit, aut non tam feliciter) futurum statim ut contingat coagulatio, aut concretio vel totius mixturæ, vel magnæ ipsius portionis in corpuscula saliformia, quæ unione facile solubili cohærendo constant massam, ad sufficientem fluiditatis remotior, consistentem, licet per, nam mollem: quæ hac sub forma, quantum adhuc experiri potui diu remanere poterit, plures fortè septimanas, aut menses si in loco frigido servetur.

G.

Titulus.

## Titulus XI. (Secundarius.)

## De præcipitativa spiritus humani sanguinis virtute.

**D**<sup>5</sup> præcipitativa spiritus sanguinis humani potestate nihil adhuc peculiare observavi, sat itaque fuerit generatim dixisse, quantum ego quidem experiri potui, communem eum habere aliis cum spiritibus, quos alibi urinolos voco, potestatem pleraque corpora præcipitandi, quæ acidis in menstuis dissolvuntur; pleraque dixi, quia, ut alibi plenius docui, error est eorum, licet vulgaris, qui supponunt, ut Chymicis, Medicisque in more positum est, quodcunque dissolvitur ab acido, præcipitandum ab alcali quâ tali, sive fixo, sive volatili, cui posteriori generi, spiritus urinæ, sanguinis, &c. annumerant; deficit enim hæc regula quoties corpus ejus est naturæ ut tam ab alcali, quàm ab acido dissolvi possit. Licet autem hypothetis alcali & acidi non sinat eos talia admittere corpora, alio tamen in loco experimento probavi \* ejusmodi dari: quod propiore adhuc exemplo probari potest, cum superius viderimus optimum spiritum humani sanguinis in frigido dissolvere & cuprum, & Zinctum, Zink, quæ corpora sunt ab aqua forti, nonnullisque aliis acidis menstuis facillè solubilia.

Iis exceptis de quibus mox loquebar corporibus comperi spiritum humani sanguinis alia præcipitare corpora in acidis menstuis dissoluta, eodem ferè modo quo spiritus urinæ, aliisque ejusmodi volatilia alcalia præcipitare solent; hujus, memini, alia inter exempla, experimentum feci cum minio, aut plumbo rubro in acido aceti sale dissoluto, cum argento in aqua fortis, cum auro in aqua regia, cum stanno, in appropriato menstruo, dissoluto: spiritus quoque nostri ope solutiones variorum aliorum corporum præcipitavi, quas hic nominari necesse non est; quia autem magnus, frequensque est apud omnes homines salis marini ad conservandura, condiendumque quod edunt, usus, non inutile fuerit speciatim indicasse, ex solutione salis communis in aqua communi facta facillè nos præcipitare potuisse spiritus humani sanguinis ope substantiam terræ candidæ non absimilem: cujus substantiæ majorem longè quantitatem obtinui ab eo quod salis confectores vocant *Bittern*, quod in salinariis plerumque ahenis remanet, cum tantum ferè salis extraxerint quantum figurata in grana coagulari potest. Spiritus quoque humani sanguinis, vitriolum album Dantiscanum in aqua dissolutum præcipitat; sed non quantum observare potui, totaliter, quod mirum tibi videri non debet, quia cuprum dissolvit, quod unum est eorum ex quibus vitriolum cæruleum constat.

Titulus

\* Vide titulum VIII.

## Titulus XII. (Secundarius.)

*De affinitate spiritum humani sanguinis inter & olea quadam Chymica, spiritusque vinosos intercedente.*

Quamvis alio in \* tractatu, ob rationes illic expositas, aperiā quā vulgares mihi displiceant notiones *sympathia*, *antipathia*, *amicitia*, *inimicitia*, *affinitatis*, *hostilitatis*, &c. quz inanimatis corporibus ascribi solent: hoc tamen in loco nihil impedit quominus voces has, *affinitatem*, *cognationem*, *hostilitatem* sensu min⁹ stricto, & populari, usurpem, quo non à vulgaribus solū hominibus, sed à Philosophis etiam, Chymicisque, usurpantur.

Iuxta hanc itaque hujus vocis *affinitatis* acceptionem, tale quidpiam rectificatum spiritum humani sanguinis inter, & purum vini spiritum intercedere videtur: cū aliās observatum fuerit, (sub titulo decimo) utrumque mutuō commixtum fac ille coagulandum, diuque hujus unionis esse tenacem, verosimillimum est non absimile ardentium spirituum fermentatione præparatorum fore conjugium.

Aliās quoque observavimus spiritum nostrum tenuiorum sanguinis humani bene siccati partium solutionem effecturum: quod hic exemplum idcirco commemorō, quia ejusmodi solutio ab affinitate quadam, aut cognatione, ut plerique vocant, quod mechanici ego congruitatem potius dicerem, spiritum inter & corpus in quod agit, intercedente proficisci videtur. Comperi enim experimentis pluribus hunc in scopum factis, vinosum spiritum summē rectificatum, (si enim phlegmaticus sit, aqua spatio saltem multatū, quibus experimentum duravit, horarum, portionem aliquam sanguinis dissolvere poterit) nullam ab eo contrahere tincturam.

Quandam cum lixiviatīs liquoribus, quales sunt ex sale tartari, fixo nitro, &c. in aëre, aut aliter resolutō crediderint Chymici spiritum sanguinis affinitatem habere, cū hos omnes liquores alcalia esse velint: hic licet volatilis sit, isti verō fixi liquores. Quamvis se mutuō isti liquores amplectentur, congruantque sat invicem, non tamen intimam arctamque eorum coagulatione associationem advertimus, qualem superius spiritus sanguinis & vini vidimus. Idem sanguinis spiritus facili commisceatur isti *vegetabilium* spiritui cujus alibi amplam descriptionem dedi \* sub titulo *spiritus adia phori*, quod aliquam eos inter affinitatem, aut certē non manifestam arguit hostilitatem, ac contrarietatem.

G e Ejusmodi

\* De mechanica origine aut productione qualitatum: \* Vido Chymici in principiorum productionem.

Ejusmodi cognatio spiritum inter humani sanguinis variosque alios liquores reperiri poterit, quos supervacaneum foret, rædiiq; res plena, enumerare: Chymico potius considerandum est, licet oleum inter spiritumque humani sanguinis proxima manifestè cognatio intercedat, cum ab eodem ambo corpore fluant, dephlegmatum tamen sanguinis spiritum coagitatum commixtumque oleo, citò ab eo rursus separandum: licet vini spiritui, qui Chymicos juxta, liquidum, æquè atque oleum, sulphur est, constanter uniatur, hi licet liquores, ut eorum utamur phrasi, ad duo diversa regna spectent, hoc est, alter ad animale, ad vegetabile alter pertineat.

Cum essentialibus, ut Chymici loquuntur, aromaticorum vegetabilium oleis, aut saltem cum eorum nonnullis majorem videtur habere affinitatem optimè rectificatus humani sanguinis spiritus: cum enim hujus liquoris drachmam, acque æquale pondus olei seminis anisi in alembico *per vesicam* extracti selegissem, simulque fortiter coagitasse, molle ac semifluidum coagulum effecerunt, quod ea in forma per unum, alterumve diem perseveravit, ac diutius probabiliter, ni mihi ulterius cum eodem progrediendum fuisset, perseverasset.

Nec abs re fuerit hic referre, quia existimaram spiritum sanguinis non penitus essentialibus, ut Chymici loquuntur oleis commiscendum, aut cum salinis quasdam particulas iis communicare potuisse, aut mutationem in iisdem producere; in vitro longioris colli digesti aliquamdiu rectificatum humani sanguinis spiritum, una cum competente quantitate olei seminis anisi in alembico extracti, comperique, ut expectabam, oleum intensam contraxisse flavedinem, posteaque rubedinem: quod experimentum eo libentiùs commemoro, quia aditum tibi aperire poterit, ad causas mutati coloris in quibusdam corporis liquoribus inveniendas.

Prememorata affinitati, aut congruitati spiritus sanguinis cum spiritu vini, nonnullisque oleis essentialibus superaltruxi methodum quamdam qua tolli possit gravis spiritus sanguinis humani odor: qua una tantum re deterrebuntur delicatiores ab usu tam utilis, ut postea patebit, remedii: ut tamen philosophico cum candore tecum agam, non te celabo donec experientiam propius consulero, dubium mihi semper fore nun modus suo spiritum nostrum privandi foetore, non etiam suâ, magna ex parte virtute, ipsum spoliatura sit: rursus tamen animadverto probabile satis esse *aromatizatos* illos spiritus, subtilioribus plurimis oleorum ad corrigendum ipsorum odorem partibus gravidos, illorum pariter oleorum virtutibus imbui posse: sunt autem liquores, quos Chymici existimant non improbabili ex nobilissimis vegetabilium ex quibus fluunt, constare partibus.

Aromatizando humani sanguinis spiritui methodos discrepantes duas adhibuimus: quarum hæc prior erat. Convenientem spiritus sanguinis optimè rectificati quantitatem selegimus, quam cum ovo vitreo inclusisse-

mus,

mus, eidem addidimus tantundem, aut quod multis in casibus sat superque fuerit, dimidiam tantum ejus partem ex essentiali, exempli gratia, seminis anisi oleo: cum itaque hosce liquores ad intimam mixturem fortiter coagitavimus, conveniente vitrum in situ disposuimus in furno, in quo non nimio calore urgebatur; tenui hinc texture coagulo dissoluto pars aliqua olei ( magna interdum illius portio ) seorsim fluctuans in superficie spiritus apparuit: à quo ubi infundibulo, aliove modo separata fuisset, residuus liquor candidus erat, atque absque fetore: Odor enim seminum anisi prædominabatur, cujus saporem omnino referebat; licet salina & spirituosæ Sanguinis partes hoc in liquore insigne acuti sui penetrantisque saporis vestigium retinerent.

Alteram adhuc methodum aromatizandi Spiritum sanguinis excogitavimus, *medium* scilicet quoddam quo olea essentialia unirentur: consultò enim in vinoso spiritu, adeo dephlegmato ut in argenteo cochleari ardendo penitus evanesceret, concussione dissolvimus convenientem proportionem, puta octavam partem, ( aut multo adhuc infra, juxta olei vires, ) olei essentialis seminis anisi exempli gratia: atqui huic solutioni quantitatem æqualem aut aliam quampiam convenientem rectificati sanguinis spiritus attudimus. Cumque liquores hosce quàm optimè commiscuissimus, expectatum coagulum quod molle erat, atque uniforme, per aliquod tempus reliquimus quietum, post quod, pars aliqua olei revixisse videbatur, ac superinnatabat, varias, divisa in guttulas ab alio liquore distinctas, qui duorum spirituum mixtura interceptis olei particulis, ac detentis, gravidorum constabat. Liquor hic abundabat parvulis concretionibus concoagulatione sanguineorum, ac vinosorum spirituum factis.

Hæ autem levi admodum calore in forma salis volatilis ad superiorem vitri partem sublimata sunt; sal autem hoc odorem longè minùs penetrantem quàm merum sal volatile humani sanguinis, emittere videbatur: fetorem autem penitus deposuerat, retento tamen insigni acumine, atque aliquatenus seminis anisi odore: residuus quoque liquor suo privatus odore, mediocri olei odore imbuebatur.

Operæ pretium fore putavi si experirer, utrum aliqua intercederet affinitas inter spiritum nostrum, [ quem varias in se particulas occultas nature oleagineæ complecti animadverti ] atque oleum petrolei summè rectificatum, quod bitumen minerale est, cumque duorum istorum liquorum quantitatem convenientem unà coagitavim recente in phiala, in candidam ii mixturam illico versi sunt: licet autem hæc per varias horas quievisset, maxima olei pars spiritui superinnatavit: geminos tamen inter liquores magna albicantis materie quantitas videbatur: quæ quidpiam videbatur præcipitatione, aut unione, variarum spiritus & olei particularum productum, quæ reliquis ad mutuam sui cum se invicem combinationem aptiores erant.

G ; Titu;

## Titulus XIII. (Secundarius.)

*De cognatione spiritum humani sanguinis, atque aërem inter, intercedente.*

**Q**uod contactus aëris celeriter ac manifestè in humanum sanguinem agat, experimentis nobilis ingeniosique cujusdam Itali, meisque etiam nonnullis demonstratum alibi est: Utrum autem humanus sanguis, ubi eam subiit quam distillationibus subire solet alterationem, retineat adhuc peculiarem aliquam cum aëre cognationem, non potui sufficientibus hæcenus experimentis determinare; non erit utcumque inutile præcipua quædam quæ hunc in scopum feci experimenta proponere, quia quædam historiarum nostrarum partes futuræ sunt, eoque nomine alicujus momenti, licet non ea sint argumenta quibus controversia definiatur.

Primum experimentum celeriter hunc in modum factum est. Super candidæ papyri portionem, cujus pressæ partes sint oportet, ne liquorem absorbeat, tennes cupri limaturas expandimus, easque penitus madefecimus, non omnino tamen cooperuimus, paucis guttulis optimi spiritus sanguinis: ita enim libero aëri cum expolitæ essent, actio liquoris adeo promota est, ut intra unum alterumve minutum, etiam in frigido, colorem cæruleum acquirere inciperet, atque pauciora intra minuta quam quis expectaret, color ille ita exaltaretur, ut jam penitus cæruleus foret: cum autem aliam earumdem limaturarum portionem phialæ imposuisssem, spirituque eas sanguinis cooperuisssem, phialamque ut externus aër prohiberetur obstruxisssem, aliquot horarum spatio tam intensum liquor colorem non acquisivit.

Aliud factum à nobis experimentum, ut quæstioni superius propositæ responderemus, idem quoad substantiam erat cum eo quod alias feci, (atque alibi fusè tradidi) cum spiritu urinæ & spiritu salis armoniaci, præterquam quod, ne nimium spiritus sanguinis expenderemus, longè minorem ejus quantitatem quam liquorum præmemoratorum adhibuimus: cum enim diaphano cylindrico vitro, diametro pollicem circiter æquante, plures cupri limaturas quam ad fundum cooperiendum requirebantur, imposuisssemus, iis affudimus tantum solummodo spiritus humani sanguinis, quantum eas supra ad latitudinem digiti, aut pollicis circiter assurgeret.

Liquor hic ob copiosum aërem in phiala contentum colorem cæruleum intensum acquisivit, qui post unum alterumve diem remissior esse coepit, donec tandem evanesceret. Liquor tamen non omnino limpidus erat, aut omnis coloris expers, qualem cum spiritu urinæ, aut salis armoniaci sæpe expertus sum: has autem cærulei coloris reliquias non invitus magnæ aëris.

aëris quantitati ascribo, aëris inquam à phiala cum tantillo liquore conclusi. Quanquam tempore fieri posse putarem, ut ex cærulei coloris reliquiæ evanescerent, cum tamen per otium tamdiu expectare non possem, phialam deobstruxi, animadvertique ut expectabam brevissimo tempore, duobus fortè circiter minutis horæ, liquoris superficiem, ubi ab aëre recenter ingressio contingebatur, factam esse cæruleam, brevique post, infra fortè horæ quadrantem, totum corpus liquoris intensiorem æthereo consecutum esse colorem: qui, obstructa tempestivè diligenterque phiala, biduo, triduove post pallidior iterum esse cæpit.

Hæc experimenta haud dubiè multis inferre videbuntur magnam cognitionem, aut affinitatem, (qua enim hic appellatione utar nescio) spiritum humani sanguinis inter atque aërem: sed licèt conclusionem ut assertio est negare nolim, consequentiæ tamen validitati inniti non ausim, ejusmodi enim experimenta cum spiritibus sale volatili gravidis curiositatis gratiâ feci: aliqua, prævideo, veri specie nonnemo dixerit sælicem horum experimentorum eventum quibusdam spirituosus sanguinis partibus acceptum esse referendum, cum spiritus urinæ ex liquore à sanguine separato fiat: & sanè quamvis sal armoniacus in Oriente factus, ex Camelorum urina ferè conficit, qui tamen in Europa conficitur, ubi rariores sunt Cameli, venditurque in officinis, ex viri urina conflatur: quare non immeritò quis dixerit ipsius spiritum spiritu humani sanguinis esse gravidatum. Quod sanè cum primum mihi in mentem venit, adeo, fateor, visum est vero conforme, ut huic omnino sententiæ fortè acquievissem, nisi quod mox dicturus sum oblitisset. Quia scilicet comperi experimento diligenter factò cum alio volatili spiritu confecto absque ulla substantia è corpore humano egressâ, experimentum experimento superiùs relato perquam analogum unâ cum cupri limaturis facere me potuisse: sed quia hoc in experimento reiteratus aëris contactus in liquore non cæruleum, sed viridem colorem produxit, suspendo libens judicium, ac problema supra propositum indecisum relinquo, dum ulterior rem experientia docuerit.

Nescio an operæ pretium fuerit referre, cum in phiala inobstructa, spiritum humani sanguinis immisissim in recipiens supra pneumaticam nostram machinam situm, incumbentemque aërem antiâ subtraxissem, spiritum sanguinis visum esse minores & pauciores bullulas aëreas suppeditasse, quàm ejusmodi quantitas aquæ etiam communis probabiliter suppeditasset: sed, ut dicebam modò, nescio an hæc observatio alicujus sit momenti, quia cum non libenter novam spiritus portionem aëri exponendo debilitare vellem, nescio utrùm paucitas aëris in spiritu mox memorato observata, contingens necne foret.

Titu;

## Titulus XIV. (Secundarius.)

*De hostilitate spiritus humani sanguinis adversus acida, sive in forma liquorum sive vaporum fuerins.*

**Q**UOD in spiritu humani sanguinis tale quidpiam sit quod Chymicus aut vulgaris Philosophus hostilitatem, aut in acida antipathiam vocaret, sat manifeste, licet perpaucis in loco, quodam ad tertium præcedentium titulorum pertinente declaratum sit. Utile tamen fuerit hic etiam addere, spiritum humani sanguinis adversus plura acidorum spirituum genera has exercere inimicitias, licet fortè non parum à se invicem discrepent, ut spiritus salis, spiritus nitri, spiritus, oleumque vitrioli, aqua fortis, aqua regia, neque tantum adversus acida factitia, sed contra etiam naturalia spiritus humani sanguinis manifestam detegere hostilitatem potest, ut ex ipsius cum recente limoniorum succo conflictu comperi, in quo confusam turbidamque unà cum bullulis motionem produceret: quæ manifestior adhuc erat cum sal volatile sanguinis, hoc est, spiritum in forma sicca adhiberem: cum enim in aliquam hujus portionem succum limoniorum expressissem, magna statim spuma, strepitumque comitantibus excitata est commotio; sed ut ad liquores summe acidos distillatione factos revertatur oratio, utrum magna commotio, spumaque, & stridor humani sanguinis iis cum menslruis mixtionem consequentes ab hostilitate vera, aut vera antipathia orientur, aut utrum motus sint ad coalescentiam, aut unionem, aut effectus disturbatarum motionum in discrepantibus, sed jam confusis liquoribus necessario contingentium; aut denique utrum sint effectus alicujus impimenti à nova mixtorum liquorum textura orti, quo liber transitus æthereæ, aut alii subtili cuipiam materię, aut fluidę prohibeatur, non ausim decidere. Sed iis potius quæ nuper de apparente spiritus humani sanguinis in acidos spiritus hostilitate dixi, addam quod fortè non expectaras, ad invisibilia etiam effluvia atque emanationes istorum liquorum, hanc sese hostilitatem extendere; ut facile patebit ex sequente quam selegi methodo, ut conspicuum id, atque manifestum fieret: quod hunc ferè in modum nullo negotio præstiteris, si validum quempiam spiritum acidum, ut salis, aut nitri, &c. in phialam latioris orificii immiseris, inque aliam, benè dephlegmatum sanguinis spiritum: cum enim de industria, consultoque has ita phialas ad se invicem inclinarem, ut earum labia mutuo se ferè contingerent, ac jam prope esset ut liquores effluerent; licet neuter liquorum separatorum conspicuum fumum emitteret, quamvis inobstru- & phialę forent statim tamen atque liquores propiores sibi invicem modo



modo jam dicto locuntur, occurrentes sibi in ære funi parvulas coalitiones efficiebant, quæ manifestè per modum ascendentiis funi conspiciebantur, quod spectatoriis & voluptati, & admirationi erat. Hæc autem funi emanatio ni utrinque, ut desineret, removerentur phialæ, diu perseverabat: iis vcrò separatis illico desinebat; faciliore adhuc hos fumos conspicuos reddendi usus sum methodo sed ad alium potiùs tractatum ea spectat: quod autem nunc traditum est sat abundè fuerit.

Non erit tamen omnino ab instituti mei ratione alienum, si proposuero hic experimentum factum à me, ut observarem quid contrarii sales, quibus spiritus sanguinis atque alii quidam acidi liquores abundant, simul combinati, atque ad formam siccam adducti producturi forent: experimentum itaque, de quo loquor, ex quodam observationum mearum libello transscriptum hic annectam.

Purum itaque sal volatile humani sanguinis sclegimus, quem cum spiritu nitri satiassemus, lenta evaporatione superfluum humorem consumpsimus, ut acidi sales, atque urinosi, siccam in concretionem coalescerent, à qua eos iterum separaturus eram, ac pristina formæ sal sanguinis, ac spiritum nitri eidem salis petræ formæ redditurus: quod ut efficeremus, sal compositum in exiguum vitrum longioris acëtiorisque colli injecimus, eique tum convenientem salis tartari quantitatem, tantumque aquæ distillatæ addidimus, quantum ad conciliandam aliquam mixturæ liquiditatem satis foret, ut sic contrarii salis in alterum actio promoveretur: quibus mutuis in se actionibus opinabamur, saluos spiritus nitri, magis utpote fixo sali, quàm volatili congruos, sanguinis saltem (quem illud priùs ab avolatione prehibuerat,) desectures, atque ut sublimaretur permissuros: cum proinde, phialam in qua mixtura facta fuerat, competenti tempore, ac conveniente in caliditate servassemus, quod sperabamus, consecuti sumus, cum magna satis salis volatilis optimi portio in forma sicca, in collum ascenderit.

Cùm spiritui humani sanguinis exigui validi spiritus nitri quantitatem affudissem: tantam duorum consiliis liquorum spissiorum alcentiumque vaporum copiam excitavit, ut non nūdari rem insolitam non potuerim, cum ejusmodi nihil vidissem unquam. Horum autem vaporum diu in cavitate vitri circulantium, cujus decima fortè pars liquore plena erat, perique, licet latioris esset vitrum orifici, per vasis latera ad stagnantem mixturam subsederunt quasi lactei liquoris effluvia forent. Ubi autem, postquam vapores illi evanuisent, paulò plus fumantis hujusce spiritus nitri insillavimus, albentes ejusmodi vapores magna copiâ illico elevati sunt, diuque aperta in phiala circulationem continuarunt, mixtura interea temporis roborem contrahente; cui jam quiescenti, ac pingui quadam substantia, decolori in speciem faciei modicum pluvialis, aut distillatæ aquæ affudimus, cumque eam filtratione à sœcibus separassemus, lentèque cla-

H rincatum

rificatum hunc in modum liquorem evaporassemus, partes salinæ quasi sectæ sunt in Crytallallos figuratas ac stiriarum salis petrz instar invicem de-  
cussatas, earum tamen color aliquo post tempore flavus apparuit, quasi oleosa quædam substantia ipsis adhuc commixta foret.

Licet spiritus sanguinis per sæpe appareret hunc in modum oleosus, me-  
mini tamen non ita pridem habere me spiritum ab alia sanguinis portio-  
ne distillatum, qui per annum jam servatus limpidus erat, atque coloris ex-  
pers instar communis vegetabilis spiritus.

Præmemoratarum Crytallorum quædam carbonibus benè accensis im-  
positæ, statim colliquefactæ sunt, atque ardendo cum strepitu salis petrz  
instar consumptæ: sed flamma non adeò halitiosa videbatur, & magis  
quoad colorem discrepabat, flava utpote quàm maximè, minimè verò  
cærulea: ubi deflagratio omnino desisset curiositate motus videre volui,  
num quæ Substantia fixa super carbones relicta foret, quam sanè miram sat  
comperi, neque enim coloris erat levioris, aut partium, cinerum instar,  
incoherentium, sed exigua quædam massa ex lutea, colorataque materia, in  
qua alcalisatum nullum sentire saporem potui, aut saltem vix potui: fragi-  
lis autem hæc Substantia, (ejusmodi enim erat) flammæ objecta rubedinem  
contraxit, nec tamen destrui hac ignitione videbatur, ut neque postea, diu  
licet accensò carboni superimposita fuisset.

## Titulus XV. (*Secundarius.*)

### *De medicis spiritus humani Sanguinis exterius applicati virtutibus.*

CUM per plures jam annos Londini, qua in urbe tot insignes docti-  
que reperiuntur Medici, commoratus fuissèm, sollicitè semper, studio-  
seque cavi ne eorum in messem falcem meam immitterem: quod licet  
non semper præstiterim, id eo tamen usque feci ut tu, cui rerum mearum  
status ignotus non est, multa, ut spero, à me, ex propria experientia de me-  
dicis spiritibus humani sanguinis virtutibus non sis expectaturus: cum  
tamen qui artem medicam exercebant, varia, quæ hortatu meo, mihi que  
non inviti faciebant, experimenta suggesserint, ne argumentum hoc omni-  
nò intractum relinquam, quod memoriæ, cogitationique jam meæ circa  
illud occurrit, subjungam.

Cum necum ipse perpendo, quantum quidem hætenus observavi, nul-  
lam nos vulgò acidam substantiam, nisi fortè in succo *pancreatico*, in hu-  
mano corpore sano reperire; ( sal enim sanguinis fixum salem marinum  
omnino refert, sive spiritus ipsius acidus fuerit, sive secus; ) cum variæ  
ejusdem partes, seu solidæ fuerint, ut ossa, seu liquidæ, ut sanguis magnam  
supple-

suppeditent distillatione liquoris copiam, sale volatili abundantis, cum inquam hoc ipsum mecum perpendo, facile inducor ut credam verosimilimum esse spiritum humani sanguinis in quo tanta huiusmodi salis copia est, quique ex eo tanquam ex præcipuo ac prædominante *ingrediente* constat, insignis humanum in sanguinem operationes habiturum, remediaque magnarum virium adversus varios ipsius morbos suppeditaturum: Licet autem contra plerosque eorum adhiberi cum interius oporteat, nonnulli tamen sunt, quibus dispellendis exterius quoque feliciter adhiberi poterit.

Ut enim bene rectificatus humani sanguinis spiritus subtilibus admodum abundat particulis, quæ sapore, odore, *diffusivitate*, *penetrativitate* omnino referunt particulas fortis spiritus vini, cornu cervi, & salis armoniaci, ita probabiliter quis easdem in spiritu sanguinis virtutes expectarit quas experientia ad spirituosos alios liquores pertinere docuit. Raro, si forte unquam, tam celerem remedij cuiuspiam operationem in paroxysmis matricis, seu suffocatione uteri observavi, quam spiritus salis armoniaci bene dephlegmati, qui ut alibi adnotavi est merus serè reipsa urinae spiritus, quæ, ut omnes admittunt, liquor est à sanguine separatus: spiritus enim hic naribus hysteriarum mulierum admotus subito sæpe, maximo adstantium stupore, paroxysmum dissipavit: neque præcipuus hic est quem observavi, spiritus huius effectus: sæpe enim mirabili celeritate ægros deliquio in terram collapsos sibi iterum restituit, qui proinde reipsa epileptici erant, aut credebantur: quin etiam & extremo positos in agone, sui minus sanare, ac vita iterum quasi donare poterat, sæpe certè ad tempus deliquio ita liberabat, ut jam cognoscerent, intelligerentque astantium sermones, atque adeo eos etiam alloqui nonnunquam possent: cuius rei, si opus foret, plura possem in medium adducere exempla: sed addam potius, modò natura ipsa non penitus defecerit, casusque spem omnem extremus præcluserit, hoc non exiguæ fore utilitatis, ita enim aliquantulum licet fortè permodicum Medico tempus suppetet, idoneaque aliorum remedium administrandorum opportunitas, quæ aliquin æger nisi excitatus sibi ipse restitutus non admitteret. Cujus rei memorabile proponam exemplum in patiente doctissimi Willis, quæ paroxysmo apoplexiæ impetita, ab eo in eo statu, quòd rus ipse proficisceretur, relicta, commissa est curæ ingenui admodum Medici, qui utrum ipse hortatu necne, non memini. de imposita sibi provincia me commonefecit, graviter conquectus nullam Salutis è remediis superesse spem, quod planè jam stupida foret osque tam artè occlusum teneret, ut nihil deorsum vel vi trudi posset: quapropter ipsi dedi, usumque indicavi spiritus admodum subtilis, qui apud me similes in casus servabatur, licet non meminerim utrum salis armoniaci foret, aut alterius cuiuspiam volatilis, ac liquidi *alkali*, hoc

H. 2. autem

autem spiritu naribus ipsius admoto comperit Medicus oculos eam statim aperire posse, atque aliqua iterum ex parte reviviscere : sed rursus phiala remota in priorem citò statum recidebat : quare cùm frequentes hæ vicissitudines tempus suppeditarent , aptumque ipse præsentī & prementi morbo remedium comparasset , tum per diuturnum tempus phialam naribus adnotam tenuit : quo factum est ut sensus recuperaret, astantesque cognosceret , atque admonita , ut oblatum remedium, quod ipsi astant utiile fore, admitteret, alloquentes audire, ac quid dicerent intellexit, oblatumque remedium deglutiit, quamvis autem, remota rursus phiala, sensuum usu privaretur; ope tamen urinosi huiusce spiritus vita servabatur donec acutior hæc medicina quâ admiserat vires suas copiosa evacuatione exerceeret. Quâ non revixit modò, sed sanitati paulatim restituta est : quare brevi periculum feliciter evasit, quod vix, aut ne vix quidem ullius ope remedii evasura credebatur. Hic tamen monendus, extremis hisce desperatisque in casibus non satis esse phialam paulò longioris colli naribus adnotam tenere, sed faciendos interdum globulos ex linteo, aut Gossipio, tenuive lacinia, intinctosque hoc in spiritu naribus intrudendos : quod idem in spiritu humani sanguinis administrando, si res ita postularet, observatum velim. Quod autem ad externos usus spectat peculiarem instituo præparationem spiritus salis armoniaci, aut urinæ, quæ fortior fiat, penetrantiorque eo, qui modò vulgari conficitur : quapropter si quæ spiritus sanguinis copia mihi suppetiisset, non absimili eum methodo præparassem. Ut ut sit, cum exigua illa, quæ ad manum aderat, ejusdem quantitate, sequens experimentum rem propius exploraturus feci : Nonnullam volatiliss salis humani sanguinis siccati portionem selegimus [ hoc enim facilius tum quàm spiritu ipso carere poteramus ] eique tantum spiritus nitri, quantum præcisè ipsum satiaret, affudimus; obtinuimus tum anomalum quoddam compositi salis genus, quod postmodum quia sicca in forma remedium quærēbamus, à conveniente selecti *fixi alcali* quantitate sublimavimus ( æquale ni fallor salis tartari pondus selegimus ) idonei retinendis non phlegmaticis solùm partibus, sed etiam oleagineis, quæ latent per æpe in salibus volatilibus, & liquoribus in quibus non omnino primùm apparent, & quibus eorum graveolentia, noxiùsque odor, probabiliter magna ex parte ascribi poterunt. Quo factum est ut siccum candidum salem penetrantis admodum odoris obtinuerimus: sed nulla mihi adfuit opportunitas sublimatum hunc salem circa ægrotos experiendi quorum gratiâ, aliam etiam adhuc methodum ad salinas sanguinis partes in forma liquida proliciendas, [ quam ad exercitium odoratus, sicca plerumque formæ præpono: ] hunc itaque in scopum partes duas humani sanguinis siccati tribus calcis parribus mixtas, violento sat igne distillavimus : uade, nostræ conformiter expectationi, magnam copiam spiritus, nullo comitante, in forma sicca, sale volatili, obtinimus qui

qui quidem spiritus etiam absque rectificatione fortioris odoris videbatur, quam alius post rectificationem sanguinis spiritus, atque equidem suspicor, si aut plus calcis, aut fortioiorem adhibuissimus calcem, quantitatem olei futuram fuisse longè minorem, spiritumque penetrantioiorem, deglutiente scilicet probabiliter calce maximam olei partem, ac omnem fortè superfluum humorem.

Sæpenumero pariter comperi leviores capitis dolores non raro intra quartam horæ partem mero benè depuratorum horum alcalium odore fuisse curatos, atque si rectè memini, hoc ipsemet speciatim dolore, volatili sanguinis humani alcali depurato liberatus sum, rarissimèque per multos hosce annos alio usus sum, neque alio, Deo laus sit, ad sedandam cephalalgiam opus habui remedio; quinetiam violentiores, constantesque ejusdem partis dolores, sin minus omnino sublati, certè eodem remedio sæpius repetito plurimum imminuti fuere: quod pariter animadverti valere sæpe plurimum in deliquiis hysteriarum maximè, ac Hypochondriacarum mulierum quo sanè verosimillimum sit spiritum humani sanguinis qui alia alcalia volatilia variis affectionibus manifestè imitatur, atque etiam fortè superat, quique oleo penitus suo expeditus vix, aut ne vix quidem, ab aliis urinosi spiritibus discerni potest, suo adversus morbos præmemoratos odore plurimum posse. Hic fortè quis obiecerit gravem spiritus sanguinis odorem obstaculo fore ne à mulieribus varios adversus morbos exterius usurpetur, quibus ramen dispellendis aptissimus est: cui obviam difficultati ibitur si dixerimus, earum plerasque, quæ periculo se, aut dolore premi nimium sentiunt, ut utroque liberentur, quantumvis ingratum adhibituras remedium: de valetudine enim quod de collecto ex urina vestigali *Vespassianus*, dicere liceat: *lucris bonus odor ex re qualibet*: quid quod primariæ etiam feminæ prementibus hujuscemodi paroxysmis, ambustas adhibent plumas, atque in his, aliisque, castoreum, galbanum, assam foetidam, quarum rerum odor ipsis etiam hominibus gravis est. In gratiam tamen delicatiorum, nauseæque obnoxiarum, gravior spiritus nostri odor, diuturnis digestionibus, aut iteratis, peritisque rectificationibus, imminui plurimum poterit. Quinetiam si quis aut si qua tam præstantis remedii odorem ferre nequeat: odor hic ut alia aliàs occasione dictum est, corrigi poterit, si spiritus sanguinis convenienti spiritus vini summè rectificati quantitati uniat: quo fortè fiet, neque enim hac de re mihi constat, ut non nihil tum virtutis suæ *penetrativa*, tum urinosi odoris deperdat, sufficienter interim subtilitate conservatâ, parique varios in effectus activitate: si autem non corrigere modò graviorem spiritus sanguinis odorem, sed & quamdam eidem conciliare fragrantiam volueris, id facile præstiteris conveniente quantitate aromatici cujusdam, aut alterius benè odorati olei Chymi

H ;

mici

mici in spiritu vini dissoluta : cujus proportionem facile inveneris, si guttatim illud in phialam labi finas, eam frequenter interim agitando , ad perfectam liquorum commixtionem , donec ex odore conjeceris, graveolentiam spiritus sanguinis esse extinctam, aut [ si liquoris graveolentiam non corrigere modò, sed & liquorem ipsum etiam aromatizare, laudabilique perfundere odore vuleris, ] mixturam ipsam jucundo jam odore olei ex quo componebatur, sufficienter imbutam.

Addam hic loci, si scopus noster præcipuus sit correctio, aut mutatio odoris spiritus sanguinis, oleum chymicum mitius ac temperatius aromaticis cinnamomi ac Caryophyllorum oleis utiliter adhiberi posse. Experimento enim hanc in rem factò edoctus sum, si oleum *rhodii*, quod magni sit à suffitoribus, rectè peritèque conficiatur, verèor autem ne id semper non contingat, paucas ipsius guttulas unciam *alcohol* vini producturas tantæ fragrantæ, ut hæc solutio unâ cum conveniente ( infra fortè æqualem non parum ) benè rectificati spiritus humani sanguinis quantitate coagitata, mixturam effectura sit odoris sat acuti, nec fætoris tantum omnis expertem, sed odoriferis etiam licèt non multum, Rhodii particulis imbutam.

Neque hic prætereundum plurimos fortunatissimos practicos æquè atque artis medicæ, Chymicæque Professores, oleum succini summè extollere adversus epilepsiz paroxysmos, aliosque morbos cerebri, generisq; nervosi : atque ipsa adeo experientia quædam ex succino remedia quibusdam in casibus ita mihi probavit, ut paucissima alia sint quæ libentiùs, vel accipiam ipse, vel aliis administrem. Præter enim laudes ab Helmontio succino in spiritu vini dissoluto attributas, tantam ei famam experientia conciliavit, ut variis in casibus, [ in quibusdam enim, ut & temperamentis pariter nonnullis à nimia ejusdem caliditate damni, aliquid suspicaret ] ægroti quamplurimi, tam mulieres quàm viri, odorem potiùs hujus olei tolerare, quàm ejusdem privari beneficio malint : si quos autem similiter dispositos sanandos susceperis ægros, non inutile, nec ingratum tibi fuerit indicasse, methodo conformiter superiùs memoratæ, ulurpare te posse tincturam succini unâ cum vini spiritu, ad corrigendum odorem, ac multiplicandas, quoad numerum saltem, spiritus humani sanguinis virtutes. Et quia hujus extractio tincturæ à crudo succino tenuiter pulverato peritiam aliquam & tempus sat longum requirit, hanc excogitavi methodum fortem ab ipsomet oleo extrahendi citò tincturam ; quamvis enim hoc oleum frequenti etiam coagitatione in spiritu vini penitus dissolvi nequeat, ut aromatica, aliæque olea recens commemorata dissolvi solent ; comperi tamen geminis hæc liquoribus validè coagitatis, ac quieti permixtis, licèt distinctas iterum in massas abirent, spiritum vini etiam in frigido optimam ex oleo extrahere tincturam summèque flavam, ipse ferè adinstar olei. Cujus.

jus tincturæ tantum spiritui sanguinis postea immiscui, quantum ad extinguendum ferè odorem urinosum quoddamque oleo succini tribuendum prædominium, satis foret, quod oleum & subtilius jam, & acutius quàm prius erat, factum esse opinabamur.

Tria adhuc de externo Spiritus Sanguinis Humani usu dicenda supersunt. Primum ex dictis hæcenus de non vulgaribus ipsius virtutibus, cum præparatione mox relata, aliave quavis alia Chymicis imbutus oleis, naribus admovetur, nemo negari à me arbitretur, cum post tot mutationes idoneum esse qui interius sumatur, ut propediem pluribus & specialius declarandi offeret sese opportunitas. Deinde, cum quibusdam in mixturis operosi laboris futurum opus sit in proportionem Oleorum Chymicorum aliarumque rerum ad corrigendum odorem adhibitarum, tam certò incidere, ut, ubi mixtura jam per aliquod tempus quieverit, nullarum partium Oleaginearum separatio fiat, mixturæ moles reperietur, si tota vitreum in infundibulum infundatur, infundibulum, inquam, circa fundum acutius, quale à Chymicis, Oleis ab aliis liquoribus separandis adhiberi solet: quæ porro tum mixtura prius Oleo effluerit, in Phiala diligenter oclusa scorsim servari poterit, Fragrânsque Oleum, ni Cinnamomi sit, aut Caryophyllo- rum, alios reponi in usus: quia autem frequenter, imo plerumque, si Spiritus Vinosus sat foret rectificatus, Salinarum & Urinosarum particularum concoagulatione Salis genus quoddam produceretur, aut liquidam ab eo partem aliam in Phialam effundere poteris, atque ita utraque separatim parte uti, aut omissa etiam hac separatione tantum leni admodum calore sublimare, quantum à residuo mixtura in forma sicca ascensurum est: hoc autem Sal Volatile Oleosum Spiritus Sanguinis rectè præparatum pristino, gravi odore privatum comperi ac fragrantia fortè quadam imbutum, odorèque nihilominus subtiliore, acutiore, ac penetrantiore, quàm quis credidisset, aut à quoquam expectari possit. Admonitum denique te velim, præter medicas illas facultates usisque odorum Spiritus Sanguinis simplicis aut compositi, eum non contemnendam exercere posse virtutem, si ipsius substantia inter fomentandum, aut aliter adhibeatur instar liquoris. Quod eo probabilius existimo, quod Spiritus Salis Armoniaci plurimum valere perhibearur adversus acutos podagræ dolores, quos sedare dicitur, atque contra etiam erysipelata, felici successu non caruisse. Cum autem mecum ipse perpendo liquorem nostrum esse admodum spirituosum, ac penetrantem, aptumque proinde ad roborandum, & resolvendum, atque *alkalisata* quoque esse naturæ quæ ad aciditates mortificandas idoneus redditur; verisimillimum videtur hanc amicarum qualitatum virtute, si liquida in forma applicetur, perutilem fore variis in casibus, in quibus Chirurgorum, aut Medicorum opera requiritur.

Sed jam mihi ab externis ad internos Spiritus Humani Sanguinis usus progrediendum.

*Tinus*

*Titulus decimus sextus (Secundarius,) De medicis Spiritus Humani Sanguinis interius assumpti virtutibus.*

**D**U propendebam ut crederem nequaquam necesse esse, ut numerus materialium *Morbificarum* specie differentium (ut Medici noxios vocant humores, aliâque substantias) ullatenus prope tantus in Corpore Humano foret, quantus est morborum, quibus corpus est obnoxium; quare ita mecum ipse reputabam quemlibet morbum, certo nobis nomine notum, non semper distinctam requirere *peccantis* materię speciem tanquam sui causam: idem enim noxius humor, aliudve agens distinctos, aut qui tales habentur, producere morbos potest, (quorum proinde distinctę futurę sint denominationes) tantummodo prout eorundem *agensium morbificorum* mali effectus variantur, partim ipsius humoris majore, minoręve quantitate, aut qualitatibus magis, minüve actuosis, partim, & quidem præcipuë peculiaribus naturis, aut structuris sitüque partium quas humor invadit. Ut huic adhererem opinioni, varia, quę hîc non commemorabo, me moverunt. Cum præsertim ejusdem probabilitas ex frequenti materialium morbificarum metamorphosi, quę ægris contingit sæpenumero, concludi possit: idem enim, exempli gratiâ, acidus acutusque humor producit interdum colicam, interdum apoplexiam, aliquando tussim, ventris aliâs profluvium, violentam interdum Cephalalgiam, interdum convulsiones, aliâque nonnunquam infirmitates prout peccans humor, aut noxia materia, invadit fortè primùm, aut postea transfertur ad hanc illamve peculiarem corporis partem: Notioni autem hæcenus proposiße conformiter dixeris, idem remedium, quo unum alterumve: ex præcipuis *morbificorum materialium* generibus expugnari potest, variis quoque morbis petianandis non esse inidoneum, si qua præsertim actuosarum virtutum varietate præditum sit: atque hanc ab causam facillè mihi ipse persuado Spiritum Humani Sanguinis, peritè dextręque præparatum, atque administratum, præstantissimum fore remedium adversus non paucas corporis humani internas affectiones: ac volatilia quidam alcalia tanto cum successu ad usus medicos usurpata sunt in *Anglia* ab anno salutis quinquagesimo sexto supra millesimum sexcentcesimum (circa quod tempus eorum introductionem, usumque non parum conciliata eisdem paulatim fama; & facili corum parandorum vulgata methodo & virtutibus declaratis promovi) ut nullatenus jam dubitem quin deinceps pluris ab omnibus æstimanda sint, sæpiùque eam hæcenus adhibenda, futurumque ædemum, ut ea vulgaribus remediis non paucis Medici præponant. quę etiamnum,



etiamnum, quod meliora desint, in usu sunt, licet *patientem* & gravent, & debilitent, variisque præstantibus destituantur virtutibus, quibus alcalia volatilia minimè carent: ut enim dicta jam præsentì huic argumento applicemus, quo ex hoc quasi exemplo de aliis Vrinosis spiritibus iudicium fiat, Humani Sanguinis Spiritus diversis qualitatibus, quæ sunt & medicæ, & actuosæ, præditus est. Acidus enim salces variorum causas morborum mortificat, atque aliquorum etiam, ni fallor, qui ipsis ascribi non solent: insignis *resolvens* est, eoque nomine tollendis obstructionibus tot morborum causis apertissimus. Diaphoreticus, & Diureticus est: unde naturam juvat ad variorum noxiorum salium exonerationem, ac contagiosorum, malignorumque corpusculorum quæ ipsi nocent, expulsionem: putrefactioni Sanguinis, ac coagulationi resistit, eidem acumen, ac spirituositatem ministrat, qua spirituositate circulatio sanguinis, cui congenius est, promovetur: his itaque modis, licet fortè non his tantum, cardiacum optimum, atque verosimiliter adversus quadam venena antidotum evadit: quod autem nec minima, nec minimè latè patens ipsius virtus est, generi nervoso peramicus est, utilisque proinde futurus in paroxysmis, ut loquuntur, matricis, convulsionibus, cephalalgis quibusdam, paralysis, inclinata apoplexia, genere quodam altissimi, &c. Interdum quoque balsamicus est, variisque fortè aliis adhuc inobservatis pollet virtutibus. Medicamentum enim, quod nec debilitat, nec magnas evacuationes ciet, neque stomacho grave est, neque nescitæ cujuspiam qualitatis prædominio vitiat, sed è contra tot perquam utiles in se facultates continet, adversus non paucos pollere morbos merito concludi potest: cùm plerisque quibus humana corpora obnoxia sunt, morbos quadam excellentiori insantem virtutum; una aut plures oppugnare queant, quarum collectio in Spiritu Humani Sanguinis reperitur.

Non immeritò itaque, ut remedium utile adhiberi poterit varios adversus morbos, eos maxime, quorum curatio ope Spiritus Urinæ, aut Urinosi Spiritus Salis Armoniaci feliciter perfecta est. Quales ferè sunt Hystrici Paroxysmi, Paralyfes, Tussis, Scorbutica quadam Intemperies, Convulsiones, Apoplexiæ, quædam febrium genera, Cephalalgia, Icterus, &c. Sed prius præmonitum te volui de virtutibus Spiritus Sanguinis Humani interius assumpti, ex propria ipsius experientia, multa non esse à me expectanda: quapropter, scias velim Helmontium ipsum parum cateroquin ad alia quàm sua, aut Paracelsi arcana encomis celebranda proclivem, Spiritum cruoris [licet hic eo quo vocem is accipit sensu, non sit Sanguis Humanus adhuc penitus elaboratus] commendare. plurimum contra epilepsiam, quam etiam inquit in adultis curabit: hanc autem virtutem Spiritui Urinæ disertis verbis denegat: celeberris autem hermeticæ medi-

I sine

cinx conscriptor, at ni fallor aliarum rerum quàm Oleorum Chymicorum peritor, licet spagyricas præparaciones adco deprimat, ut perpauca earundem ut utiles commendet, paucissimis iis, quas suo dignatus est caliculo, distillatum Sanguinis liquorem annumerarit.

Eò facilius inducor ut eiusmodi Spiritus Sanguinis laudibus fidem adhibeam, quod hoc ipso remedio sequenti in casu usus sim: primaria quædam sæmina junior, in cujus familia phthisis, seu hectica febris, *Consumption*, hæreditarius quasi morbus erat, violenta, obstinataque tussi affligebatur, quam non aliter curabilem quàm ipsius ab urbe ad aerem gallicum recessu Medici iudicabant: sed vires usque adco erant detritæ, tantùmque hyemis adhuc transigendum erat, ut moritura priùs crederetur quàm per anni tempestatem, tam longum, molestùmque ei iter inire liceret: si tamen in vivis ad usque veris extremum servari posset, recuperandæ in Gallia sanitatis spes adhuc aliqua supererat.

Quare hortatu quorumdã ex meis ipsiusque amicis, exploraturus quid ad eam præservandam ego possem, Spiritum Humani Sanguinis non indiligenter præparatum, ac rectificatum ad ipsam misi (cui appellationem quamdam quæ mihi nunc excidit, indidi) cujus frequenti usu manifestè sanabatur, nihil prohibente anni tempestate: ita ut sub finem Januarii, roboris satis viriùmque acquisierit, quibus & maria trajicere, & montem Pæsulani usque iter suscipere posset: unde vivido in speciem vultu, ac sanitati restituta rediit sub autumnum. Atque, si rectè memini, idem Sanguinis Spiritus, purus admodum factus ac subtilis furni lampadis beneficio, ipsummet medicamentum erat, quod ingenioso cuidam fortunatòque Medico dedi, qui conquerebatur quendam suscepisse se curandum, qui & ipsius, aliorùmque præstantium Medicorum, quos rei difficultas ad faciendum artis suæ experimentum invitarat, conatus inutiles reddidisset; æger tam violentis, intensisque capitis doloribus obnoxius erat, ut lucem ferre nequiret, ac quovis etiam vel minimo strepitu torqueretur, artémque, quam proñtebatur, sartoriam derelinquere coactus fuerit: constanti tamen præmemorati Spiritus Sanguinis usu [quæ enim alia remedia admiserat, ei longè inferiora erant, nec quicquam profuerant] adco recreatus est, ut gaudens, actisque ab acceptum beneficium gratiis, ad artis suæ exercitium rursus redierit. Is autem, cui remedium hoc homini administrandum dederam, Medicus quiddam mihi hac super re præcipui sanè momenti, neque hic loci omittendum, dixit: illud autem ita se habet: cùm patiens hic, celeberrimi Harvei nostri consilio, Sanguinem duorum triumve mensium spatio emittere soleret, Medicus ei author fuit ut, recuperata licet valetudine, antiquam ex abrupto consuetudinem non deponeret, quare eundem

eundem accersiri Chirurgum curavit; qui venam prius ipsi aperire, deque Sanguinis vitio graviter conqueri solitus erat. Ubi autem Chirurgus hic qui quid ægro contigisset nesciebat, venam ei rursus aperuit; animadvertitque quàm laudabilis Sanguis foret, obstupuit eoque ut erumpentem Sanguinem illico cohibuerit, quæsieritque ex homine mirabundus, quo demum miraculo tantam tam floridi Sanguinis copiam consecutus esset, quin & addidit tam laudabili liquore nec velle se, nec fas sibi esse eum privare.

Commemoratæ hæcenus medicæ virtutes ad Spiritum Humani Sanguinis, ut purum simplicemque spectant: Vero tamen simillimum est, alias cum acquirere posse facultates, ac fortè nobiliores, si dextrè corrigatur, varietur, aptisque ingredientibus uniatur; hoc est, ut verbo dicam, si peritè alteretur ac componatur.

Variis hæc modis perfici possunt.

Vel enim primò fieri poterunt, quàm accuratissimè longa digestione, aut frequente cohobatione coadunando Spiritum Humani Sanguinis, cum Oleo, Sale, atque si opus sit, ejusdem concreti Plegmate in quoddam mixturæ genus quam Chymici quidam *Chysum* vocant.

Vel secundò, uniendo Spiritum Sanguinis cum acidis, ut cum Spiritu Nitri, aceti, æruginis, Olei, Vitrioli, &c. iisque uti poteris mixturis, aut in liquida ipsarum forma, aut evaporatione in Crystallinos aliòsve sales redactis, eosque, ut tales, aut certè quodammodo analysi quadam resolutos usurpare. Aut tertio, uniendo Spiritum nostrum metallinis solutionibus Auri, Argenti, Mercurii & solutioni Minii cum Spiritu Aceti factæ, cujus liquoris cum Spiritu Sanguinis mixtione, lentæque eorumdem evaporatione sat magnam, memini, Crystallorum pulchrè figuratarum copiam obtinui.

Vel quartò, in Spiritu Sanguinis benè dephlegmato Sulphur Sale tartari patefactum dissolvendo.

Vel quintò, metallina in eodem corpora dissolvendo ut Cuprum, Zincum, *Zinck*, Ferrum, quod postremum *Martialem* dabit liquorem, qui ab aliis chalybis præparationibus cum acidis fieri solitis non multum discrepans absque aliqua veri specie virtutes quasdam nancisci poterit à virtutibus eorum, quæ novimus, confectorum ex hoc metallo remediorum distinctas.

Sed diutiùs immorari nequeo variis enumerandis modis quibus Humani Sanguinis spiritus medicos aptari in usum possit. Una tamen ejusdem præparatio est, quam licèt priore sub titulo commemoratam, hic tamen prætermittendam non censeo, tum quia, cum priùs proponeretur com-

paratè tantùm ad ulus ipsius exteriores, eam nunc comparatè ad interiores contemplantur, tum quia hoc modo methodòque, simul ac semel, corrigere, diversificare, atque componere, spiritum Sanguinis poterimus.

Geminis hæc operatio modis perfici poterit, quorum prior posteriore simplicior est: Primò spiritui Sanguinis benè rectificato, duplicatum adde, aut æquale pondus, ( prout liquores alcalia maxime volatilia, magis minùve fortia fuerint ) *Alcohol Vini*: hi enim liquores fortiter simul coagitati magna ex parte coagulabuntur in salem, qui calore leni sicca in forma sublimabitur; sub qua noxium ferè omnem comperi perdidisse odorem: quamvis autem aduersus hunc præparationis modum obijci, scio, possit, ut superiùs dicebatur, ut odor uolatiliss hac præparatione obtunditur, ita vires quoque medicamenti, eadem infringi posse ac debilitari; hoc tamen in sale expertus sum a. a. n. a. v. inque penetrandi non mediocrem, quam ob ejusdem volatilitatem minimè demirabar. Experientia autem ipsa exploratum habeo, non pauca ex compositis iis, aut si ita cognominare liceat, resultantibus salibus, quæ Chymici quidam *salia enixa* vocant, neque enim omnes in ipsum nomen hujus sensum consentiunt, licèt vires suas utpote impeditas exerere vix posse videantur, quasdam, nec levis momenti, tum in Chymia, tum re medica habitura operationes. Cur autem emergens, de quo nunc agimus, sal iis non sit ascribendum nihil causæ subesse video. Cum præsertim ejusmodi mixturæ genus, licèt alio cum urinoso Spiritu factum, paribus in febres modis sit operatum; febres inquam quas equidem non ordinarias reputabam: neque liquor hic quem Sal nostrum compositum post se relinquit, abjiciendus, quandoquidem si dephlegnetur, non contemnendum daturus est liquorem, tum medicos, tum mechanicos ad usus aptum: quod generatim hic insinuassemat superque fuerit.

Si autem simplicior alterandi Spiritum Humani Sanguinis methodus paulò ulterius provehatur, dissolvendo in Vini *Alcohol*, ante duorum spirituum conjunctionem portionem convenientem, vigesimam puta aut quartam supra vigesimam partem Olei Chymici essentialis, ut Caryophyllorum, seminum anisi, amaraci, *Marjoram*, &c. Sal Volatile à mixtura sublimandum non suo tantùm fetore privabitur, sed ipso tum odore, tum sapore Olei imbuetur, quod hunc in modum Sali admodum subtili ac naturæ propitio unitum non tam cerebro, & stomacho noxium futurum est, quam Chymica Olea esse soleant, atque agilibus adeò, ac penetrantibus associatum corpusculis, eum iisdem in intimos corporis recessus insinuabit sese, ibique

ibique exeret virtutes aut vegetabilium Olea suppeditantium, aut ipsorummet Oleorum proprias. In odoriferis iis, Aromaticisque mixturis, oleagineæ particulæ, salinarum interventu, cum aliis liquoribus facili commiscuntur, atque etiam aqueis cum vehiculis, perseverantque sat diu mixtæ, ut mixtum æger liquorem commodè deglutire possit.

Atque ita hunc in modum hac methodo, plurima Salia volatiliza oleosa, hoc est, jucunda, subtilia, efficaciaque remedia internos in usus præparari poterunt, tot inquam parari poterunt, quot Medico aut Chymico visum fuerit Olea conficere essentialia, aliæve in Alco, hol Vini dissolvenda. Si autem è Cephalicis ea Plantis exprimentur, ut ex amaraco, *marjoram*, roremariuo, lavendula, &c. aut è Cephalicis speciebus, ut nuce moschata, Cinnamomo, &c. vetosimiliter grata suppeditabunt acutæque remedia, quibus & cerebrum, & Spiritus recreentur, quin & cot ipsum pariter, & jecur aliaque viscera, si in sublimatione saliuæ Sanguinis particulæ associatæ fuerint Oleorum particulis, iis expressorum è vegetabilibus quotum virtutes circa eas maximè partes exetuntur, & pollent.

Alii hic modi proponi possent remediorum parandorum, quorum basis Spiritus Sanguinis foret. Sed hoc tibimet ipsi, si continuandum foret censet, iisque qui eandem tecum artem profitentur, negotium non invitus permitto; cùm ea quæ mihi incumbit provincia, non exigat ut Medici partes, quam non ago personam, omnino suscipiam, sed potiùs ut scribam tanquam Historicus *Naturalis* non inaccuratus: eandem ob causam superædeco consultò hic enarrare Chymicos quosdam in quos incidi remediorum processus, in quibus aliquis distillati Sanguinis usus erat. Eorum licet mentionem geminas alias ob causas prætermiserim: primò scilicet quia hos Authores non ex propria commendant experientiâ: deinde cùm ea medicamenta composita sint longè magis iis quæ superiùs proposui, in quibus spiritus noster alieni tantùm cupiam Oleo Chymico *Alcohol* Vini diluto commiscetur, eorum præparaciones scopo minùs meo quadrant: quo eo dirigo ut Humani Sanguinis in ægros operationes contempler, non ut *chymicas* sed ut certa qualitatum signa, quorum notitia, ad detegendâ Spiritus Humani Sanguinis, adeoque ipsiusmet Sanguinis naturam & rectâ spectat, & plurimùm conducit.

Atque hæc, *Vir Ornauissime*, de Historia Humani Sanguinis impræfentiarum proposuisse sat fuerit; cujus quidem partiumque rubrum

hoc corpus aut constituentium, aut ex eo educibilium, accuratorem asserre descriptionem potuissim, si paulò plus otii mihi suppetuisset, & ni inopia rerum ad experimenta circa integrum hunc liquorem, & concretas fibrosasque partes facienda necessarium, eò fuissim angustiarum redactus ut multa inexplorata relinquere coactus fuerim, aliàque quædam explorare, ac experiri, sed in minore ea quantitate ac multo inaccuratiùs quàm rebus aliter dispositis contigisset.

*Tibi interim addictissimus,*  
ROB. BOYLE.

## APPENDIX

# A P P E N D I X

AD APPARATVM

## HISTORIÆ HVMANI SANGVINIS.



U M alibi exposuerim, quibus maximè de causis appendicem cuiuslibet historiarum naturalium subjunxerim quas quidem, aut conscripseram peculiaribus de argumentis, aut conscribere statueram, eas hoc loco commemorare supervacaneum foret: sat itaque fuerit si te admonuero congesta simul prout occurrebant, sequentia hinc particularia, historiz præmissæ annexenda, ex duplici constare genere; quædam enim festinatione nimia, aut aliter prætermittenda sunt, cum sub quopiam præcedentium titulorum coordinanda fuissent, quæ proinde iis respondent, quæ in primâ apparatus parte, *paralipomena* dicta sunt, alia verò pleraque iis sunt cognata, quæ isthæ *addenda* vocantur. Licet eorum quædam *supernumeraria* potius dici deberent, cæteris tamen promiscuè ea inserui, quia, quamvis ad nullum distinctorum historiz titulorum spectent, vel indirectè aut obliquè ad eorum quempiam referri, aut generali ipsius historiz scopo quopiam demum modò inservire poterunt: at ob particularium, quæ jam mihi suppetunt, paucitatem, vereor ne quam ostentationis speciem redoleat, si in tanta materiz inopia occurrentia jam mihi particularia, ad titulos discrepantes, primarios, & subordinatos in vario designatarum à nobis historiarum Schemate enumeratos curiosius referrem. Quare dum copiosior mihi rerum adsit supellex, extrema semper accuratatione in iis quæ præpositurus sum, referendis non utar, neque constanter *paralipomena*, aliis ab *addendis* distinguam: sat proinde habuero quædam eorum referre generatim, eoque quo fortuito occurrent ordine, ad eam apparatus partem, sive secundam, sive tertiam, sive quartam, ad quam propius spectare videbuntur.

Non est autem hic speranda connexio Oratiõe dissolutis in *notis* limatior expectanda; in *notis*, inquam, festinanter papyro commissis, variisque temporibus, ne recentis tum materia facti, quoad circumstantiam quandam necessariam memoria excideret.

Quædam experimenta gratis omninò, aut fortuito facta fortè videbuntur,

tur, quod tamen secus habere sese ostenderem si quod festinarem, operæ pretium non exultimarem commemorare, aut quibus inductus sim rationibus ut ea facerem, aut quem mihi in iis faciendis scopum proposuerim.

Neque me latet pauca quædam sequentium experimentorum videri repetitiones tantum aliorum quorundam prius ipsa in historia expositorum; sed hæc consultò addita fuere, ut ubi utriusque experimenti eventus idem foret, alterum experimentum alterius firmamentum esset, quod cum argumentum ipsum intactum, aut neglectum fuit, perutile quid est, ac optandum: quoties enim experimentorum in quapiam alicujus momenti circumstantia discrimen quoddam est, hæc ipsamet discrepantia ult. eriori experimento locum dabit, impediētque iuterea ne dogmaticas conclusiones discrepantibus hñce circumstantiis superastruamus.

*Particularia ad secundam Historiæ partem referenda.*

EXPERIMENTUM. I.

CUM proportio substantiarum è siccato humano sanguine educibilium, perquam difficulter, ut superius observavi, determinari possit, hanc ob causam, reique ipsius ob momentum, sanguinem adhibendum putavi, quem post scriptam secundam præcedentis historiæ partem collegi alio in experimento faciundo, ut propius, tutiusque de distinctis quantitatibus quæsitatum substantiis judicarem. Duodecim hunc in scopum siccati Sanguinis uncias à perito *laborante* non indiligenter distillandas curavi, is autem de operis ipsius difficultate, extremaque ad quam collimaret, accuratione prius admonitus fuerat. Peracta distillatione allata ad me sunt substantiæ eductæ, hunc. re in modum supputatæ: duodecim Humani Sanguinis siccati uncia Salis Volatilis, spiritusque simul uncias omnino quinque subministrant, quarum mediæ e Sale effudimus drachmas tres supra decem, grana quatuor supra quinquaginta: uncia itaque dux, drachmæ totidem Salis Volatilis, Olei Tartari uncia dux, *Capitis Mortui* uncia quatuor, drachmæ dux supererant, quare quantavis ille cura operi sese applicuerit, facta fere jactura est sex drachmarum, quæ partim retortis, aliisque vitris, viscosum tantum, ut reor, Phlegma retinentibus adhæserunt, partim avolarunt, tum maximè cum Liquores ex uno in aliud vasculum effundebantur. Quatuor uncia, duxque *Capitis Mortui*, drachmæ diligenter calcinatæ, sex tantum ciuerum drachmas & dimidiam suppeditarunt. Quod permagnum sanè decrementum ascensui, consumptionique partis oleagineæ magis fixæ videtur ascribendum: quod si ita se habeat, major erit longè Humano in Sanguine Olei portio.



tio quam hætenus quispiam observavit. Hi autem cineres non erant albi, aut cinerei coloris, cinerum aliorum corporum adinstar, sed subrubri, & quasi latentii, accuratus tamen ille ac pervigil laborans asseruit mihi facillimè se veros esse cineres inde dignoscere, quòd quamdiu oleosi quidpiam, aut combustibilis in *Capite Mortuo* remaneret, penitus succensi illud carbonis instar foret, hujusque diutius similitudinem servaret, quam quiquam expectaret. Ubi autem combustibilis hæc substantia penitus consumpta esset, residuum Caput Mortuum, vulgare in igne instar cinerum erat, qui tamen cineres frigefacti ruborem servabant.

Cineres hi diligentius *Elutriati* scrupulos quinque albi Salis fixi dederunt, præter modicum quod forte contiguum in arenam collapsum, indeque extractum candidumque in Sal redactum, scrupulum præterea ferè unum addebat: ita ut *terra damnata* quatuordecim scrupulorum, & ferè dimidii fuerit, hoc est, multum supra duplicatum ipsius Salis pondus: unde hanc juxta analysin liquidò constat purum Sal fixum Humani Sanguinis esse quinquagesimam septimam & quinquagesimam octavam partem Humani Sanguinis siccati inter, adeoque, æquare verosimiliter centesimam quinquagesimam tantum partem, aut centesimam septuagesimam ponderis ipsius Sanguinis, ut fuit à vena lanceola aperta; terra autem damnata est ad siccum Sanguinem à quo existit ut 19 & ferè  $\frac{1}{2}$  ad 1.

## EXPERIMENTVM II.

**Q**uod superius experimentum, aliudque aliàs non absimile commemoratum cum siccato, pulverabilique multorum Sanguine simul confuso, facta forent, licèt probè scirem fieri vix posse ut in exigua ea sanguinis quantitate quam ab eodem semel homine obtinere poteram, variarum substantiarum inde extrahibilium quantitates accuratius invenirem, quo tamen ex ipsa experientia de re tota aliquid pronunciarem experimentum feci, unam quoad partem non adeo fortunatum: illud autem ita habet.

Integra Humani Sanguinis portio uncias decem, & grana 73 pendens, lentèque ad siccitatem distillata in *Capite & Corpore* super furnum digestivum, phlegmatici liquoris suppeditavit ℥vij. ✱. ʒij. 47. gr. *Capitis autem mortui*, aut sicce potius substantiæ ʒij. ✱. ʒij. Pulverabius hæc materia confusa, atque Retortæ imposita, & varia ignis intensione in arena distillata Olei ʒij. ✱. 48. gr. dedit. Sed infelix quidam circa Salèm & spiritum error contigit: Hic enim postquam effusus est, qui gr. 48. tantum ponderabat, Sal Madridum quod magna copia lateralibus. & superioribus recipientis partibus adhæserat, cum ejusdem Sanguinis Phlegmate abluì debuisset, Aqua Distillata ablutum est, ex qua, facta in collum ovi

K

vitei

vitrei sublimatione sicci Salis 3j. ✱ 5. gr. obtinuimus, sed ex sapore aque dulcillatæ ex qua Sal sublimatum est, patuit Sal omne nondum fuisse elevatum; tantum itaque ei optimi spiritus Salis affudi, quantum eidem ad minimum satiandæ par fore existimavi, eo omnino consilio ut experiret utrum hac mixtura ad siccitatem evaporata, & sale ope cujusdam alcali sublimato, recuperare non possemus omne, aut ferè omne Sal Volatile, quod ab acido Spiritu nonnihil fixum fuerat.

Retorta resecta ut caput mortuum extrahi posset, comperimus illud pendere 3vj. ✱ 12. gr. Quo non indiligenter calcinato obtinuimus scrupulos tantum duos, & grana cinerum quatuor, quos *Laborans* fuisse rubros mihi asseruit: qui elixiviati decem supra octo salis grana appeditarunt; præter terram reliduam, ac terrestrem substantiam quam servo, quòd, licet violentos passa fuerit ignes, rubri adhuc coloris sit; qui purpureum nonnullis oculum exhibere videtur.

### EXPERIMENTVM III.

**S**piritus Aceti Floridæ portionis Humani Sanguinis superficiem affusus vividum coccineum ejusdem colorem, in obscurum luteumque dicto citius transmutavit.

### EXPERIMENTVM IV.

**S**uccus Limonii super Floridam Sanguinis superficiem expressus, colorem ejusdem statim imminuit, longè tamen abfuit ut tantam mutationem, quantam Spiritus Aceti, induceret.

### EXPERIMENTVM V.

**S**uccus Citrei non tantum floridam superficiem Sanguinis mutavit, quantum succus Limonii mutaverat.

### EXPERIMENTVM VI.

**N**igra infimæque portionis Humani Sanguinis pars inversa, atque aëri exposta, tribus ferè horæ quadrantibus (plus aut minus) ipso ejusdem contactu jucundum floridumque colorem acquisivit.

EXPER.

## EXPERIMENTVM VII.

**S**I tamen super nigram Sanguinis superficiem Urinosus Spiritus, ut Salis Armoniaci, stillaretur, dicto citius alteratio existeret, ac iucundus color ruber, licet colori contactu aëris producto inferior, ipsa statim Sanguinis in superficie spectandum se præberet.

## EXPERIMENTVM VIII.

**S**ales fixi, aut lixiviati per *deliquium* resoluti nigræ quoque superficiæ Sanguinis rubrum colorem conciliaverunt sed non adeo floridum, nec iucundum, qualis erat color ab urinoso Spiritu superius memorato productus.

## EXPERIMENTVM IX.

**R**ecens Foliorum Cochleariz succus super nigram massæ Humani Sanguinis superficiem stillatus quandam coloris mutationem induxit, ita ut tam nunc subrubram, floridamque crederemus.

Præcedentes septem notæ innotuisse jam supponunt, cum sanior Sanguis in cutella quieti permittitur, eam concretæ partis superficiem, quæ aëri exponitur, rubro coque intenso imbuendum colore, ejusdemque massæ sursum inversæ inferiorem prius superficiem, obscuri admodum, atrique, coloris futuram.

## EXPERIMENTVM X.

**C**um experimenti gratiâ Phialam, quæ quantum conjiciebam, prope libræ Humani Sanguinis continendæ capax erat, ejusdem liquoris mixtura, ac rectificato Vini Spiritu, ferè implestem, cujus quidem proportionem jam non memini, sed quartam aut octavam fuisse partem suspicor: triennio & amplius elapso, Phialam subte tantum obstructam inspicientes liquorem comperimus coagulatum, aut ut cautiùs loquamur, consistentem: Phiala autem reclusa nullum putrefactionis in sanguine vestigium apparuit: eumque subodorati, fætorum, aut graviorem odorem percepimus nullum: tam Balsamici Spiritui Vini ad Corpus Humanum conservandum virtus inest.

K 2

EXPER.

## EXPERIMENTVM XI.

**P**ortionem fibrosi aut concreti Sanguinis, fabæ quoad molem adinstar elegerimus; cùmque eam in exiguum vitreum vasculum cujus fundum plenum erat, immisissimus, tantum Spiritus Vinosi summè rectificati eidem assudimus quantum contegendæ massæ triplò spissiori satis esse superque poterat: hoc itaque lati orificij vitrum alio leviter cooperuimus; ac quieto vas in loco statuimus, ut Vinosus Spiritus quasi per otium ferrosas, aut aqueas Sanguinis partes imbiberet; molliemque proinde hanc adhuc substantiam induraret. Quæ quidem reipsa superficiali citò crusta cooperiri videbatur. Quod autem partes interiores molliores adhuc forent, Sanguinem hoc in liquore, die uno, alteròve diutiùs reliquimus; comperimus tum ipsam liquoris activitatem Sanguinis massam penitus pénétrasse, quæ & mediocriter indurata, & friabilis facta est.

Hoc experimentum in frigido factum non exigua erit confirmatio experimenti alibi commemorati, atque hunc eundem in scopum facti; utroque autem faciliè inducor ut non abs re esse putem quod verear ne duo tréve ingeniosi Scriptores qui solutiones Tartari, & tincturas concreti Sanguinis in Spiritu vini præscribunt, illam *processum* pompam, quæ operationes ex præscribuntur, conjecturæ potius suæ, quàm experientiz conformiter proposuerint.

## EXPERIMENTVM XII.

**N**on omnino fortè inutile, aut supervacaneum videri poterit deditis speculationi ingeniis nosse, quantum volatilis Salis Sanguinis, in aqua, aut phlegmate dissolvi posset, cùm itaque unciam distillatæ aquæ [communis enim aqua ob quandam quæ ipsam comitatur, Salsedinem, non adeo hic idonea foret] diligenter ponderandam curassem, ei paulatim siccum & volatilem Sanguinis Salem addidimus, ac coagitatam toto liquore eo meliùs dispersimus: requisitam ad solutionem moram dedimus. Atque compertum habuimus unciam unam aquæ, duas ad minimum drachmas dissoluturam, hoc est, Salis sicci, quartam ponderis sui partem, etiam in frigido. Postmodum enim caloris ope idem liquor quinque prope supra viginti amplius grana dissolvit: Quæ in posteriori experimenti parte ulteriùs collimabam, ut scilicet explorarem nnn refrigerato liquore Sal dissolutum in Crystallò insigniter figuratas dissiliret: sed votis eo tempore non respondit eventus, neque tamen omnem iterandi, data alia opportunitate, experimenti voluntatem abstulit.

POST:

## I O S T - S C R I P T V M.

## EXPERIMENTVM XIII.

**C**ommemorata superius solutionem *Retorta* commisimus, ut sat coniuncto calore proliceretur [ quem lentiori hic, leniorique prætulimus ] atque liquorem distillatum obtinuimus, qui, Sal omne volatile continebat, præter modicum sicca in forma elapsum: Cujus liquoris sapor sat fortis erat ut liquor non minus penetrans & acutus, quam moderatus Sanguinis Spiritus communi modo extractus crederetur: Unde sat prope paruit quæ aquei hujus ingredientis ad salinum proportio sumenda sit, cum ejusmodi conficere spiritum placuerit; cujus proportionis notitia mutorum probabiliter experimentorum nobis instar erit, quæ alioquin ejus inveniendæ gratiâ necessaria forent, quoties, ut sæpe contingere poterit, minor nobis Spiritus, quam Salis Volatilis copia suppetit, cupimusque eo liquida in forma uti, in qua distinctionis ergo, *aqueum*, non *Phlegmaticum* Sanguinis Spiritum eum vulgò dicimus.

Ni opportunitas defuisset explorassemus utrum repetita bis terve distillatione ætior, strictiorque Salis unio, & liquoris non futura fuisset: Eoque idcirco libentiùs quod cum hanc Phialam aqueum hunc Spiritum continentem, in qua aqua, ut ita loquar, superonerata fuerat, per noctem fervente Gelu obstructam servari curassemus, in ipso vitri fundo quod prius non adverteramus, detexerimus, magnam scilicet copiam Salis Volatilis coagulati, aut in Crystallos exportecti, licet Crystalli hoc modo obtentæ limpidæ forent, earumque quædam bracteolis latiores, cum tamen numerosiores, quam voluissimus essent, & quod arctè sibi invicem, confusæque adhererent, particularium granorum figuras distinguere non poteramus: ac proinde subdubium mihi inde videbatur utrum Crystalli omnes ejusdem necne forent figuræ. Nihil autem aliud distinctè discernere potui, ni quod ex istis concretionibus plurimæ latæ forent, tenuisque laminæ rectilineis angulis instructæ. Quo inducebar ut crederem, si tota ipsarum planities detegi potuisset, eam nos hexagonam comperturos fuisse, aut polygonæ cujusdam figuræ non multum ab hexagona difcrepantis.

## EXPERIMENTVM XIV.

**A**quæ distillatæ unciam, in qua tantum Volatilis Salis Humani Sanguinis, quantum absorbere posset, dissolvimus, ovo vitreo inclusi-

K ; mus

mus, ut aqua hæc gelu coiret, acn per noctem exposuimus : quod eo consilio fecimus, ut detegeremus, utrum ut Salsedo aquæ marinæ eam hic in *Anglia* à congelatione communibus saltem annis tueretur, ita Sal Volatile Humani Sanguinis, Sali marino quoad saporem simillimum, eodem in aquam, Sale præsertim hoc quasi gravidatam, acturum modo foret. Cui eventus conjecturæ omnino respondit, nullam enim gelu nostrâ in solutione glaciem produxit, neque Salem ullatenus in figuras distribuit, ( ut omnino desiderabam, quodd inde de figuratone Salis Humani Sanguinis pronunciare me quidpiam posse sperarem : ) Quamvis autem postea in mixtura eam frigorifica statuissimus, quæ cerevisiam probabiliter tum lupulatam, tum illupulatam, ac gallicum fortè etiam Vinum minùs generosum congelasset, nullam tamen solutionis nostræ portionem gelu coisse animadvertimus. Frigus enim hoc id tantum effecit, ut ad fundum magna materiæ copia ruerit, quæ sæculenta in speciem videbatur, quid enim reipsa esset, examinandi opportunitas mihi decrat.

#### EXPERIMENTVM XV.

**S**al marinum in aqua dissolutum longè difficiliorem ejus congelationem reddit, junctum tamen glaci, aut nivi, alteri frigorificæ nostræ mixturæ *ingredienti*, exterius ubi applicatur, artificialem congelationem multùm promovet, quæ plerumque eo non adhibito non succederet: Quamobrem exploraturi, utrum necne, ut Sal Volatile Humani Sanguinis in aqua dissolutum, ipsius, ut alibi observabatur, congelationem prohibebat, exterius etiam applicatum glaciationem multùm promoturum foret, scrupulum ferè, & fortuitò hujus Salis convenienti contusæ glaci quantitatè commiscuimus, cùm hac in mixtura fistulare vitrum nonnihil tenuæ aquam communem continens statuissimus, post aliquod tempus comperimus aquam inferiori vitrei vasis parti incumbentem atque mixtura circumcinctam, versam esse in glaciem.

#### EXPERIMENTUM XVI.

**V**T quibusdam animum suspicionibus de salinis, aqueisque partibus quas latere fortè in fibrosa, ac consistente Humani Sanguinis parte existimabam, liberarem, aliquam ipsius portionem in aperto tenuique vitro, aëri, sæviente, per noctem gelu exponendam curavi: postero autem mane comperi eam leviter glaciata, atque glaci superficem perpulchrè pectinatum instar utrinque dentatorum figuratam: quæ proinde figuræ non malè eas imitabantur, quas sæpe obtinui, coagulata lentè in salcm

lem solutione Salis Armoniaci in aqua communi facta.

In secunda præcedentis apparatus parte nihil de medicis ipsiusmet Humani Sanguinis virtutibus dixi ( Medicæ enim Spiritus virtutes ad quartam partem pertinent ) licet autem jam, si quidem ita videretur, quidpiam non abs re hoc super argumento hæc in appendice dicere possem tum ex libris in lucem editis, tum ex propriis observationibus ; supersedeo tamen impræsentiarum, non tantum ob causam quam hic declarare necesse non est, sed quia quatuor, aut quinque processus Humanum circa Sanguinem, quos in *Paracelso*, *Burgravio* ob factum ex eo *Biolychnium* celebri, offendi, ac duo fortè præterea circa morborum, ope Sanguinis ægrotum, transplantationem, vel ejusmodi omnino sunt quos minus intelligam, quòd obscurius fortè dedita opera conscripti fuerint, vel vero sanè perquam absimiles videantur : cujusmodi est *Biolychnium*, aut lampas vitæ, in qua Sanguis ita fingitur præparatus, ut ejus, cujus erat, valetudo, licet procul distit ex ipso quo flamma quam emittit, ardescit, modo, detegi certò possit, ejusdemque interitus ex flammæ extinctione colligi queat. Sed quibuscumque, præterea, ut alibi insinuavi, circumstantiis ad Humani Sanguinis cineres pertinentibus, inductus sum ut dubitarem utrùm eorum processuum quidam, non phantasiæ potiùs quàm experientiæ partus forent. Licet autem eorum remedium effectus minus incertos fore putem, quæ non multum labefactata Sanguinis, ignis vi, textura ad morborum, ipsius interuentu, transplantationem collimant, ea tamen transcribenda minimè esse putavi, dum rem experientia totam confirmet : neque propria ipse experimenta, quòd eorum necdum viderim eventus, proponam : ad geminorum tamen remedium præparationem te hortor, quæ si successerint, posterius maxime, alia non pauca insignia medicamenta subministrare poterunt. Primum itaque medicamentum conficere conatus sum ex addito, Sali Tartari, non Oleo Terebinthinæ, sed Sanguinis Humani : mixturam autem hanc, diu servavi, circummegique aperto in aëre, ut ejusmodi concretio saponaria foret, quæ *Londinensibus* plurimis nomine *Matthæi Correlloris* innotuit. Quæ ex communi licet Terebinthinæ Oleo facta, levisque in speciem compositio videatur, magni tamen sit, adhibereturque feliciter à nonnullis medicinæ Doctoribus, aliisque artem medicam *Londini* exercentibus. Ut alterum medicamentum conficeremus digestionem diuturna Salem, Spiritum, Oleum Humani Sanguinis, mixturæ quam Chymici nonnulli [ neque enim easdem voces eodem ii omnes sensus usurpant ] *Clyffum* appellant, unire conati sumus. Cùm autem inchoatum hoc opus perficere, quòd otium deforet, non potuerimus, de eo nihil ulterius proloquemur : id tantum postremum addam hoc compositionum genus considerari posse, ac deberi à Chymicis tanquam è nobilissimis præparationum generibus, quarum plurima quæ remedium materia esse solent, capacia sint.

Particu-

*Particularia ad tertiam Historiam partem referenda.*

EXPERIMENTVM I.

CUM junioris cujusdam Sanguinem è vena in scutellam emissum horis pluribus servassemus ut sufficiens fieret separatio partis consistentis, seu coagulatae à fluida, fibrosam portionem, ac serum seorsim ponderavimus: discrimen autem, quoad pondus utriusque massae, non tantum erat, quantum quis fortè expectasset: coagulata enim Sanguinis pars sex tantum circiter uncias ponderabat, ac serum non multis drachmis illud infra pondus erat. Hoc experimentum hic proponitur, facta cum aliis quibusdam comparatione, ut sciatur Sanguinis benè valentium discrimen, quoad seri, partisque coagulatae proportionem.

EXPERIMENTVM II.

CUM Humanæ Urinæ superficiem, peracutus Dominus Hook primus, quoad sciam, ipseque met sæpenumero observarim, quoties glaciatur, variis distinctam figuris pectinum adinstar, aut plumarum, magna illa, quæ vulgò creditur urinam inter, ac serum Humani Sanguinis affinitas, impulit me ut simul ac semel experirer utrum liquor hic postremò nominatus, eà frigoris intensione congelasceret, quàm faciliè, licet non admodum faciliè aqua glaciaretur, ac utrum, si quidem congelaretur, aciei superficies congelatae instar Urinæ figuranda foret.

Cum autem hunc in scopum serum Humani Sanguinis frigido aëri, saviente per geminas continuè noctes gelu, exposuissem, serum non est congelatum, licet grunosa quædam Sanguinis partes, ut alibi notatum est, congelascerent. Dubio tamen procul fortior congelatio tenuem saltem glaciei laminam in liquoris superficie produciat fuisse: cujus conjecturæ confirmandæ gratiâ cum serum linteo filtrassemus, ut liquor quantum fieri posset, ab omni fibrosa particula in eo fortè latente segregaretur, arctiori illud vitro conclusimus, quod super frigorificam nostram mixturam statuimus, mixturam inquam ex Sale & aqua factam, cujus sæpe descriptionem dedimus, & qua sæpe in historia frigoris nsi sumus. Unde exposito sero ab ipso fursum fundo congelato; quædam hinc inde in glacie aëri contigua, visæ sunt figuræ, quæ congelatae urinæ figuras sat propè imitabantur.

EXPERI-



## EXPERIMENTVM III.

**C**VM aliquando observassem urinam humanam adhiberi posse ad illud atramenti genus quod invisibile vocant faciendum: cumque, dum hoc recordarer, magnam illam, quæ urinam inter & serum Sanguinis ponitur: affinitatem respexissem, explorandum censui, utrum posterius prioris adinstar ad invisibile quoddam atramentum faciendum usurpari non posset: hunc itaque in scopum intincto in sero Humani Sanguinis calamo super candidæ papyri portionem characteres quosdam exaravimus, quibus exsiccatis, in exaratum papyri latus flammæ candelæ superimposuimus, agitavimusque continuè ne ignem conciperet; quo factum est ut scriptæ litteræ in superiori chartæ superficie apparerent non atramentitij quidem coloris, obscuri tamen satis ut faciliè legi possent; aliis autem quibusdam characteribus persimiles erant, qui recenti cum urina consultò scripti, ac calore conspicui facti, cum ipsis collati fuere.

*Particularia ad quartam Historiæ partem spectantia.*

**T**AM exigua fateor hætenus historica Humani Sanguinis extravasati notitia extitit, ique, quos hac super re percurri, authores tam pauca ex propriâ tradunt experienciâ, ut quæ aliorum è lucubrationibus tractatulo huic inserui vix dimidiam omnia schedam impleant. Quam tamen penuriam non ex scriptorum defidia, aut ignorantiam naram putem, sed ex eo potius quòd exercitato in historiis naturalibus designandis, qui exemplo præiret, aut faciem præferret, duce carerent; ejusmodi enim hominis subsidio, & eorum excitata curiositas, & attentio certius directâ fuisset: cum multa multi inquisituri foreut, si quid maximè de proposito argumento querendum sit, edocerentur, aut ipsimet scirent: humano putè de Sanguine, quo modo methodòve ipsius in naturam inquirendum sit, ac proinde futurum spero ut præcedentium schema titulorum, scriptæque huc pertinentiæ, viam patefactura sint ad plura longè experimenta atque observationes humanum circa sanguinem, aliosque fortè Humani Corporis liquores, quàm aut alij aut ipsemet hætenus divulgari; atque postremum id idcirco addo quòd exhaustum à me hoc, de quo ago, argumentum minime censeam: cum alios præter defectus, præcipui momenti titulum omnino præermiserim, qui vel ad primarios primi ordinis titulos referri, vel secundariis historiæ Spiritus Humani Sanguinis præfigi potuisset: titulus hic ad varios distillant di Humani Sanguinis modos spectasset; quod ex iis productus spiritus, saltem varietatem non minimam ducere potuissent.

L

Quare

Quare tres Humani Sanguinis siccati portiones diversis cum additamentis distillandas curavi : prima portio minerali cum alcali, calce scilicet viva, distillata est, secunda cum alcali vegetabili, calcinato Tartaro, tertia cum acido Sulphureo, Oleo Vitrioli : licet autem ab expectata horum experimentorum prosecutione casu quopiam prohibitus fuero, cum tamen sat fortunatus primi experimenti successus fuerit, reliquæque duo non omnino à scopo aberrarint ea hic è notis meis describam.

## EXPERIMENTVM L.

**C**um observatum fuisset varia corpora cum calce viva distillata, suppeditare liquores ab iis discrepantes quos suppeditassent, si aut per se distillata fuissent, aut vulgaribus quibusdã cum additamentis ; uncias quinque concreti quidem, at siccati Humani Sanguinis selegimus, quas cum æquali calcis vivæ [ non tam fortis quàm sæpenumero videram, sed qualem habere potui ] ponderi miscuissimus variis ignis intensioribus, in Retorta arenæ imposita distillavimus : quo factum est ut magnam Spirituosi liquoris subrubri copiam obtinuerimus, qui non admodum phlegmaticus videbatur, necnon permodicam Olei quantitatem ; permodicam inquam, quod residuum calx viva vel prohibuerit, vel fortè etiam ex parte destruxerit : permodici autem hujus Olei, quod proleatum est, seu supereffluxit, exigua in spiritu portio mersa fuit, Oleo residuo eidem superinnatante.

Spiritus præmemoratus exiguo Capiti & Corpori commissus in digestivò furno dispositus est, ut lentè, lenique admodum calore rectificaretur : reaptiens autem ter mutavimus, quaterve, ut si quod inter ascendentes successivè liquoris portiones discrimen intercederet, observaremus : qui primus supereffluxit Spiritus non omnino tam ætius erat, quàm soleat esse is qui est per se distillatus : quæ observatio ad tres, quatuorve succedentes liquoris portiones pertinet. Fortè quod calx primæ distillationis spiritum factio magis Oleo liberasset, cujus particulæ plurimæ licet imperceptæ eidem commisceri solent, quoties absque additamento prolicitur : Spiritus rectificatus, qui limpidus erat, & coloris expers, fortioris erat multò saporis, quàm odoris : exigua enim ejusdem guttula in linguam decidua, igneam quandam, quam miraremur, vim præ se ferebat : quæque votis diutius perseveraret : unde subdubitare cœpi utrum spirituosæ sanguinis pars, igneas quasdam calcis vivæ particulas secum non evoxisset : Quod si experimenta impostero facienda demonstrarint, insolitos ab ejusmodi Spiritu effectus meritò quis expectaret, qui hoc in casu voluisse quodã alcali variis Chymicis, Medicis quæ multum expectito præditus foret. Hac suspitione moti modicum illius in validam sublimati in aqua limpida solutionem stillavimus :

p. unque

primòque statim contactu præcipitatum facere subflavum videbatur: quod ut observavi, salinæ calcis vivæ partes & magis adhuc præstant, quamvis præcipitatum postea candidum apparuerit, illius adinstar quod cum vulgaribus naturæ urinosæ liquoribus volatilibus conficitur.

Sed quia sperabam, alcalizatum nostrum Sanguinis Spiritum, si ita loqui licet, peculiari quapiam qualitate à spiritu absque additione extracto, distinguendum, pauca cum eo facienda duxi experimenta, quorum eventus expectationi meæ respondit. Cum enim ovo vitreo tenuis colli spiritum nostrum bene rectificatum imposuissimus, Sal tum Volatile sicca in forma nullum subministravit, licet postmodum, ni fallor, modicum tandem alio experimento obtinuerimus: continuato aliquantò obstinatius experimento comperimus Spiritum, amissa, ignis vi, limpiditate, lutosum, turbidumque evasisse.

Vbi aliam ipsius quantitatem ardenti Spiritui summè rectificato commiscuissim, ac nocte tota in frigido servassem, nulla inde facta est congelatio, neque ullam animadverti, postquam per plures horas moderato in calore extitisset. Ipsa autem mixtura flavum acquisivit colorem, neque absque stupore nostro sat magnam subnigri pulveris copiam demisit, licet non eam quæ ad nova nos circa ipsum experimenta facienda alliceret.

Alij spiritus nostri portioni optimum Salis Spiritum adjecimus: licet autem mutuum ad occursum fumos cierent copiosos, nullum tamen ipsa in commixtione strepitum, bullulas nullas observavimus.

Cum autem aliam Oleo Vitrioli portionem commiscuissim, magnus licet excitaretur fumus, ac præterea intensus pro quantitate materiæ calor gradus produceretur, conspicua tamen nulla facta est ebullitio, strepitus nullus, bullulæve productæ: color autem Olei Vitrioli multum exaltatus est, mixtura jam in rubrum serè evadente.

Ex his aliisque idgenus Phænomenis colligere licet, *Alcalizatum nostrum Sanguinis Spiritum* non una tantum in re à simplici discrepare, utrum autem ex discrimine hoc aut valentius medicamentum, aut ob nimiam ignearum calcis vivæ partium participationem minùs tutum sit futurum, ulterior nos experientia docebit: sed vero non absimile videtur magni pretij, momentique liquorem fore, sive spectetur ut medicamentum, sive ut menstruum, sive utroque modo: quam ob causam minutius eum accuratiusque descripsi.

## EXPERIMENTVM II.

**D**Vas selegimus uncias Tartari ad albedinem, æquali accensi nitri pondere, calcinati, hocque alcali duabus siccatis, pulveratque Humani Sanguinis uncis miscuimus: ex hujus mixturæ in retorta, in furno arenæ distillatæ productionibus patuit calcem vivam longè tum aliter Humanum

in Sanguinem agere, quàm reliqua alcalia agere soleant, cum enim distillatio, in qua calx adhibebatur, nobis, ut observatum est, suppedietaret spiritum ante rectificationem valde fortem, siccoque sine Sale, calx nitri, & tartari, subministravit ipsa prima distillatione spiritum minùs fortem; sed præterea tantum Salis Volatilis, quantum cooperiendo ferè interiori recipientis lateri par foret, ut nunc omittam intercedentem capita mortua ipsa inter differentiam; quamvis autem fortis salinus Sanguinis Spiritus viva cum calce factus, nullam, ut superius observabamus, acidis cum Spiritibus produceret effervescentiam, volatile tamen Sal hoc affuso Salis Spiritu produxit.

### EXPERIMENTVM III

**P**RÆTER fixa alcalifata additamenta, quibus ficcatum Humanum Sanguinem distillavi, acidum admodum additamentum Oleum Vitrioli nempe addendum ei putavi. lampridem enim experientia compereram, & alibi, nō fallor, retuli, hunc liquorem aliis quibusdam corporibus permixtum ad animale maxime regnum pertinentibus, miro quodam modo suas iisdem permiscere substantias, [ neque enim simplex corpus putem ] ac insigniter distillatione producta variare. Tribus itaque uncis Humani Sanguinis pulverati quale Olei Vitrioli pondus affudimus, ut aliquamdiu post explorarem, utrum aliquis actione corrosivi hujus menstrui licet in corpus naturæ non mineralis, excitandus calor foret, comperimusque post aliquod tempus incaluisse sensibilibiter mixturam. Retortam tum furno arenæ imposuimus, factaque variis ignis intensioribus distillatione, spiritum, quem magna Phlegmatici liquoris copia præcesserat, obtinuimus Sulphurei odoris, sed gravis adeo constantisque, ut rem non mirari non potuerim. Caput mortuum intactum relinquere coactus sum, quia quædam me movebant ut crederem naturæ illud adeo compositæ fuisse, ut in præsentis rerum mearum statu examinare id penitus mihi non liceret, illud tamen observatione dignum videbatur, quod licet Oleum Vitrioli varia in corpora, quibuscum distillationi committitur, aciditatem & virtutem fixativam maximè exerat, experimentum nostrum magnam volatilis materiæ in forma Salis albi, quantitatem nobis suppedietaret. Sed quæ & sapore & odore prorsus insolitis, mihi molestia foret: non aderat mihi tum ejus diligentius examinandæ opportunitas, neque omnino per otium tum licebat experiri utrum medica fortè quapiam virtute polleret: licet vitæ quoddam instrumentum tum apud me foret, quod consiliodò præparaveram ut magno cuipiam obviam irem incommodo, quod plerumque occurrit, ac de quo ipse, aliique sæpe conquesti sumus, in ipsa scilicet Chymicorum methodo sublimationum Volatilis Salis repetendarum, Salis inquam seu solitarij, seu cum additamentis,

tamentis. Cui instrumento nunc describendo immorari nequeo, at si in posterum tam utile futurum videatur, quam expeditum factum tibi unum offeram. Cum hæc tanquam præliminaria præmiserim, progrediar ad Experimentum primum.

## EXPERIMENTVM I.

**N**atura istis quibusdam, Medicisque, qui cudendis hypothefibus delectantur non fuerit fortè ingratum nosse, nos curiositate motos auri fulminantis fabricationem aggressos esse, præcipitata solutione auri in aqua regia facta cum Spiritu Humani Sanguinis: dulce autem præcipitatum cum aqua communi reddidimus, siccumque effecimus, quibus omnibus effectum est ut optatis eventus responderet.

## EXPERIMENTVM II.

**C**um in vasculum lati orificij tantum Spiritus Sanguinis immissemus, quantum cooperiendo exigui Thermoscopij sigillati Globo satis foret, hocque instrumentum per tempus aliquod eo in situ tenuissemus, ut & ambiens & ambitus liquor ad eandem reducerentur temperiem, quoad calorem & frigus: Spiritum æruginis factum per se superassudimus, advertimusque, licet liquor hic cum aliis volatilibus liquoribus salinis diverso admodum modo operaretur, dum tamen in Spiritum Sanguinis agebat, cum quo excitatis bullulis consurgebat, caloris in mixturâ intensionem esse productam, quæ in exteriori vitri latere sensui patebat, sed ipso in Thermoscopio sensibilius longè erat, cujus liquor hinc rarefactus priorem supra stationem multum ascendit; ad quam finito jam geminorum liquorum conflictu, coepit, sed lentius paulò, reverti.

## EXPERIMENTVM III.

**C**um paulatim Spiritus Sanguinis tantæ Spiritus Nitri quantitati miscuissem, in quantam manifestè agere posset: mutuo utriusque conflictu non sine strepitu plurimæ productæ sunt bullulæ: servata autem quieto in loco mixtura, donec mutuo in se agere liquores omnino desissent, patuit tum, magna licet curâ Spiritum Sanguinis Oleo expedire studeremus, oleagineum quidpiam quod in eo latuerat, detectum fuisse, ac partim hæc operatione separatum, cum non color tantum subruer ea productus sit, sed aliquamdiu post ipsa liquoris superficies tenui eâ quasi membranula cooperta

L 3 fuerit,

fuerit, qualem spēs salinis in liquoribus observavi plenius, Antimonio, aliōve Corpore Sulphureo gravidatis. Hujus autem tenuis membranulæ superficies ita disposita erat, ut eam conveniente in situ intuenti mihi, aliisque aliunde contemplantibus, videretur Iridis omnino coloribus adornata, hoc est, colore rubro, flavo, æruleo, viridi, eodēque, si rectē memini, ordine quo colores ii in nubibus videndos se præbent.

#### EXPERIMENTVM IV.

**C**Um alias inter sepositas, neglectasque diu Phialas unam reperiissem, cui duodecim antè annis hæc verba inscripta fuerunt, *Spiritu Humani Sanguinis*; ea casu nescio quo negligentius obstructa fuerat, non ita tamen ut liquorem multum idcirco consumptum existimarem, quo nihil prohibente, ac licet liquor altiore acquississet colorem, vini ferme rubri adinstar, roboris tamen tantum deperdidisse videbatur, ut vix quidquam aliud quàm inutile phlegma dici posset; quam observationem oblivioni minimè tradendam censeo, ex ea enim conicere possumus, quàm exigua genuini Spiritus, aut Salis portio ad conciliandam Liquori cuiuspiam Spiritus Humani Sanguinis appellationem requiratur.

#### EXPERIMENTVM V.

**S**æviente gelu feridus sub noctem duo fortè, triæve Spiritus Humani Sanguinis cochlearia non sanè optimi, sed ad summum mediocriter fortis aeri exposuimus. Licet autem illius tempestatis frigore Phiala plena ferè Oleo Vitrioli congelita fuisset, noxque illa, qua Spiritus noster aeri exposcebatur, mediocriter saltem objecta quæque congelaret, postero tamen die ne minimam quidem glaciei laminam in eo offendimus. Sed Phiala in mixturam pulveratæ glaciei, Salisque communis; remota brevi sat tempore comperimus maximam Spiritus partem versam esse in tenuis glaciei laminas, quæ sibi mutuo proximè adhzrebant, quarumque acumina sursum vergebant, instar foliorum libri depressa deorsum, aut inversa posteriore parte, sursum respicientium.

#### EXPERIMENTVM VI.

**V**T ulterius explorarem experimentum illud imperfectum in titulo subordinato commemoratum, grumulum Humani Sanguinis fabam circiter mole æquantem selegimus, eumque Phialæ sic commisimus ut pars ea quæ aeri contigua erat, adeoque florida, infima nunc foret, altera verò, quæ nigrior erat, summa existeret: nulla itaque interjecta mora Spiritus Hu-

mani

mani Sanguinis tantum ei affudimus, quantum eidem cooperiendo ad minimum satis foret: ejus autem contactu animadvertimus statim imminui superfici Sanguinis nigrorem, quin & superficiem insigniter floridam eo fieri exploraturi autem id utrum duraturum esset, Phialam obstructam ad posterum usque diem (tum enim nox erat) seposuimus eâque tum intuiti, superfici colorum non nigrum, sed rubrum adhuc reperimus.

## EXPERIMENTVM VII.

**P** Vleri Humani Sanguinis siccati (exigua in Phiala) Spiritum Humani Sanguinis affudimus, qui citò partem illius dissolvit, intensumque ac jucundum acquisivit colorem. Sed Spiritus Vini summè rectificatus, eidem pulveri affusus similiq; vitro, manifestam nullam per varias horas acquisivit tincturam, ac tandem tantummodo pallido-flavam obtinuit, servata etiam diu moderato in calore mixtura: communis tamen aqua in alteram ejusdem pulveris portionem injecta, ex acquisito colore, sat magnam illius partem visa citò est dissolvissè.

## EXPERIMENTVM VIII.

**C** Vm Spiritum Humani Sanguinis affudissemus excellenti vitriolo quod ex Indiis Orientalibus, ni fallor, tanquam rarum quidpiam acceperam, cujus altera pars in massas distributa erat, pars altera in pulverem contusa; liquor ille, qui priori affusus est, quam lentius dissolvebat spumam ferè nullam excitavit: affusus tamen posteriori, Spiritus, subita in pulverem actione, spumam manifestam produxit: solutiones autem ex utraque Vitrioli portione factæ, ipso profundius, jucundiusque minerali erant coloratæ, neque ullum in eis coloris obscurioris præcipitatum observavi, quemadmodum in mixtura urinæ, & Vitrioli vulgaris animadverti.

## EXPERIMENTVM IX.

**C** Vm nitidiorè calamo characteres quosdam candidam supra Papyrum cum Spiritu Humani Sanguinis exarasset, atque ut exsiccatum in exaratum per Candelæ flammam movissem, liquorem comperi hunc, ubi res ita exigit, adhiberi posse tanquam invisibile atramentum eo melius, quod superius ex sero, & urina confectum diximus.

EXPERIMENTVM

## EXPERIMENTVM X.

**C**um experientia didicissem varios sales, quosdam quidem Volatiles, pulveratos, quosdam verò non volatiles, aquam, dum dissolvuntur, sensibilibiter refrigerare, atque è contrà, aliquos valde subtiles Spiritus actu frigidos in aqua frigida sensibilem citò calorem producturos, experiri statui, quis Spiritus Humani Sanguinis eundem in modum adhibiti effectus futurus esset. Cum itaque sigillatim Thermoscopium in vitro lati orificij statuissemus, in quo tantum aquæ distillatæ erat, quantum cooperiendo instrumenti Globo satis foret: eo illud in situ aliquamdiu, ut internus eandem externasque liquor frigiditatis intensiorem consequerentur, reliquimus: immerso tum Globo duo triæve Spiritus Humani Sanguinis Cochlearia [neque enim major ad manum copia tum erat] affudimus, sed per exiguam inde in Thermoscopio percepimus alterationem: perparum tantum Spiritus Vini in collo vitri subsidere visus est. Qui effectus licet multo manifestior fuisset: admirationis mihi causam præbuisset nullam, tum quia comperi Spiritus Urinæ non abfimilem, aut majorem esse effectum, tum quia memineram quid ipsemet de operatione puri Salis Humani in aquam distillatam alibi retulerim: quo propterea utor, liquore in illis, variisque aliis experimentis, quod in communi puteali aqua, eaque quæ antlia educitur, atque in plerisque aliis aquis communibus, quoddam communis salis genus observari, quo licet permodico sat facile coagulentur cum salinis quibusdam corpusculis, aut eadem sive simpliciora, sive magis composita præcipitent: prius autem quam experimentum mox relatum relinquam, fateor ingenuè in eo me conquiscescere non posse, quod verisimiliter sensibilius in aquam acturus fuisset Spiritus Sanguinis, si sat mihi copiosus, qui aquæ affunderetur, adfuisset.

## EXPERIMENTVM XI.

**T**enul Phialæ Cylindricæ, cupri limaturas imposuimus plures, quam requirerentur ad fundum omnino contegendum, tum affuso Humani Sanguinis Spiritu donec pollicem supra limaturas assurgeret: Phialam arcibus obstruximus, atque ut expectabamus aliquam metalli partem menstruum dissolvit, ex eoque colorem intensè cæruleum acquisivit, qui servato, quieto in loco per aliquot dies, vase paulatim evanuit, liquorémque reliquit instar aquæ. Phialâ tum deobstructâ, superficies, ut expectabamus, pulchrè cærulea in confinio aeris & liquoris intra unicùm horæ minutum apparuit: atque pulcher color hic expandens sese deorsum, toto brevi liquore sic diffusus est, ut opacus seipè evaserit. Licet autem vitrum multos post dies bene obstructum servarim, color nihilominus, sive ob relictam  
aeris



æris nimiam in phialâ copiam, sive ob aliam quampiam rationem, non evanuit ut sperabamus, sed intensus admodum perseveravit: hoc & confirmare poterit, & variare experimentum in titulo decimo tertio quartæ Partis hujus Apparatus relatum.

## EXPERIMENTVM XII

**N**on in Cuprum tantum forma metallica perfecta donatum, sed ab ipsâ natura inchoatum, aut forti materiæ mixtum Spiritus Humani Sanguinis manifestè egit, cum enim cum *Lapidi Armeno* pulverato affudissem, liquor etiam in frigido, paucarum horarum spacio colorem & pulchrè, & intense caruleum acquisivit, instar ferè solutionis limaturarum crudi cupri cum eodem menstruo factæ.



# TOTIUS OPERIS CONCLUSIO.



**H**ic tandem, Vir ornatissime, tractatum hæcenus argumentum dimittam, cui diutius longè opinione primùm mea immoratus sum: si quid tamen apud te possum novam adhuc humeris tuis provinciam imponam; hortabor itaque te ut ne gravaris, quo & tibi, & mihi fiat satis, severam iterum ad trutinam revocare è superioribus experimentis ea quæ variantis fortè contingentisquæ naturæ judicaris: quamvis enim non dubitem quin persuasum habeas non minore me fide, quàm perspicuitate materiam facti tradidisse, nec à recto veri tramite hypothesis meæ studio, fuisse detortum, hæc ipsa tamen exhortatio mea, & non inutilis, & rationi omnino consona est. Humanum enim Sanguinem animadverti variantibus circumstantiis adeo variari, ac habituali maxime Sanguinem emittentis constitutione, ipsoque ejusdem, Phlebotomiæ tempore, statu, ut eundem prorsus qui mihi obtigit, cuilibet hæc experimenta repetenti eventum polliceri non ausim: quin etiam neque uniformem mihi ipse successum promittere possum.

M lum,

sum, cum ex propriis experimentis ea repetam, quæ peculiarem exigunt accuratorem: si præsertim ea repetiero, ut maximè eupio, majore cum Sanguinis quantitate, quàm in prioribus faciendis adhibere mihi licuit.

Traditis hæcenus de historia Humani Sanguinis, alia quædam si per otium mihi, aut prudenter liceret, superaddere possem: quantumvis enim incultum hæcenus hoc argumentum fuerit, non adeo illud sterile comperi: dum enim quædam de eo experimenta traderem, illorum contemplatio, ipsiusque rei naturæ, nova suggessit: sed aliquis demum statuendus appendici modus, quæ, cum rhapsodia tantum quædam notarum, aliarumque rerum à scripto apparatu mihi occurrentium sit, prolixior fortè, inordinationeque videri poterit. Hic autem memini postremos duos quartæ partis apparatus titulos, externum, internumque in re medica Spiritus Humani Sanguinis usum spectare; ac proinde quædam hic à me experimenta, aut observationes quasdam huc spectantes fortè quis expectarit. Sed tum rationibus superius allatis, tum ipsa adhuc earundem incompletionem ab iisdem in lucem adhuc edendis deterreor, nisi id tu, doctique amici tui jubere volueris, cum major erit mihi obediendi opportunitas. nunc enim aliis, quibus vacare me oportet, aliò distrahor negotiis; ulterius proinde hujus argumenti examen tibi relinquam necesse est, iisque qui artem medicam proficiunt, qui id profectui & magis tenentur, & accuratius poterunt: id autem à vobis vel idcirco sperare me liceat, quod partem tantum eorum quæ scripsi, volante oculo perstringenti, tam multa de *originalibus* etiam, ut ita loquar, *experimentis*, aliisque rebus consideratione dignis, mihi occurrerint, ut animadvertim appendicem duplici rerum genere crescere facile potuisse: harum autem quædam *designata experimenta* complexæ fuissent, hoc est, nondum facta, sed quæ fieri deberi meritò, viderentur, quibus verosimiliter ingeniosissimus *Verulamius* postea *Historia Designata* titulum attribuisse: quædam verò ea comprehendissent experimenta, quæ *Succedanea* voco, hoc est, quæ circa Brutorum Sanguinem facere statueram iis in circumstantiis, in quibus Humani Sanguis aut haberi nequit, aut procurari non debet. Quæ primum vice id mihi felicitatis obrigerit ut tuo aliquantisper fruar colloquio, quæ hujusce generis collegerim exponam: si autem divino beneficio, prospera utar valetudine, ac negotia permittant, omnino enim polliceri non ausim, proponam tibi fortè quæ mihi occurrerint *addenda*, ut quæ conducere plurimum possint ad copiosius, accuratiusque schema titularum quales ferè sunt, quos in prima apparatus parte titulos secundi ordinis appellavi, cui schemati expedire omnino, ut materiam quis pararet, eò magis inducebar ut crederem, quòd rem iterum totam ferò contemplatus animadvertim particularia hoc libello comprehensa, ea, ut superius agnoscebam, ipseque faciliè credideris, minimè complecti omnia, quæ de tam nobili, utilique quod tractandum suscepi, argumentò doceri.

doceri, queant & debeant. Hic autem loci ingenuè tibi fatebor, quantum quidem, ad illud quod mecum ipse designo humanæ notitiæ incrementum spectat, in ea omnino me esse mente, plerisque, qui nunc vivunt, ingenio-  
sis, sat superque esse debere, si nobilia circa argumenta sese exercuerint, in-  
dustriisque ad scientiam, quæ profit, promovendam conatibus, & divinæ  
gloriæ, & humani generis commodis servierint. Omnino enim futurum  
existimo ut oculatio, atque etiam illuminatio posteritas, cò usque de-  
mum progrediatur, ut quibus hæc ætas prioribus sese præfert, ea aut per-  
quàm facilia, aut minimi ferè momenti putet: demirabuntur itaque fortè  
posteriores sibi adeo obvias aut tamdiu nobis fuisse ignotas, aut tanti æsti-  
matas: quos fortè fastuosa quadam commiseratione respecturi sunt, nisi ut  
æqui rerum æstimatores, & quàm pauca consecuti simus & quàm multa no-  
bis defuerint auxilia, perpenderit, aut certè digna generosis animis gra-  
titudine meminerint, quantas hæc ætas difficultates superarit, dum fracta,  
ut vulgò dicitur, glaciæ viam ipsis planam, & directam pararet, qua nobis  
post se relictis longè præirent: cùm hæc asseram de felicibus ingeniis quæ  
doctissimo huic sæculo prælucent, non erit spero cur existimes me, qui his  
celebrandis, quàm adæquandis aptiorem me profiteor, detertere velle te,  
à promovendis, superandisque iis, quæ hoc in tractatulo tuo submissi judi-  
cio, tuæque censuræ,

*Tibi addictissimus,*

ROB. BOYLE.

*Ponte Equisio*

Decembris 22. 1683.

FINIS.

